

宋本

梁 沈 約 撰

中

華

書

局

第

卷三五至卷四一(志傳) 四

册

## 宋書卷三十五

## 志第二十五

## 州郡一

揚州

南徐州

徐州

南兗州

兗州

為梁州 焉。 州之地以爲幽 <u>交州,凡十二州,司隸所部如故。</u> 方,改<u>確</u>日凉,改梁日<u>隘</u>,凡爲十三州,而司 海、岱爲青州,海、岱及淮爲徐州,淮、海爲揚州,荆及衡陽爲荆州,荆、河爲豫州,華陽、黑水 吳叉分交為廣。 唐堯之世,置十有二牧,及禹平水土,更制九州,冀州堯都,土界廣遠,濟、河爲兗州 ,黑水、西河 竹,并。 爲雍州。自虞至殷無所改變。 漢初又立徐、梁二州。 魏末平蜀,又分益爲梁。 及三國鼎時,吳得揚、荆、交三州,蜀得益州,魏氏 隸部三輔、三河諸郡。 武帝攘卻胡、越,開地斥境,南置交趾,北置 晉武帝太康元年,天下一 周氏旣有天下,以徐幷青,以梁幷確,分冀 東京無復朔方,改交趾 統,凡十有六州。後 猶得 九 朔

志第

=

十五

州

郡

叉 分涼 雍 爲秦,分荆、揚爲江,分益爲寧,分幽爲平,而爲二十矣。

北克,而青、冀二州治贛楡之縣。 過半,豫州 司,非舊土也。 侵,青、冀、徐、克及豫州淮 分荆爲雍,分荆 自 夷 狄 唯得譙城 、亂華、 湘爲 江左叉分荆爲湘, 司、冀、雍、凉、靑、幷、兗、豫、幽、平諸州一時淪沒,遺民南渡, 而已。 郢, 分荆爲同, 西,並皆不守,自潍以北,化成虜庭。 及至宋世,分揚州爲南徐, 今志大較以大明八年為正, 其後分派, 隨 或離或合,凡有揚、荆、湘、江、梁、益、交、廣,其徐州則有 分廣爲越,分靑爲冀,分梁爲南北秦。 徐州爲南克,揚州之江西悉屬豫州 於是於鍾離置徐州,淮陰為 事記列。 太宗初,索虜 並僑置牧 南

侯、相,則以昇明末爲定焉。

隱地道 縣 立 有離合,千回百改,巧曆不算,尋校推求,未易精悉。 郡時見,而 無移改者,則注云「漢舊」。其有回徙,隨源甄別。 地 ]、晉世起居、永初郡國、何徐州郡 理參差,其詳難舉,實由名號驟易,境土屢分,或一郡一縣,割成四五,四五之中,亟 置縣 不書。 今唯以續漢郡國校 及地 太康地志,參伍 理雜書,互相 若唯云「某無」者,則此前皆有也。 今以 :考覆。 班固 異同,用相徵驗。 馬彪 且三國 二志、太康元 無志,事 自 漢 康定戶、王 出 帝 至 紀,雖

注

置立,史闕也

咸 康 揚 州 四 年 刺 史,日 僑 立 魏郡 前漢刺史未有所治,它州同。後漢治歷陽,魏、晉治壽春,晉平吳治建業 別見。 領 肥 鄉 別 見。 元 城 漢舊縣,晉屬陽平。 二縣,包 後省元城。又僑 立

州還 以南 領 陽 頟 廣 帝 郡 北 Ш 分揚州 又省 爲 臺 新 郡 別 東 侍 城 領 高 揚 分別 御 見。 縣 陽 之會稽 史部 州 見。 八 并魏郡, 領 ó + 博陸博 廣 前 諸 Щ 廢帝 郡,如從事之部 東 卢 陽 並 陸縣霍光 縣,宋初省 新安、 永光元年,省 十四四 隸 湯州 所封 萬三千二百 永嘉 ,而二漢無 爲 寄治京邑。 傳 縣,隸 東揚州 焉,而 ,晉屬高陽 九十六,口 魏郡。 五 東揚 併揚 那爲 文帝 州 州 江左又立高陽、別見。 東揚州。 直 元嘉十一年省,以其民併建康。 二縣 一云揚州 一百四十五萬五 順帝昇明 ,堂邑,領堂邑一 大明三年罷 八年。 三年 ·, 改 罷王畿, 千六百 堂邑二郡,別見。 刑, 揚 縣,後省堂邑幷 州 以 刺 八 復 其 + 史 立 地 五 日 揚州, 爲王畿, 孝建 牧 高  $\subseteq$ 揚 元

移治建業。 二年 ·, 爲 丹陽 丹陽 尹 元帝太興元 郡 秦 鄣郡 治 今宣城 ,治今吳興之故鄣 年,改爲 之宛 陵 尹。 縣 領縣八。 晉武 縣。 帝 漢 太康 初 戶 屬 四四 吳 二年 萬一 國 ·, 分 吳王 千一十, 丹 陽 濞 爲 反敗、屬 口二十三萬七千三百 官 城 郡 江 都 治 或 宛 陵 武 帝 而 四十 丹 元 陽 封

建 康 澴 令, 爲 秣 本秣 陵 陵縣。 太 康 三年,分秣陵之水北爲建業。 漢獻 帝 建安 十六年置 縣, 孫權 愍帝卽位 改 秣陵 爲 ,避帝諱, 建業。 改爲 晉武 建 帝 平吳, 康

志

秣陵令, 義熙九年,移治京邑,在鬭場。 其地本名金陵,秦始皇改。 恭帝元熙元年,省揚州府禁防參軍,縣移治其 本治去京邑六十里,今故治邨是也。 晉安帝

處。

丹楊令,漢舊縣。

江寧令,晉武帝太康元年,分秣陵立臨江縣。二年,更名。

永世令,吳分溧陽爲永平縣,晉武帝太康元年更名。 惠帝世,度屬義興,尋復舊。

義興又有平陵縣,董覽吳地志云:「晉分永世。」「图 太康、永寧地志並無,疑是江

左立。 文帝元嘉九年,以併永世、溧陽二縣。

溧陽令,漢舊縣。 吳省爲屯田。晉武帝太康元年復立。

湖熟令,漢舊縣。 吳省爲典農都尉。 晉武帝太康元年復立。

句容令,漢舊縣。

五萬二千二百二十八,口三十四萬八千一十四。 會稽太守,秦立,治吳。 漢順帝永建四年,分會稽爲吳郡,會稽移治山陰。 去京都水一千三百五十五,陸 同。 領縣十。戶

山陰令,至漢舊縣

永興令,漢舊餘暨縣,吳更名。

上虞令,漢舊縣。

餘姚令,漢舊縣。

**剡**令,漢舊縣。

諸暨令,漢舊縣。

立。」續漢志無。晉太康三年地志有。

始寧令,何承天志,漢末分上虞立。

賀續會稽記云:「順帝永建四年,分上虞南鄉

句章令,漢舊縣。

鄮令,漢舊縣。

鄞令,漢舊縣。

八十八,口四十二萬四千八百一十二。去京都水六百七十,陸五百二十。 吳郡太守,分會稽立。 孝武大明七年,度屬南徐,八年,復舊。 領縣十二。 戶五萬四百

吳令,漢舊縣。

**婁**令,漢舊縣。

嘉興令,此地本名長水,秦改曰由拳。 禾 興。 孫皓父名和,又改名曰嘉興。 吳孫權黃龍四年,「於」由拳縣生嘉禾,改日

志第二十五 州郡一

海虞令,晉武帝太康四年,分吳縣之虞鄉立。

海鹽令,漢舊縣。 吳記云:「本名武原鄉,秦以爲海鹽縣。」

鹽官令,漢舊縣。〔刊吳記云:「鹽官本屬嘉興,吳立爲海昌都尉治, 此後改為縣。」

非也。

錢唐令,漢舊縣。

富陽令,漢舊縣。 本日富春。 孫權黃武四年,以爲東安郡,尽之七年,省。 晉簡文

鄭太后諱「春」,孝武改曰富陽。

新城令,浙江西南名爲桐溪,吳立爲新城縣,後幷桐廬。 晉太康地志無。

張勃云:

「晉末立。」疑是太康末立,尋復省也。 晉成帝咸和九年又立。

建德令,吳分富春立。

桐廬令,吳分富春立。

壽昌令,吳分富春立新昌縣,晉武帝太康元年更名。

千一百七十三。 吳興太守,孫晧寶鼎元年,分吳、丹陽立。 去京都水九百五十,陸五百七十。 領縣十。戶四萬九千六百九,口三十一萬六

烏程令,漢舊縣,先屬吳。

東遷令,晉武帝太康三年,分鳥程立。 後廢帝元徽四年, 更名東安。 順帝昇明元

年復舊。

武康 令,吳分烏程、餘杭立永安縣,晉武帝太康元年更名。

長城令,晉武帝太康三年,分鳥程立

原鄉令,漢靈帝中平二年,分故鄣立。

故鄣令,漢舊縣,先屬丹陽。

安吉令,漢靈帝中平二年,分故鄣立。

餘杭令,漢舊縣,先屬吳。

臨安令,吳分餘杭爲臨水縣,晉武帝太康元年更名。

於潛令,漢舊縣,先屬丹陽。

南,徙治壽春。 帝 並二漢舊縣也。 又分為 淮南 廬江 太守,秦立爲 郡。 晉武帝太康 三國時,江淮爲戰爭之地,其間 武帝元狩元年, 九 江 元 郡,兼得 年,復立 廬江 復爲 歷 陽 豫章。 九江郡, 八別見。 漢高帝四年, 不 治壽春縣。 當塗、逡道諸縣,二年,復立 ·居者 各數百里,此諸縣 更名淮南國, 後漢徙治 陰 並在 陵 分立 縣。 鍾 江 離 北 豫章郡,文 魏復日 縣,別 淮 南, 見。 淮 虚

其 地 無復民戶 0 吳平,民各還本,故復立焉。 其後 中原亂, 胡寇屢南侵, 淮南民 多南度。 成

一〇三四

帝初 晉末遂割丹陽之于湖縣爲淮南境。 八年,復立淮南郡,屬南豫州 7、蘇峻 祖 約 爲 亂於江淮,胡寇又大至,民南度江者轉多,乃於江南僑立淮 明帝泰始三年,還屬揚州。 宋孝武大明六年,以淮南郡倂宣城, **領縣六。** 戶五千三百六十二,口 宣城 郡徙治 南郡及諸縣, 于湖

一萬五千八百四十。去京都水一百七十,陸一百四十。

于湖令,晉武帝太康二年,分丹楊縣立,本吳督農校尉治。

當塗令,晉成帝世,與逡道俱立爲僑縣,晉末分于湖爲境。

繁昌令,漢舊名,本屬潁川。 魏分潁川爲襄城,又屬焉。晉亂,省襄城郡,岳以此

縣屬淮南,割于湖爲境。

襄垣令,其地本蕪湖,蕪湖縣,漢舊縣。 過江,立僑郡縣,寄治蕪湖,後省上黨郡爲縣,屬淮南。 至于晉末,立襄垣縣,屬上黨。上黨民南 文帝元嘉九年,省上黨

縣倂襄垣。

定陵令,漢舊名,本屬襄城,後割蕪湖爲境。

逡道令,漢作逡遒,晉作逡道,[10]後分蕪湖爲境。

九十二。 宣城 去京都水五百八十,陸五百。 太守,晉武帝太康元年,分丹陽立。領縣十。戶一萬一百二十,口四萬七千九百

宛陵令,漢舊縣。

廣德令,何志云:「漢舊縣。」二漢志並無,疑是吳所立。

懷安令,吳立。

寧國令,吳立。

宣城令,漢舊縣。

**涇令**,漢舊縣。

安吳令,吳立。

臨城令,吳立。

廣陽令,漢舊縣曰陵陽,子明得仙於此縣山,故以爲名。 晉成帝杜皇后諱「陵」,咸

康四年更名。

石城令,漢舊縣。

十萬七千九百六十五。[11]去京都水一千七百,陸同。 東陽太守,本會稽西部都尉,吳孫晧寶鼎元年立。 領縣九。戶一萬六千二十二,口一

長山令,漢獻帝初平二年,分鳥傷立。

太末令,漢舊縣。

第二十五 州郡一

志

鳥傷令。三三

永康令,赤烏八年分烏傷上浦立。

信安令,漢獻帝初平三年,分太末立日新安。 晉武帝太康元年更名。

吳寧令,漢獻帝興平二年,孫氏分諸暨立。

豐安令,漢獻帝興平二年,孫氏分諸暨立。〔〕〕〕

定陽令,漢獻帝建安二十三年,孫氏分信安立。

遂昌令,孫權赤烏二年,分太末立曰平昌。 晉武帝太康元年更名。

也。 孫亮太平二年立。領縣五。 臨海太守,本會稽東部都尉。前漢都尉治鄞,後漢分會稽爲吳郡,疑是都尉徙治章安 戶三千九百六十一,口二萬四千二百二十六。去京都水

二千一十九,陸同。

章安令,續漢志:「故冶,閩中地,口即光武更名。」晉太康記:「本鄞縣南之回浦鄉, 漢章帝章和中立。」未詳孰是。

臨海令,吳分章安立。

始豐令,吳立曰始平,晉武帝太康元年更名。

寧海令,何志,漢舊縣。按二漢志、晉太康地志無。日恩

樂安令,晉康帝分始豐立。

永嘉太守,晉明帝太寧元年,分臨海立。 領縣五。 戶六千二百五十,口三萬六千六百

八十。去京都水二千八百,陸二千六百四十。

永寧令,漢順帝永建四年,分章安東甌鄉立,或云順帝永和三年立。

安固令,吳立曰羅陽,孫晧改曰安陽。 晉武帝太康元年更名。

松陽令,吳立。

樂成令,晉孝武寧康三年,分永寧立。

横陽令,晉武帝太康四年,以橫鄭船屯爲始陽,仍復更名。

戶一萬二千五十八,口三萬六千六百五十一。去京都水一千八百六十,陸一千八百。 新安太守,漢獻帝建安十三年,孫權分丹陽立曰新都,晉武帝太康元年更名。 領縣五。

始新令、孫權分象立。

遂安令,孫權分獻爲新定縣,晉武帝太康元年更名。

歙令,漢舊縣。

海寧令,孫權分獻爲休陽縣,晉武帝太康元年更名。 分獻置諸縣之始,又分置黎

陽縣,大明八年,省併海寧。

志第

二 十

Ŧ.

州郡

陽 帝永初二年,加徐州日南徐,而淮北但日徐。 州。 及留 徐州,治京口 十,陸二百。 青、**并**、揚七州郡邑。 在 今領郡 一晉陵郡界者。 八郡 在 安帝義熙七年,始分淮北爲北徐,淮南猶爲徐州。 南徐州刺史,晉永嘉大亂,幽、冀、靑、幷、兗州及徐州之淮北流民,相率過淮,亦有過江 江北者,並立僑郡縣以司牧之。徐、兗二州或治江北,江北又僑立幽、冀、青、幷四 ·CIKJ南沛、廣陵、海陵、山陽、盱眙、鍾離割屬 十七,縣六十三。戶七萬二千四百七十二,口四十二萬六百四十。 ,割揚州之晉陵、兗州之九郡僑在江南者屬焉,故南徐州備有徐、兗、幽 晉成帝咸和四年,司空都鑒又徙流民之在淮南者於晉陵諸縣,其徙過 永初二 年郡國志又有南沛、南下邳、廣平、廣陵、盱眙、鍾離 文帝元嘉八年,更以江北爲南兗州, 南克,南下邳併南彭城,廣平併南 後又以幽、冀合徐,青、并 去京都水二百四 合克。 江南為南 海陵、山 泰山 江 武 南

八年立南徐,以東海爲治下郡,以丹徒屬焉。 而 祝其 南 東海太守,東海郡 、襄賁等縣寄治 曲阿 別見。晉元帝 穆帝 永和 初、割吳郡海虞縣之北境為東海郡、立郯、朐、利城三縣、 中, 郡移出京口, 郷、利城並爲實土。永初郡國有襄賁、別見。祝 郯等三縣亦寄治於京。 文帝元嘉

其、厚丘、並漢舊名。西隰何江左立。四縣,文帝元嘉十二年,省厚丘倂襄賁。 與永初郡 {國 同。 其襄賁、祝其、西隰、是除志後所省也。 領縣六。戶五千三百四十二,口三 何、徐無厚丘、餘

萬三千六百五十八。

郷令,漢舊名。 文帝元嘉八年,分丹徒之峴西爲境。

丹徒令,本屬晉陵,古名朱方,後名谷陽,秦改曰丹徒。 孫權嘉禾三年,改曰武進。

晉武帝太康三年,復曰丹徒。

武進令,晉武帝太康二年,分丹徒、曲阿立。

毗陵令、江北宋孝武大明末,度屬此

利城令,漢舊名。 胸令,漢舊名。 晉江左僑立。宋孝武世,分鄉西界爲 晉江左僑立。 宋文帝世,與郡俱爲實土。

雖 刨 乘縣境立郡,又分江乘地立臨沂縣。 有 年,省費併建康、臨沂。 丘 琅邪 並別見。 南 琅邪太守,琅邪郡別見。 相 三縣,並割臨沂及建康爲土。 m 無土地。ここ成帝咸康元年,桓溫領郡,鎭江乘之蒲洲金城上,求割丹陽 孝武大明五年,省陽都併臨沂。 晉亂,琅邪國人隨元帝過江千餘戶,太興三年,立懷德縣。丹陽 永初郡國有陽都、前漢屬城陽,後漢、晉太康地志屬琅邪。 費縣治宮城之北。 今領縣二。 戶二千七百八十九, 元嘉 八年,省卽丘併陽都。

志 第 五

口 萬八千六百九十七。 去州水二百、陸一百。 去京都水一百六十。

臨沂令,漢舊名。 前漢屬東海,後漢、晉屬琅邪

江乘令,漢舊縣。 本屬丹陽,吳省爲典農都尉。 晉武帝太康元年復立。

熙九年,復還晉陵。本屬揚州,文帝元嘉八年,度屬南徐。領縣六。戶一萬五千三百八十 爲晉陵。日母始自毗陵徙治丹徒。太興初,郡及丹徒縣悉治京口,郗鑒復徙還丹徒, 毗陵郡,治丹徒,後復還毗陵。 二,口八萬一百一十三。去州水一百七十五,陸同。去京都水四百,陸同。 晉陵太守,吳時分吳郡無錫以西爲毗陵典農校尉。晉武帝太康二年,省校尉, 東海王越世子名毗,而東海國故食毗陵,永嘉五年, 元帝 安帝義 立以爲 改

晉陵令,本名延陵,漢改曰毗陵,後與郡俱改。 延陵令,晉武帝太康二年,分曲阿之延陵鄉立。

無錫令,漢舊縣。吳省,晉武帝太康元年復立。

南沙令,本吳縣司鹽都尉署。吳時名沙中。吳平後,立暨陽縣割屬之。 晉成帝咸

七年,罷鹽署,立以爲南沙縣。

日曲阿。

曲 阿令,本名雲陽,秦始皇改曰曲阿。 吳嘉禾三年,復曰雲陽。 晉武帝太康二年,

暨陽令,晉武帝太康二年,分無錫、毗陵立。

明帝泰始四年,度南徐。 義興太守,晉惠帝永興元年,分吳興之陽羨、丹陽之永世立。 領縣五。 戶一萬三千四百九十六,口八萬九千五百二十五。 永世尋還丹陽。 本揚州 去州

水四百,陸同。去都水四百九十,陸同。

陽羨令,漢舊縣。

臨津令,故屬陽羨,立郡分立。

義鄉令,故屬長城、陽羨,立郡分立。

國山令,故屬陽羨,立郡分立。

綏安令,武帝永初三年,分宣城之廣德、吳興之故鄣、長城及陽羨、義鄉五縣立。

南蘭陵太守,蘭陵郡別見。領縣二。戶一千五百九十三,口一萬大百三十四。

蘭陵令。別見。

承令,別見。文帝元嘉十二年,以合鄉縣併承。 永初郡國、何、徐並無合鄉縣

南東莞太守,東莞郡別見。永初郡國又有蓋縣。別見。領縣三。戶一千四百二十四,口九千

八百五十四。

宮 令 。 別見。

志

第

+

五.

州郡

東莞 令,別見。 文帝元嘉十二年,以蓋縣併此

姑幕令,漢舊 名。

下邳 郡。 臨淮太守,漢武帝元狩六年立。 晉 武 帝太康元年,復分下邳之淮南爲臨淮郡,治盱眙。 光武以倂東海。 明帝永平 ·十五年,復分臨淮之故地爲 江左僑立。 永初郡國 又有

領縣七。戶三千七百一十一,口二萬二千八百八十六。

海西令,前漢屬東海,後漢、晉屬廣陵。

盱眙縣

,何、徐無。

射陽令,前漢屬臨淮 ,後漢屬廣陵,三國時廢,晉武帝太康元年復立。

淮浦令,前漢屬臨淮,後漢屬下邳,晉太康地志屬廣陵

凌令,前漢屬泗水,[110]後漢屬廣陵,三國時廢,晉武帝太康二年又立,屬廣陵。

淮陰令,前漢屬臨淮 一後漢屬下邳,晉太康地志屬廣陵。

東陽令,前漢屬臨淮,後漢屬廣陵,晉太康地志屬臨淮

長樂令,本長樂郡,別見。幷合爲縣。

淮陵太守,本淮陵縣,前漢屬臨淮,後漢屬下邳,晉屬臨淮,惠帝永寧元年,以爲淮陵

、前漢屬臨准,後漢屬下邳,晉太康地志屬臨淮

廣陽廣陽,漢高立為燕國

昭 帝 更

光武省供上谷、和帝永元八年復立。魏、晉復爲燕國。 前漢廣陽縣,後漢無,晉復有此也。一一縣。 今領縣三。戶

國。

永初郡國

又有下相

## 一千九百五,口一萬六百三十。

司吾令,前漢屬東海,後漢屬下邳,晉太康地志屬臨淮。 後廢帝元徽五年五月,改

名桐梧,順帝昇明元年復舊。

徐令,前漢屬臨淮,後漢屬下邳,晉太康地志屬臨淮

陽樂令,漢舊名,本屬遼西。 文帝元嘉十三年,以下相併陽樂。

嘉 中,分南沛爲北沛,屬南兗,而南沛猶屬南徐。 南彭城太守,彭城郡別見。江左僑立。晉明帝又立南下邳郡,成帝又立南沛郡。 孝武大明四年,以二郡並併南彭城。 文帝元 領縣

呂令。別見。

十二。至三月一萬一千七百五十八,口六萬八千一百六十三。

武原令,漢舊名。

傅陽令,漢舊名。

蕃令、別見。義旗初,冤軍戶立遂誠縣,武帝永初元年,改從舊名。

薛令,別見。 義旗初,免軍戶爲建熙縣,永初元年,改從舊名。

開陽令,前漢屬東海,章帝建初五年屬琅邪。 晉僑立,猶屬琅邪,安帝度屬彭城。

杼秋令,漢舊名。

志

第二十

Ħ.

州郡

液令,前漢屬梁,後漢、晉屬沛。

下邳令,別見。本屬南下邳。

北凌令,自己本屬南下邳,二漢無,晉太康地志屬下邳,本名凌。 而廣陵郡舊有凌

縣,晉武帝太康二年,以下邳之凌縣非舊土而同名,改爲北凌。

南淸河太守, **僮令**,別見。本屬南下邳。 清河郡別見。領縣四。 南下邳有良城縣,別見。 戶一千八百四十九,口七千四百四。 文帝元嘉十二年倂僮。

清河令。別見。

東武城令。別見。

釋幕令。別見。

貝丘令。別見。

南高平太守,高平郡別見。 永初郡國又有鉅野、昌邑一 一縣。並漢舊名。 今領縣三。戶一千七

百一十八,口九千七百三十一。

金鄉令。別見。

湖陸令,前漢曰湖陵,漢章帝更名。

高平令。別見。文帝元嘉十八年,以鉅野倂高平。

南平昌太守,平昌郡別見。 領縣四。戶二千一百七十八, 口一萬一千七百四十一 0

安丘令。別見。

新樂 令,二 漢無,魏分平原爲樂陵郡,屬冀州,而新樂縣屬焉。 晉江左立樂陵郡及

諸縣,後省,以新樂縣屬此。

東武令。別見。

高密令,別見。江左立高密國,後爲南高密郡。文帝 元嘉十八年,省爲高密縣,屬此。

二年, 南濟陰太守,二漢、晉屬兗州 更名定陶國, 後還日濟陰。 永初郡國 前 漢 初屬梁國 又有句陽、 景帝中六年,四門別為濟陰國,宣帝甘露 定陶二縣。 並漢舊名。 今領縣四。 戶

城武令。別見。

千六百五十五,

口八千一百九十三。

**港可入,美喜名** 

冤句令,漢舊名。

單父令,前漢屬

Щ

城陽令,漢舊名。

陽縣 南 故 濮 日 陽 1濮陽 太守,本東郡,屬兗州 國。 濮陽 漢舊名也。 ,晉武帝咸寧二年,以封子允,以東不可爲國 允改封淮南、還曰東郡。 趙王倫 篡位,廢太孫臧 名, 東郡 爲濮 有濮

志第二十五 州郡一

陽王,王尋廢,郡名遂不改。 永初郡國又有鄄城縣。二漢屬濟陰,晉太康地志屬濮陽也。 今領縣二。

戶二千二十六,口八千二百三十九。

廩丘令,前漢及晉太康地志有廩丘縣,後漢無。 文帝元嘉十二年,以鄄城倂廩丘

榆次令,漢舊名,至晉屬太原。

南泰山太守,泰山郡別見。永初郡國有廣平,漢武帝征和二年,立爲平干國。宣帝五鳳二年,改爲廣平。光

武建武十三年,省併鉅鹿。 廣平、易陽、易陽,二漢屬趙,晉太康地志屬廣平。 魏分鉅鹿、魏郡復爲廣平。江左僑立郡,晉成帝咸康四年省,後又立。〔三〕寄治丹徒, 曲周 前漢屬廣平,作曲周。 後漢屬鉅鹿。 晉太康地志屬廣平,作 領

曲梁。三三三三縣。文帝元嘉十八年,三三省廣平郡爲廣平縣,屬南泰山。 今領縣三。 戶二千

南城令。 別見。 四百九十九,口一萬三千六百。

武陽令。 別見。

廣平令,前漢屬廣平,後漢屬鉅鹿,晉太康地志屬廣平。

濟陽太守,晉惠分陳留爲濟陽國。領縣二。戶一千二百三十二,口八千一百九十二。

考城令,前漢曰甾, [1] [] 屬梁國,章帝更名,屬陳留。 太康地志無。

鄄城令。 別見。

南魯郡太守,魯郡別見。又有樊縣。 前漢屬東平,後漢、晉太康地志屬任城也。今領縣一。 戶 一 千

二百一十一,日六千八百一十八。

魯令。 別見。

西安令,漢舊名,本屬齊郡。 齊郡過江僑立,後省,以西安配此。 文帝元嘉十八

年,以樊併西安。 永初郡國無西安縣

係。 丘、梁郡之穀熟、歷陽之酇,立新昌郡,置徐州,還治鍾離。 泰豫元年,移治東海朐。日日後廢帝元徽元年,分南兗州之鍾離 三,縣九。 舊領郡十二,縣三十四。 戶二萬三千四百八十五,口十七萬五千九百六十七。 徐州 刺史,後漢治東海郯縣,魏、晉、宋治彭城。 彭城去京都水一千三百六十,陸一千。 明帝世,淮北沒寇,僑立徐州,治鍾離 今先列徐州舊郡於前,以 、豫州之馬頭,又分秦郡之頓 今領郡 新割

彭城太守,漢高立爲楚國,宣帝地節元年,改爲彭 城郡,黃龍元年,又爲楚國,章帝還爲

領縣五。戶八千六百二十七,口四萬一千二百三十一。

彭城令,漢縣。三記

彭城。

呂令,漢舊縣

志

第

+

Ŧi.

州 郡

蕃令, 漢舊 縣, 屬魯。 晉惠帝元康中度。 蕃音皮。 漢末太傅陳蕃子逸爲魯相 改改

音。

薛令,漢舊縣,屬魯。 晉惠帝元康中度。

留令,漢舊縣

萬 五千一百七十。 沛 郡太守,秦泗水郡,漢高更名。 去州陸六十。 去京都一千。 舊屬豫州 江左改配。

領縣三。

戶五千二百九,口二

蕭令,漢舊縣。

0

相令,漢舊縣

沛令,漢舊縣

故。 下邳 太守,前漢本臨淮郡,武帝立,明帝改爲下邳。 領 縣三。 戶三千九十九,口一萬六千八十八。 去州水二百,陸一百八十。 晉武帝分下邳之淮南為臨淮,而 去京都 下

水 一千一百六十,陸八百。 邳

如

下邳 令,前漢屬 東海、後漢、晉太康地志屬 下 邳。

良成 令, 前漢 屬東海,後漢、晉太康 **※地志** 屬 下 郊。

**僮**令,前漢屬 臨淮,後漢、晉太康地志屬 下邳。

崩 陵太守,晉惠帝元康元年,分東海立。 領縣三。 戶三千一百六十四,口一萬四千五

百九十七。 去州陸二百。 去京都水一千六百,陸一千三百。

昌慮令,漢舊縣。

承令,漢舊縣。

合鄉令,漢舊縣。

縣屬 東海郡,又割贛楡置鬱縣,立西海郡,並隸僑 東海太守,秦郯郡,漢高更名。 明帝失淮北,僑立青州於贛楡縣。 青州。 領縣二。戶二千四百一十一,口一 泰始七年,又立東海

萬三千九百四十一。 去州水一千,陸八百。 去京都水一千,陸六百七十。

襄賁令,漢舊縣。

贛楡 令,前 漢屬琅邪,後漢屬東海。 魏省,晉武帝太康元年復立。

東莞太守,晉武帝泰始元年,分琅邪立。

戶八百八十七,口七千三百二十。 去州陸七百。 去京都 水二千、陸一千四百。

咸寧三年,復以合琅邪,太康十年復立。

領縣

莒令,前漢 屬城陽,後漢屬琅邪。 孝武大明五年改爲長。

東莞令,漢舊縣。諸令,前漢屬城陽,後漢屬琅邪,晉太康地志屬城陽。

第二十五州郡

志

一〇五〇

立。 領縣三。戶一千二百八十五,口一萬七百五十五。 東安太守,東安故縣名,前漢屬城陽,後漢屬琅邪,晉太康地志屬東莞,晉惠帝分東莞 去州陸七百。去京都陸一千三百。

蓋令,如可前漢屬琅邪,後漢屬泰山,晉太康地志屬樂安。孝武大明五年改爲長。

新泰令,魏立,屬泰山。

發干令,漢舊名,屬東郡,太康地志無。江左來配。

**琅邪太守,秦立。領縣二。戶一千八百一十八,口八千二百四十三。去州陸四百。去** 

京都水一千五百,陸一千一百。

費令,前漢屬東海,後漢屬泰山,晉太康地志屬琅邪。

即丘令,前漢屬東海,後漢、晉太康地志屬琅邪。

淮 去州水六百,陸五百。 陽太守,晉安帝義熙中土斷立。領縣四。 去京都水七百,陸五百五十。 。戶二千八百五十五,口一萬五千三百六十

角城令,〔三〕晉安帝義熙中土斷立。

晉寧令,故屬濟岷,流寓來配。

宿預令,晉安帝立。

上黨令,本流寓郡,併省來配。

陽平太守,陽平本縣名,屬東郡。 魏分東郡及魏郡爲陽平郡。 故屬司州、流寓來配。永

初郡國又有廩丘縣。 別置。 今領縣三。 戶一千七百二十五,口一萬三千三百三十。

館陶令,漢舊名。

陽平令,漢舊名。

濮陽令,本流寓郡,併省來配

濟陰太守,漢景帝立,屬兗州。 流寓徐土,因割地爲境。 領縣三。戶二千三百五,口一

萬一 千九百二十八。

睢陵令,前漢屬臨淮,後漢屬下邳。 孝武大明元年度。

定胸令,漢舊名。孝武大明五年改爲長。

頓丘令,屬頓丘,流寓割配。

城武令,前漢屬山陽,後漢、晉太康地志屬濟陰。

北濟陰太守,孝武孝建元年昇立。領縣三。戶九百二十七,口三千八百十。

豐令,漢舊名,屬沛。孝武大明元年復立。

離狐 令,前漢屬東郡,後漢、晉太康地志屬濟陰。

鍾 離 太守,本屬南兗州,晉安帝分立。案漢九江郡、晉淮南郡有鍾離縣,卽此地也。 領

一〇五二

縣三。 戶三千二百七十二,口一萬七千八百三十二。去京都陸六百二十,水一千三十。

燕縣令,別見。故屬東燕。 流寓因配。

朝歌令,本屬河內,晉武帝分河內爲汲,又屬焉。流寓因配。

樂平令,前漢曰淸,屬東郡,章帝更名,晉太康地志無。 流寓因配。

三十二, 口一萬二千三百一十。去京都水一千七百五十, 陸六百七十。 馬頭太守,屬南豫州,故淮南當塗縣地,晉安帝立,因山形立名。領縣三。戶一千三百

虞縣令,漢舊名,屬梁郡。流寓因配。

零縣令,晉安帝立。

濟陽令,故屬濟陽。流寓因配。

新昌太守,後廢帝元徽元年立。

頓丘令,二漢屬東郡,魏屬陽平,晉武帝泰始二年,分淮陽置頓丘郡,頓丘縣又屬

江左流寓立,屬秦。 先有沛縣,元嘉八年倂頓丘,後廢帝元徽元年度屬此。

穀熟令,前漢無,後漢、晉屬梁。 | 永初郡國、何、徐志並屬南梁。 後廢帝元徽元年

**酇**令,漢屬沛,晉屬譙。 文帝元嘉八年,自南譙度屬歷陽,後廢帝元徽元年度屬

兗州 北沛 煩 南 江左立。領營城 四 後 有 領 并 陰館、 武 縣。 徐 又省東燕縣。〔一一一南東平郡領范、蛇丘、歴城凡三縣。 、考城凡四縣。 東 孙 心燕郡, 四郡。 東平 前 州 領 南 武 符 竞州 南 漢屬太原,後漢、晉太康地志屬雁門也。 帝永初元年,省幷併南兗。四三文帝 之 廣 齊郡 離 諸 江左分濮陽所立 平陸 南高平 武 蕭 僑 刺 、晉寧江左立。凡二縣。雁門郡漢舊郡。領樓煩 史,中 郡縣 領西安、臨菑凡二縣。〔三南平原郡領平原、高唐、在平並別見。凡三縣。濟岷 相 併范, 縣。 文帝元嘉十八年,省考城併燕。 一、南平昌、南濟陰、南濮陽、南泰山、濟陽 沛 何 原亂, 平 志又 四縣 壽張 原 有 領 北州流民多南 。[是]符 一也,領燕縣 在平、臨菑 併朝陽, 鍾 離 、雁門、平原、東平、北沛 離,漢舊 平原 哼、馬<u>吕</u>並漢舊名。 一營城 、前漢日南燕,後漢曰燕,並屬東郡。 縣。 渡,晉成帝立南兗州,寄治京口 之濟岷、 元嘉 餘 平原 並 別見。 八年 十九年,省東燕郡爲東燕縣, 四 晉寧併營城 ,始割江淮間爲境,治廣陵。 凡十 縣。 、別見。陰館、前漢作「觀」,後漢、晉作「 高密郡領淳于、黔陬、營陵 凡五 应 五 、南魯七郡,[三]今並屬 東平 那。 縣 縣。凡七郡,二十三縣,並省屬 領范、 起居 鍾 先是省濟岷郡 離 注 今屬徐州。 朝陽、 元嘉 地志屬濮陽 時叉立 爲縣。 歷城 + 屬南濮 永初 徐州 雁門 高唐 南 白馬、 年, 夷安 青州 館」也 併 以 領 郡 平 樓 兒 南 郡 {國 及

志

第

+

五

州

郡

平。〔三〕按此五 縣,元嘉十一 年所省,則平陸、壽張疑在永初郡國志, 而無此二縣,未詳。 徐

志有 平原併東平 南 東平 也。 郡 ,領范、朝陽、歷城 孝武大明五年,以東平併廣陵。 、樓煩 、陰觀、廣武、在平、營城、臨菑、平原十縣,則是雁門、 宋又僑立新平、北淮 陽、 北濟陰、 北下邳

廣陵。 東莞五 徐志領郡九,縣三十九。 郡。至立元嘉二十八年,南兗州徙治盱眙。 戶三萬一千一百一十五,口十五萬九千三百六十二。 三十年,省南兗州併南徐,其後復立,還治 宋末

領郡 十一 ,縣四十四。 去京都水二百五十、陸一百八十。

陵。 年,更名廣陵。 山。〔10〕 五 縣。 永初郡國 廣陵太守,漢高六年立,屬荆國,十一年,更屬吳,景帝四年,更名江都國,武帝 並二漢舊 名。 又有輿、前漢屬臨淮,後漢省臨淮屬廣陵,文帝元嘉十三年幷江都也。 云 舊屬徐州。 四 肥如屬遼西 縣本屬 遼西 則 ,潞屬上黨,眞定前 晉武帝太康三年,治淮陰故城,後又治射陽, 是晉末 遼西 僑郡省併廣陵 漢屬眞定,後漢省眞定屬常山 也。 何有肥如、新市、徐與今同 晉亦 屬常山 肥如 射陽別見。 也。 、潞、真定、 今領 新市二漢 江左治 、縣四。 元狩三 晉屬中 新市 戶 廣

廣 愛 · |漢 舊 縣 七千七百四十四,口

四

萬五千六百一十三。

海 陵 前漢屬 臨 淮,後漢、晉屬廣陵 三國 時廢,晉武帝太康元年復立。

高 郵令,漢舊縣。 三國時廢,晉武帝太康元年復立。

江都令,漢舊縣。三國時廢,晉武帝太康六年復立。 江左又省併輿縣,元嘉十三

年復立,以併江都。

海陵太守,晉安帝分廣陵立。 永初郡國屬徐州。 領縣六。 戶三千六百二十六,口二萬

千六百六十。去州水一百三十,陸同。 去京都水三百九十,陸同。

建陵令,晉安帝立。

臨江令,晉安帝立。

如皐令,晉安帝立。

寧海令,晉安帝立。

浦濤令,晉安帝立。

臨澤令,明帝泰豫元年立。

|Щ 陽 太守,晉安帝義熙中土斷分廣陵立。 案漢景帝分梁爲山陽,非此郡也。 永初郡國

戶二千八百一十四,口二萬二千四百七十。

去州水三百,陸同。

去京都

水五百、陸同。

屬徐州

領縣四。

山陽令、射陽縣境、地名山陽、與郡俱立。

鹽城令,舊 日 鹽瀆 前漢屬臨淮 後漢、晉屬廣陵, 三國時廢,晉武帝太康二年復

立。 晉安帝更名。

東城令,晉安帝立。

左鄉令,晉安帝立。

千五百一十八,口六千八百二十五。 盱眙太守,盱眙本縣名,前漢屬臨淮,後漢屬下邳,晉屬臨淮,晉安帝分立。 去州水四百九十,陸二百九。 去京都水七百,陸五 領縣五。戶

考城令。別見。

百。

陽城令,晉安帝立。

直瀆令,晉安帝立。

睢陵令,前漢屬臨淮,後漢屬下邳,晉太康地志無。 信都令,信都雖漢舊名,其地非也。 地在河北。 宋末立。

秦郡太守,晉武帝分扶風爲秦國,中原亂,其民南流,寄居堂邑。 堂邑本爲縣,前漢屬

宋末立。

郡。 臨淮,後漢屬廣陵,晉又屬臨淮,晉惠帝永興元年,分臨淮淮陵立堂邑郡,安帝改堂邑爲秦 永初郡 國屬豫州,元嘉八年度南兗。永初郡國又領臨塗、晉、朱立。平丘、漢舊,屬陳留,晉太康

地志無。外黃、漢舊名,屬陳留。沛、雍丘、浚儀、頓丘別見。

凡七縣。何無雍丘、外黃、平丘、沛、徐又

無浚儀。 三十三,口一萬五千二百九十六。 元嘉八年,以沛併頓丘。 後廢帝元徽元年,割頓丘屬新昌。 去州水二百四十一,陸一百八十。 領縣 去京都水一百五十, 四。

陸一百四十。

秦令,本屬秦國,流寓立。 文帝元嘉八年,以臨塗併秦,以外黃倂浚儀。 孝武孝建

元年,以浚儀倂秦。

義成令,江左立。

尉氏令,漢舊名,屬陳留。 文帝元嘉八年,以平丘併尉氏。

懷德令,孝武大明五年立。又以歷陽之鳥江,幷此爲二縣,立臨江郡。 前廢帝永

光元年,省臨江郡。懷德即住郡治,烏江還本也。

前漢曰竹。李奇曰,今邑也。後漢曰竹邑。至晉並屬沛。 南沛 太守,沛郡別見。何志云,北沛新立。徐云南沛。永初郡國又有符離、洨、並別見。竹邑、 **杼秋前漢屬梁,後漢、晉太康地志屬沛。** 四縣。 杼秋治

無錫 ,餘並治廣陵。 文帝元嘉十二年,以北沛郡竹邑幷杼秋,何、徐並無此二縣,不詳。 {起

居注 ,孝武大明五年,分廣陵為沛郡,治肥如縣。 時無復肥如縣,當是肥如故縣處也。二漢、

晉太康地志 並無肥如 縣。四河市郡宜是大明五年以前省,其時又立也。 今領縣三。戶一千

百九,口一萬二千九百七十。

志第二十五 州郡一

蕭 縣 令 別見。

相縣 令。 別見。

沛縣 令。 別見。

江陽令,郡同立。

新平太守,明帝泰始七年立。

海安令,郡同立。

北淮陽太守、宋末僑立。

晉寧令。 別見。

宿預令。 別見。

角城令。[四] 別見。

北濟陰太守,濟陰郡別見。 廣平令,前漢臨淮有廣平縣,後漢以後無。 宋失淮北僑立。

定陶令。 別見。

陽平令。 上黨令。 別見。 別見。

一〇五八

**寃句令。[晉] 別見。** 

館陶令。別見。

北下邳太守,下邳郡別見。宋失淮北僑立

**僮縣**令。 別見。

下邳令。別見。

寧城令。別見。

東莞太守,康莞郡別見。宋失淮北僑立。

莒縣令。別見。

諸縣令。別見。

東莞令。別見。

**栢人令,漢舊名,屬趙國。 宋失淮北僑立。** 

鄒山,又寄治彭城。二十年,省兗州,分郡屬徐、冀州。三十年六月復立,治瑕丘。二漢山陽有限 <u>兗州刺史,後漢治山陽昌邑,魏、晉治廩丘,武帝平河南,治滑臺,文帝元嘉十三年,治</u>

志第二十五 州郡

永初郡國有東郡、陳留、濮陽三郡,而無陽平。東郡領白馬、別見。

丘縣。

凉城、二漢東郡有聊城縣

**晉太康地志無,疑此是。** 東燕別見。 三縣。〔日〕陳留郡領酸棗 漢舊縣。 小黄 、雍丘、白馬、襄邑 尉氏

六縣 。郡縣並別見。 濮陽 郡領濮陽、廪丘並別見。 二縣。 宋末失淮北,僑立兗州,寄治淮陰。

別見。 兗州 領郡六,縣三十一。戶二萬九千三百四十,口一十四萬五千五百八十一。

無鉅 平縣。 泰山太守,漢高立。 今領縣八。 戶八千一百七十七,口四萬五千五百八十一。 永初郡國又有山在、別見。萊蕪、漢舊名。 太原本郡,僑立此縣。三縣,而 去州陸八百。去京

都陸 千八百。

奉高 令,漢舊縣。

嬴令,漢舊 鉅平令,漢舊縣。 縣

年令,漢舊 縣

南城 令,前漢 屬 東海, 後漢 一晉屬泰

Щ

武陽令,漢舊縣。

梁父令,漢舊縣。

博令,漢舊 縣

高平太守,故梁國,漢景帝中六年,分爲山陽國, 武帝建元五年爲郡, 晉武帝泰始元年

永初郡國及徐並又有任城縣,前漢屬東平,章帝元和元年,分東平爲任城,又屬焉。 晉亦屬任城。 江

一十。 左省郡爲縣也。 去京都陸一千三百三十。宋明帝泰始五年,僑立於淮南當逢縣界,領高平、金鄉二 後省。今領縣六。戶六千三百五十八,口二萬一千一百一十二。 去州陸二百

縣。其年又立睢陵縣。

高平令,前漢名稾,章帝更名。四

方與令,漢舊縣。

金鄉令,前漢無,後漢、晉有。

鉅野令,漢舊縣。

平陽令,漢舊縣曰南平陽。

**亢**父令,漢舊縣。 舊屬任城。

戶四千六百三十一,口二萬八千三百七。去州陸三百五十。 魯郡太守,秦薛郡,漢高后更名。本屬徐州,光武改屬豫州,同以江左屬兗州。 去京都陸一千一百。 領縣六。

鄒令,漢舊縣。

汶陽令,漢舊縣。

魯令,漢舊縣。

志第二十五 州郡一

陽平令,孝武大明元年立。

新陽令,孝武大明中立。

**卞令**,明帝泰始二年立。

千二百九十五。 東平太守,漢景帝分梁爲濟東國, 去州水五百,陸同。 去京都水二千,陸一千四百。宋末又僑立於淮陰。 宣帝更名。 領縣五。 戶四千一百五十九,口一萬七

無鹽令,漢舊縣。

平陸令,漢舊縣。

須昌令,前漢屬東郡,後漢、晉太康地志屬東平。

壽昌令,春秋時日良,前漢日壽良,屬東郡,光武改曰壽張,屬東平。

**范令,漢舊縣。四縣並治郡下。** 

戶二千八百五十七,口一萬一千二百七十一。 陽平太守,魏分魏郡立。文帝元嘉中,流寓來屬,後省,孝武大明元年復立。 領縣五。

館陶令,漢舊名。寄治無鹽。

樂平令,魏立,屬陽平。後漢東郡有樂平,非也。 寄治下平陸。

元城令,漢舊。四日 寄治無鹽。

平原令,別見。孝武大明中立。

頓丘令,別見。孝武大明中立。

阿二漢屬東郡,晉無。二縣,孝武大明元年省,應在何志而無,未詳。 濟北太守,漢和帝永元二年,分泰山立。 永初郡國有臨邑、二漢屬東郡、晉太康地志屬濟北。東 領縣三。 戶三千一百五十

蛇丘令,前漢屬泰山,後漢、晉太康地志屬濟北。

八,口一萬七千三。

去州陸七百。

去京都水二千,陸一千五百。

宋末又僑立於淮陽。

盧令,前漢屬泰山,後漢、晉太康地志屬齊北。

穀城令,前漢無,後漢屬東郡,晉太康地志屬濟北。

## 校勘記

揚州 刺史 「揚州」之「揚」,有從手,有從木者。 下「丹陽尹」之「陽」,亦「陽」「揚」錯見。 據王念

孫讀書雜志 っ、「揚州」之「揚」*,* 古寫從木、至唐以後、乃多從手。 今求全書一 致,除丹楊縣 之楊

字,仍舊不改,以存古義外,其他悉從殿本作「揚州」、「丹陽尹」。 通書準此,不復別出校記

僑 立魏郡 領肥 鄕 元城 縣 各本原無「領」 字,「二縣」作「三縣」。 成孺宋書州郡志校勘記云

按魏是郡 名 肥鄉 元城是屬 縣,不得統稱三縣。 肥鄉、元城上有領字、三縣當作二縣。」按成

志第二十五 校勘記

校是,今據改。

順帝昇明三年改揚州刺史曰牧 成孺 宋書州郡志校勘記云:「昇明二年九月, 加太尉齊王黃

此稱三年

,字誤。」

[ B] 晉分永世 王鳴盛十七史商権云:「下脫『置』字。」

鉞

、都督中外諸軍事、太傅、領揚州牧。

五 山陰令 「山陰」下,各本並有「縣」字,王鳴盛十七史商権謂「縣」字衍。 按本志體例,雙字縣名

[ 八 ] 吳孫權黃龍四年 三國志吳志吳主權傳繫三年。

不加縣字,單字縣名或加縣字,或不加縣字。

此「縣」字當删去,王說是。

-鹽官令漢舊縣 按漢書地理志會稽郡海鹽縣下有鹽官,無鹽官縣。

孫權黃武四年以爲東安郡 成孺 宋書州郡志校勘記 云: 「三國吳志」黃武五年秋七月,分三郡

惡地十縣置東安郡,此作四年,誤。」

. 元 し 字。」按成校是,今補 晉亂省襄城郡 各本並脱「省」字,句不可通。 成孺宋書州郡志校勘記云:疑『晉亂』下奪『省』

遒。 晉作逡道 杜預 <u>左傳哀公十二年會吳於豪皐注:「在淮南逡遒縣東南。」</u> 「逡道」漢書地理志、 續漢書郡國志、南齊書州郡志、唐初修新晉書地 則晉世亦 作 逡遒。 理志並作 沈約所 一逡

見,不知何本。

- 戶一萬六千二十二口一十萬七千九百六十五 張森楷校勘記云:「案戶口數,一戶皆得十口有
- 餘,必無是理。疑一萬當作二萬。」
- 烏傷令 殿本考證:「此下當有『漢舊縣』三字。」按烏傷,前漢縣,後漢、三國吳因。
- 豐安令漢獻帝興平二年孫氏分諸暨立 續漢書郡國志劉昭注:「太末,建安四年,孫氏分立豐
- 安縣。」按孫策以興平二年渡江,建安五 年死。 疑作建安四年是。
- 下引 章安令續漢志故冶閩中地 司 馬彪 云『章安是故冶』、則此『治』字蓋『冶』之誤文。」按成校是、今改正 「冶」各本並作「治」。 成孺朱書州郡志校勘記云:「據江州建安郡
- 帝太康 永和三年,分會稽郡八百戶,於臨海郡章安地 下脫『無』字,『晉太康地』下脫『志有』二字。」按成、楊二家之說並誤。 按二漢 當脫『無』字,晉志有寧海,知『晉太康地』下,當脫『志有』二字。」 世 志晉太康地志 尙 無此 縣,不當見於太康地志。 無 各本 並脫「志無」二字。 今於「太康地」下 立寧海 成孺朱書州郡志校勘記云:「據志例」『二漢 縣」。 補、志 則寧海 無」二字。 縣 創置於東晉穆帝之世 楊守敬亦云:「『二漢志』 據寰宇記引臨海記 一晉
- 郡 永初二 據 錢氏考異 年 郡 國 志又有南沛 (說補。 錢大昕廿二史考異云:「今數之,止六郡。 南下邳廣平廣陵盱眙 鍾離 海 陵 Щ 陽 八郡 蓋脱海陵 各 本 、山陽二郡。」 並 脱海陵、 山陽二
- 毗 陵 令 楊守敬 云:「毗陵令下,脫『漢舊縣屬晉陵』六字。」

志

- 丹陽 雖 有琅 邪 相 而無土地 「土地」各本並作「此地」,據文選二二徐敬業古意酬 到長史概登琅
- 邪城詩注引沈約宋書改。按無土地卽謂僑郡尙無實土。
- 永嘉 五年元帝改爲晉陵 各本並脫「元」字,據通典州郡典補。
- **凌**令前漢屬 泗水 「淩」各本並作「廣陵」,據漢書地理志、南齊書州郡志改。 廿二史考異云:

「陵當作淩,廣字衍。」成孺宋書州郡志校勘記云:「漢志廣陵縣屬廣陵國,不屬泗水,此云前漢

屬泗水者,考異云『陵當作凌,廣字行』是也。 南齊志正作凌。」

領縣十二 孫彪宋書考論云:「案下列縣止十一,蓋脫彭城縣。 此劉宋桑梓, 必無併省之事。

齊齊與此屬縣盡同,亦有彭城。」按孫說是,疑脫「彭城令別見」五字。

- 北凌令 此 加 北字作北凌。今訂正,下幷同改。 「北凌」各本並作「北陵」。按下云「晉太康地志屬下邳本名凌」,卽爲凌縣,蓋彼爲凌,
- 景帝中六年 濟陰國。『平』字行。 各本並作「景帝中平六年」。 中平乃漢靈帝紀年。」按成校是,今訂正。 成孺宋書州郡志校勘記云:「漢志景帝中六年,別爲
- {札 {礼記 漢武帝征 云:「殿本所改皆是。 和二年至後又立 唯魏分鉅鹿、魏郡之『郡』字不可省。」按殿本脫魏郡之「郡」字,李說 三朝本、毛本本段注文,舛譌不可讀,今據殿本訂正。 李慈銘宋書

是,今補正。

- 至吾 晉太康地 志屬廣平作曲梁 「曲梁」各本並作「曲周梁」。 按晉書地理志, 廣平郡無曲周縣, 有
- 曲梁縣。今删「周」字。
- 文帝元嘉 之南燕 淡濮陽 十八年 、南廣平郡。」廿二史考異云:「當云文帝元嘉十八年,此脫三字。」按錢氏說是,今 各本並脫「元嘉十」三字。 宋書文帝紀:「元嘉十八年冬十月乙卯,省南徐州
- 宝 考城 考城令前 放菑,章帝更名。 漢曰甾 · 甾」各本並作 · 留」。 是「留」爲「甾」字形近之譌。 按漢書地 理志, 今改正。 梁國有甾縣。 續漢書郡國志 陳留郡

補正

- 三 移治東海朐 令,據此 知『朐』下行『山』字。」按成校是,今删「山」字。 「朐」字下 各本並衍 Щ 字。 成孺宋書州郡志校勘記 云 「本志南徐州南東海朐
- [三元] 漢縣 據志前後例,「漢」下脫「舊」字。
- 蓋令 代無菴縣,李兆洛云菴乃蓋之譌,案李說是也。」 「蓋」各本並作「菴」,據續漢書郡 國志、魏書地形志改。 成孺宋書州郡志校勘記 云:「歷
- 傳亦作 角城令 三年胡注云:「甬城當作角城。」今改作「角城」。 角城,高閭傳:「角城蕞爾,處在淮北,去淮陽十八里。」通典州郡典作角城。 「角城」各本並作「角城」。 水經淮水注:「淮、泗之會,即角城也。」 魏書地形志及高閭 通鑑齊建元

志

第

- 省幷併 南 兗 孫彪宋書考論 云:「當云省併南兗,謂南靑州、幷州俱省併也。」按南齊書州郡志:
- 宋永初 元 年,罷青幷克。」則 南青時亦併省,孫說 是。
- 志校勘記云:「山 南高平南平昌南濟陰南濮陽南泰山濟陽南魯七郡 當作七,形近之譌。」按成校是,今改正。 「七」字各本並作「山」字。 成孺宋書州郡
- 省東燕郡爲 東燕縣屬南濮陽後又省東 燕縣 各本並脫「郡爲 東燕」四字。 孫彪宋書考論云:東

燕縣旣省, 以何者屬南濮陽, 且上文亦但見燕縣,無東燕縣。 此當作省東燕郡為東燕 縣, 屬南

濮陽 ,後又省東燕縣。」按孫說是,今訂 Ę

- 三 魯郡。」按孫說是,今改正。 南齊郡領西安臨菑凡二縣 「西安」各本並作「安西」。 孫彪宋書考論云:「安西當作西安,見南
- 行原字。」按洪說是,今删「原」字。據晉書地理志東平國領范縣,魏書地形志東平郡 東平領范朝陽歷城三縣 則此是「東平」,不當作「東平原」。 「東平」各本並作 地形志別有東平原郡,治梁鄒,非 「東平原」。 洪頤煊諸史考異云:「東平 此 郡 原 當作 領范縣,即 東平,
- 北沛 領符離蕭相沛四縣 各本並脫「北」字。 成孺宋書州郡志校勘記 云:「案上 文何 志又有北

此。

沛郡

,即南沛太守下何志云北沛新立者也。

高唐併在平 「高唐」各本並作「高康」。孫彪宋書考論云:「康當爲唐。」按孫說是,今改正

然則此沛字上亦當有北字。」

按成校是,

今補一

- 宋又僑立新平北淮陽北濟陰北下邳東莞五郡 「北濟陰」各本並脫「陰」字。 孫彰宋書考論云:
- 「北濟下脫陰字。」按孫說是,今補正。
- 新市二漢晉屬中 Щ 各本並脫「二漢晉屬中山」六字,據錢氏考異說補。 錢大昕廿二史考異云:

「新市下有脫文。當云二漢、晉屬中山。」

二漢晉太康地志並無肥如縣 如縣」者,據錢大昕廿二史考異云:「沛郡自漢、晉以來,並無肥 按二漢、西晉遼西郡並有肥如縣,此謂「二漢晉太康地志並無肥 如 縣,非謂漢無肥如也。 肥 如

角城令 各本並作「甬城令」,今訂正,說見本卷校勘記第三一條。

本遼西縣名,因晉末僑立遼西郡於廣陵界,後經省併,故廣陵

得有肥如

- 〔四〕 冤句令 「令」各本並作「縣」,據志前後例改。
- 初郡國 東郡領白馬涼城東燕三縣 [有東郡,知『郡』字上脫『東』字。」按成校是,今補正。 「郡」上各本並脫「東」字。 成孺宋書州郡志校勘記云:「據上云永
- 漢書地 高平令前漢名橐章帝更名 章帝更名。」後漢書東平王傳作「稟」。又各本並奪「名」字,據續漢書郡國志補 理志:山陽郡橐,莽曰高平。 「稾」三朝本作「稾」,北監本、毛本、殿本作「棗」,局本作「橐」。 臣瓚曰、音拓。 續漢書郡國志:「山陽郡高平,侯國,故櫜, 按
- 光武 志 第 改屬豫州 + 五 校 「豫州」各本並作「任城」,據續漢書郡國志劉昭注改。 勘 記

## 宋書卷三十六

## 志第二十六

## 州郡二

南豫州

豫州

江州

青州

冀州

司

州

桓 戍歷陽。 元年,刺史謝奕戍譙。 鎭牛渚。 年,荆州 石虔戍歷陽。 成帝 南豫州刺史,晉江左胡寇强盛, 刺史庾翼鎭武昌,領豫州 孝武 二年,刺史謝尚鎭蕪湖;四年,進壽春;九年,尚又鎭歷陽;十一年,進馬頭。 咸和四年,僑立豫州,庾亮爲刺史,治蕪湖 寧康元年,刺〕史恒沖戍姑孰。〔〕太元十年,刺史朱序戍馬頭。 安帝義熙二年, 哀帝隆和元年,刺史袁眞自譙退守壽春。 刺史劉毅戍姑孰。 o 八年,庾懌爲刺史,又鎭燕湖。穆帝永和元年,刺史趙胤 豫部殲覆,元帝永昌元年,刺史祖約始自譙城退還壽 宋武帝欲開拓河南, 咸康四年, 毛寶爲刺史, 治邾城。 簡文咸安元年,刺〔史桓熙 級定豫土,**气**力九 十二年,刺 升平 史

志

第

= +

六

州

那

治姑孰。 六年又分,二十二年又合,孝武大明三年〕又分。 [三] 五年,割揚州之淮南、宣城又屬焉。徙 明帝泰始二年又合,而以淮南、宣城還揚州。 九月又分,還治歷陽。三年五月,又

廬江度屬南豫州。 年,復分歷陽、淮陰、南譙、南兗州之臨江立南豫州。 四年,以揚州之淮南、宣城爲南豫州,治宣城,「弘五年罷。 按准東自永初至于大明、便爲南豫、雖乍有離合、而分立居多。 泰豫元年,以南汝陰度屬豫州,豫州之 時自潍以西,悉沒寇矣。七 爱自泰

東爲境,推尋便自得泰始兩豫分域也。徐志領郡十三,縣六十一。戶三萬七千六百二,口 始甫失淮西,復於淮東分立兩豫。今南豫以淮東爲境,不復於此更列二州,覽者按此以淮

二十一萬九千五百。今領郡十九,守縣九十一。去京都水一百六十。

鳥江、龍亢三縣,何、徐又有酇、雍丘二縣。今領縣五。戶三千一百五十六,口一萬九千四 歷陽太守,晉惠帝永興元年,分淮南立,屬揚州,安帝割屬豫州。 永初郡國唯有歷陽、

百七十。

歷陽令,漢舊縣,屬九江。

烏江令,二漢無,晉書有烏江,太康地志屬淮南。

龍亢令,漢舊名,屬沛郡,晉太康地志屬譙。 江左流寓立。

雍丘令,漢舊名,屬陳留。 流寓立 一,先屬秦郡,公 文帝元嘉八年度。

**酇**令,漢屬沛,晉太康地志屬譙。 流寓立,文帝元嘉八年 · 度。

{郡 }國 叉 南 有酇縣,[五]何、徐無。 譙太守, 護郡別見。 晉孝武太元中,於淮南僑立郡縣,後割地成實土。 今領縣六。 戶四千四百三十二,口二萬二千三百五十八。 太康地志、永初 去

州水五百四十,陸一百七十。去京都水七百,陸五百。

山桑令,前漢屬沛,後漢屬汝南,晉太康地志屬譙。

**譙令,漢屬沛,晉太康地志屬譙。** 

**壁令,漢屬沛,晉太康地志屬譙。** 

扶陽令,前漢屬沛,後漢、晉太康地志並無。

蘄令。別見。

城父令,前漢屬沛,後漢屬汝南,晉太康地志屬譙。

縣三。 廬江 戶 太守,漢文帝 一千九百 九, 口 十六年,[10]分淮南 一萬一千九百九十七。 國立。 光武 去州水二千七百二十,陸 建武 十三年,又省六安國 四百 七十。 以 が併焉。 去京 領

都水一千一百,陸六百三十一。

志第二十六 州郡一

**灣**齊,漢舊縣。

舒令,漢舊縣。

始新令、永初郡國、何並無、徐有始新左縣、明帝泰始三年立。

南汝陰太守,汝陰郡別見。江左立。領縣五。戶二千七百一,口一萬九千五百八十五。去

州陸三百。去京都水一千,陸五百三十。

汝陰令,別見。所治卽二漢、晉合肥縣,後省。

慎令,漢屬汝南,太康地志屬汝陰。

宋令。別見。

陽夏令,前漢屬淮陽,後漢屬陳。 帝永康中復立。 永初郡國、何並屬南梁,徐志屬此。 晉太康地志陳令屬梁,無復此縣。 又晉地志,惠

安陽令,別見。永初郡國、何並屬南梁,徐屬此。

南梁太守,梁郡別見。晉孝武太元中,僑立於淮南,安帝始有淮南故地,屬徐州。 武帝永

安豐三縣,四分並別見。何公徐無安豐,又有義昌而並無寧陵縣。今領縣九。 初二年,還南豫,孝武大明六年廢屬西豫,改名淮南,八年復舊。 二,口四萬二千七百五十四。 去州水一千八百,陸五百。 去京都水一千七百,陸七百。 永初郡國又有虞、陽夏、 戶六千二百一十

睢陽令,漢舊名。 孝武大明六年,改名壽春,八年復舊。 前廢帝永光有義寧、寧昌

二縣倂睢陽。所治卽二漢、晉壽春縣,後省。

蒙令。別見。

虞令,漢舊名。

穀熟令,漢舊名。

陳令,前漢屬淮陽,後漢屬陳,晉太康地志屬梁。

義寧長,何無,徐有,宋末又立。

新汲令,漢舊名,屬潁川。

崇義令,永初郡國羌人始立。

寧陵,別見。徐志後所立。

晉熙太守,晉安帝分廬江立。 領縣五。戶一千五百二十一,口七千四百九十七。 去州

懷寧令,晉安帝立。

陸八百,無水。去京都水一千二百,無陸。

新冶令,晉安帝立。

陰安令,漢舊名,屬魏郡,晉太康地志屬頓丘。

志第二十六 州郡二

南樓煩令、四水初郡國、何、徐志無。

太湖左縣長,文帝元嘉二十五年,以豫部蠻民立太湖、呂亭二縣,屬晉熙,日三後

省,明帝泰始二年復立。

一百六十二。去州陸一千一百,去京都水闕 弋陽太守,本縣名,屬汝南,魏文帝分立。 領縣六。[18]戶三千二百七十五,口二萬四千

期思令,漢舊縣。

弋陽令,漢舊縣。

安豐令,舊郡,晉安帝倂爲縣。

樂安令,新立。

茹由令,新立。

安豐命,前漢地理志無,後漢屬廬江。

安豐太守,魏文帝分廬江立。江左僑立,晉安帝省爲縣,屬弋陽,宋末復立。

松滋令。 別見。

汝南太守。 別見。

上蔡侯相。 別見。

平輿令。 眞陽 北新息令。 令。 別見。 別見。 別見。

安城令。

別見。

南新息令。

別見。

安陽令。 別見。 瞿陽冷。□□別見。

西平令。

別見。

陽安令。

別見。

臨汝令,漢舊名。

新蔡太守。別見。

新蔡令。 別見。 固始令。

別見。

鮦陽令。

別見。

第二十 東苞信令。 六 別見。 州 郡

志

一〇七七

西苞信令,徐志南豫唯一苞信,疑是後僑立所分。

陳郡太守,江公別見。永初郡國 無萇平、谷陽而有扶溝,別見。 何無陽夏、扶溝,徐無陽夏。

頂城令。これ」別見。

西華令。別見。

陽夏令。別見。

**莨平令**。別見。

谷陽令。[[八]別見。

南頓太守、日立別見。帖治陳郡。

南頓令。別見。

和城令。別見。

潁川太守。別見。

邵陵令。別見。

曲陽令。 別見。 別見。

西汝陰太守,永初郡國、何、徐並無此郡。曲陽令。別見。

汝陰令。 樓煩令。 安城令。 宋令。 別見。 别 見。 別見。 別見。 別見。

汝陽太守。

汝陽令。 別見。

武津令。

浚儀令。 別見。

小黃令。 雍丘 令。 別見。 別見。

白馬令。 別見。

封丘 襄邑令。 一令,漢舊名。 別見。

尉氏 令。 六 別見。

志

第

=

十

州 郡 \_\_\_

陳留太守,別見。 永初郡國 無浚儀、封丘而有酸棗,何、 徐無封丘

一〇八〇

建二年以蠻戶復立。 南陳 左郡 太守,少帝景平中省此郡,以宋民度屬南梁、汝陰郡,而 分赤官左縣爲蓼城左縣。 領縣二。 樂疑大明八年,省郡,即名爲縣, 永初郡國 無、未詳。孝

屬陳左縣。[三0]

邊城 左郡太守,文帝元嘉二十五年,以豫部蠻民立茹由、樂安、光城、雩婁、史水、開化、

邊城七縣,三三屬弋陽郡。 徐志有邊城郡,領雩婁、史水、開化、邊城四縣。曰曰大明八年復

省爲縣,屬弋陽,後復立。 領縣四。 戶四百一十七,口二千四百七十九。

**雩婁令,二漢屬廬江,晉太康地志云屬安豐。** 

開化令。

史水令。

邊城令。

光城左郡太守,永初郡國、何、徐並無。 按起居注, 大明八年, 省光城左郡為縣屬弋

陽,回見疑是大明中分弋陽所立。八年復省,後復立。

樂安令。

茹由令。

光城令。此三縣,徐志屬弋陽。

郡國、何、徐寄治睢陽,而郡縣在淮西。徐又有邊城,別見南豫州。 豫州刺史,後漢治譙,魏治汝南安成,晉平吳後治陳國,晉江左所治,已列於前。 何又有初安、綏城二郡, 永初

初安領新懷、懷德二縣,日間一綏城領安昌、招遠二縣,並云新立。徐無,則是徐志前省也。 領

郡十,縣四十三。戶二萬二千九百一十九,口一十五萬八百三十九。

去州水一千,陸七百。去京都水三千,陸一千五百。 汝南太守,漢高帝立。領縣十一。戶一萬一千二百九十一,口八萬九千三百四十九。

上蔡令,漢舊縣。

下銀子,漢舊縣。[三五]平樂令,漢舊縣。[三五]

北新息令,漢舊縣。

慎陽令,漢舊縣。永初郡國及徐並作眞陽。

安成令,漢舊縣。

南新息令,漢舊縣。

朗陵令,漢舊縣。

陽安令,漢舊縣。

志第二十六 州郡二

10八二

西平令,漢舊縣。

瞿陽令,漢舊縣作灈陽。

安陽令,漢舊縣。晉武太康元年,改爲南安陽。

八百八十。 新蔡太守,晉惠帝分汝陰立,今帖治汝南。 去州陸六百。去京都水二千五百,陸一千四百。 **領縣四。戶二千七百七十四,口一萬九千** 

鮦陽令,漢舊縣。 晉成帝咸康二年,省倂新蔡,後又立。

固始令,故名寢丘之地也。 漢光武更名。晉成帝咸康二年,併新蔡,後又立。

新蔡令,漢舊縣。

苞信令, 前漢無, 後漢屬汝南, 晉太康地志屬汝陰。 後漢郡國、 晉太康地志並

作「褒」。

建安中亡,非明帝時立明矣。 四百四。 識郡太守,何志故屬沛,魏明帝分立。 去州陸道三百五十。 永初郡國無長垣縣。 去京都水二千,陸一千二百。 按王粲詩:「旣入譙郡界,「三以曠然消人憂。」粲是 今領縣六。戶一千四百二十四,口七千

蒙令,漢舊縣,屬沛。日刊

蘄令,漢舊縣,屬沛。

寧陵令,前漢屬陳留,後漢、晉太康地志屬梁。

魏令,故魏郡,流寓配屬。

襄邑令。

長垣令,漢舊縣,屬陳留。 永初郡國無。 何故屬陳留,徐新配

六十八, 口五千五百。 梁郡太守,秦碭郡,漢高更名。 去州陸一百六十。 孝武大明元年度徐州 去京都水九百。 二年還豫。[三]領縣二。 戶九百

下邑令,漢舊縣。何云魏立,非也。

陽令,漢舊縣。

{郡

}國

有扶溝、

前漢屬淮陽,後漢、晉太康地志屬陳留。

陳郡太守,漢高立爲淮陽國,章帝元和三年更名,曰司晉初併,梁王肜薨,還爲陳。 永初

陽夏,別見。而無谷陽、長平。〔三〕領縣四。

百九十三,口四千一百一十三。 去州陸七百六十。 去京都水一千四百五十。

項城令,漢舊縣,屬汝南,晉太康地志屬陳郡。四日

西華令,漢舊縣,屬汝南,晉初省,惠帝永康元年復立,屬潁川。 江左度此。

谷陽令、「三」本苦縣,前漢屬淮陽,後漢屬陳、「三三晉太康地志屬梁,成帝咸康三年

更名。

志第二十六 州郡

長平令,前漢屬汝南,後漢屬陳,晉太康地志屬潁川。

南頓太守,故屬汝南,晉惠帝分立。 領縣二。戶五百二十六, 口二千三百六十五。 去

州七百六十。去京都陸一千四百五十。

南頓令,漢舊縣,何故屬汝陽,晉武帝改屬汝南。 按晉太康地志、王隱地道無汝

陽郡。

和城令,何江左立。

又有許昌、本名許、「西」漢舊縣。

魏日許昌。

新汲、別見。隔陵、長社、潁陰、陽翟四縣並漢舊縣。

陽翟,魏、

潁川太守,秦立。魏分潁川爲襄城郡,晉成帝咸康二年,省襄城還倂潁川。 水初郡國

晉屬河南。 六縣,而無曲陽。 **領縣三。戶六百四十九,口二千五百七十九。去州一千。去京** 

都陸一千八百。

邵陵令,漢舊縣,屬汝南,晉太康地志屬潁川。

臨潁令,漢舊縣。

曲陽令,前漢屬東海,後漢屬下邳,晉太康地志無。

汝南,後叉立。領縣二。戶九百四十一,口四千四百九十五。去州二百。去京都陸一千四 汝陽太守,晉太康地志、王隱地道無此郡,應是江左分汝南立。 晉成帝 咸康三年,省併

汝陽令,漢舊縣,屬汝南。 何故屬汝陰,晉武改屬汝南。 按晉武分汝南爲汝陰,何

所言非也。

武津令,何不注置立。

汝陰太守,晉武帝分汝南立,成帝咸康二年,省倂新蔡,後復立。 領縣四。 戶二千七百

四十九,口一萬四千三百三十五。

汝陰令,漢舊縣。

宋令,前漢名新郪,章帝建初四年,徙宋公國於此,改曰宋。

宋城令,漢舊縣。

樓煩令,漢舊縣,屬雁門。流寓配屬。

陳留太守,漢武帝元狩元年立,屬兗州 ,中原亂廢。 晉成帝咸康四年復立,永初郡 }國 屬

十三。寄治譙郡長垣縣界。

兗州

,何、徐屬豫州。

<u>永初郡國無浚儀,有酸棗。別見。</u>

今領縣四。戶百九十六,口二千四百

浚儀令,漢舊名。

小黃令,漢舊名。

志第二十六 州郡二

〇八六

白馬令,漢屬東郡,晉太康地志屬濮陽。

雍丘令,漢舊名。

尋還尋陽。 之武昌、桂陽、安成十郡爲江州。 江州刺史,晉惠帝元康元年,分揚州之豫章、鄱陽、廬陵、臨川、南康、建安、晉安,荆州 領郡九,縣六十五。 戶五萬二千三十三,口三十七萬七千一百四十七。 初治豫章,成帝咸康六年,移治尋陽,庾翼又治豫章,〔三〕 去京都

水一千四百。

縣三。 年,以武昌之尋陽復屬廬江郡。 晉武帝太康元年,省蘄春郡,以尋陽屬武昌,改蘄春之安豐爲高陵及邾縣, 尋陽太守,尋陽本縣名,因水名縣,水南注江。 戶二千七百二十,口一萬六千八。 惠帝永興元年, 分廬江、武昌立尋陽郡。 二漢屬廬江,吳立蘄春郡,尋陽縣屬焉。 尋陽縣後省。 皆屬武昌。

領

柴桑男相 ,二漢屬豫章,晉屬武昌。 郡旣立,治此。[景]

彭澤子相,Clato漢、晉太康地志屬豫章,立尋陽郡後,割度。

松滋伯 屬 廬江,晉武帝立爲安豐郡。 相,前漢屬廬江,後漢無,晉太康地志屬安豐。 江左流民寓尋陽,僑立安豐、松滋二郡,遙隸揚 安豐縣 名,前漢無,「尽」後漢

州 安帝省爲松滋縣。 尋陽又有弘農縣流寓。 文帝元嘉十八年,省倂松滋

萬六千一百三十九,口一十二萬二千五百七十三。去州水六百,陸三百五十。 豫章太守,漢高帝立,本屬揚州。 永初郡國 有海昏,漢舊縣。 何志無。 今領縣 十二。 去京都水 戶

千九百,陸二千一百。

南昌侯相,漢舊縣。

新淦侯相,漢舊縣。

豐城侯相,吳立曰富城,晉武帝太康元年更名。

建城侯相,漢舊縣。

望蔡子相,漢靈帝中平中,汝南上蔡民分徙此地,立縣名曰上蔡,晉武帝太康元年

更名。

吳平侯相,漢靈帝中平中立曰漢平,吳更名。

永脩男相,漢靈帝中平中立。

建昌公相,漢和帝永元十六年,分海昏立。

豫寧侯相 漢獻帝 建安中立,吳曰西安,四四晉武帝太康元年更名。

康 樂侯 相 吳孫 權黃武中立曰陽樂,晉武帝太康元年更名。

新吳令,漢靈帝中平中立。

艾侯相,漢舊縣。

初郡國 鄱陽太守,漢獻帝建安十五年,孫權分豫章立,治鄱陽縣,赤烏八年,徙治吳芮故城。永 有歷陵縣,漢舊縣。何志無。 領縣六。戶三千二百四十二,口一萬九百五十。 去州水

四百四十。去京都水一千八百四十,陸二千六十。

廣晉令,吳立曰廣昌,晉武帝太康元年更名。

鄱陽侯相,漢舊縣。

餘干令、四辺漢舊縣。

上饒男相,吳立。太康地志有,王隱地道無。

葛陽令,吳立。

樂安男相,吳立。

萬四千八百五。去州水一千一百,陸一千二十。去京都水二千八百三十,陸三千。 臨川內史,吳孫亮太平二年,分豫章東部都尉立。領縣九。戶八千九百八十三,口六

臨汝侯相,漢和帝永元八年立。

西豐侯相,吳立曰西平,晉武帝太康元年更名。

新建侯相,吳立。

永城男相,吳立。

宜黄侯相,吳立。

南城男相,漢舊縣,晉武帝太康元年,更日新南城,江左復舊。

南豐令,吳立。

東興侯相,吳立。

安浦男相,吳立。

百五十五,口三萬一千二百七十一。 廬陵太守,廬陵本縣名,屬豫章,漢獻帝興平元年,孫策分豫章立。 去州水二千,陸一千六百。 去京都水三千六百。 領縣九。 戶四千四

西昌侯相、吳立。

石陽子相,前漢無,後漢有。

東昌子相,吳立。

吉陽男相,吳立。

巴丘男相,吳立。

興平侯相,吳立。

志第二十六 州郡二

陽豐男相,吳曰陽城,晉武帝太康元年更名。

高昌男相,吳立。

**遂興男相,吳立曰新興,晉武帝太康元年更名。** 永初郡國無此縣,何、除並有。

千一百一十六,口五萬三百二十三。去州水三千三百,陸三千六百。去京都水三千七百, 安成太守,孫晧寶鼎二年,分豫章、廬陵、長沙立。晉太康地志屬荆州。 領縣七。戶六

平都子相,前漢曰安平,後漢更名,屬豫章。

無陸。

新喻侯相,吳立。

宜陽子相,漢舊縣,本名宜春,屬豫章,晉孝武改名。

永新男相,吳立。

安復侯相,漢舊縣,本名安成,晉武帝太康元年更名,屬長沙。

**萍鄉侯相**,吳立。

廣興侯相,晉太康地志有此縣,何云江左立,非也。

三萬四千六百八十四。去州水三千七百四十。去京都水三千八十。 南康公相,晉武帝太康三年,以廬陵南部都尉立。領縣七。回三戶四千四百九十三,口

**贄侯相,漢舊縣,屬豫章。** 

寧都子相,吳立曰楊都,晉武帝太康元年更名。

**雩都侯相,漢舊縣,屬豫章。** 

平固侯相,吳立曰平陽,晉武帝太康元年更名。

南康公相,吳立曰安南,晉武帝太康元年更名。

陂陽男相,吳立曰揭陽,晉武帝太康五年,以西康揭陽移治故陂陽縣,改曰陂縣, 然則陂陽先已爲縣矣。後漢郡國無,疑是吳所立而改曰揭陽也。

南野伯相,漢舊縣,屬豫章。

虔化男相,孝武大明五年,以虔化屯立。

南新蔡太守,江左立。領縣四。戶一千七百三十,口八千八百四十八。去州水二百。

去京都水一千三百七十,陸一千八百八十。

苞信令,別見。本作褒信,永初郡國作苞信。

**愼令,漢舊名,本屬汝南。** 

陽唐左縣令,孝武大明八年立。 宋令,別見。徐志云宋樂,後復舊。

志 第二十 六 州 郡

建安太守,本閩越,秦立爲閩中郡。 漢武帝世,閩越反,滅之,徙其民於江、淮間,虚其

也。 地 張勃吳錄云。「閩越王冶鑄地,故曰安閩王冶。此不應偏以受名,蓋句踐冶鑄之所,故 後有遁逃山谷者頗出,立爲冶縣,屬會稽。 司馬彪云,章安是故治,然則臨海亦治地

東部,臨海是也,南部,建安是也。吳孫休永安三年,分南部立爲建安郡。領縣七。四三月三 謂之治乎。閩中有山名湛,疑湛山之鑪鑄劍爲湛鑪也。」後分冶地爲會稽東、南二部都尉。

千四十二,口一萬七千六百八十六。去州水二千三百八十。去京都水三千四十,並無陸。

吳興子相,漢末立曰漢興,吳更名。

將樂子相,晉太康地志有。

邵武子相,吳立曰昭武,晉武帝更名。

建陽男相,晉太康地志有。

一般成男相, 永初郡國、何、徐並有。何、徐不注置立。

沙村長,永初郡國、何、徐並有。何、徐不注置立。

百三十八。去州水三千九百九十。去京都水三千五百八十。 晉安太守,晉武帝太康三年,分建安立。 領縣五。戶二千八百四十三,口一萬九千八

候官□相,前漢無,後漢曰東候官,屬會稽。

原豐令,晉武帝太康三年,省建安典船校尉立。

晉安男相,吳立曰東安,晉武帝更名。

羅江男相,吳立,屬臨海。晉武帝立晉安郡,度屬。

溫麻令,晉武帝太康四年,以溫麻船屯立。 永初郡國無,何、徐並有。

青州刺史,治臨淄。 江左僑立, 治廣陵。 安帝義熙五年,平廣固,北青州刺史治東陽

城,而僑立南靑州如故。後省南靑州,而北靑州直曰靑州。 八年,還治東陽。 明帝失淮北,於鬱洲僑立青州,立齊、北海、西海郡。 孝武孝建二年,移治歷城,大明 舊州領郡九,縣四十

六。戶四萬五百四,口四十萬二千七百二十九。去京都陸二千。

|齊郡太守,|秦立。 領縣七。 戶七千三百四十六,口萬四千八百八十九。

臨淄令,漢舊縣。

西安令,漢舊縣。

安平令,六國時其地日安平,二漢、魏、晉日東安平。 前漢屬淄川,後漢屬北海,魏

度屬齊。

般陽令,前漢屬濟南,後漢、晉太康地志屬齊。

廣饒令,漢舊縣。

昌國令,漢舊縣。

益都令,魏立。

此郡。 濟南太守,漢文帝十六年,分齊立。 安帝義熙中土斷,幷濟南。案晉太康地志無濟岷郡。 晉世濟岷郡、云魏平蜀、徙蜀豪將家於濟、河、故立 永初郡國濟南又有祝阿、二漢

屬平原,晉太康地志無。於陵縣,漢舊縣。而無朝陽、平陵二縣。 領縣六。戶五千五十六,口三萬八

歷城令,四選舊縣。

千一百七十五。

去州陸四百。

去京都二千四百。

朝陽令,前漢曰朝陽,後漢、晉曰東朝陽。 二漢屬濟南,晉太康地志屬樂安。

著令,漢舊縣。

土鼓令,漢舊縣,晉無。

逢陵令,二漢、晉無,永初郡國、何、徐有。

平陵令,漢舊縣,至晉並曰東平陵。

四千九百九十一。去州陸一百八十。 樂安 太守,漢高立,名千乘,和帝永元七年更名。 去京都陸一千八百 領縣三。 戶二千二百五十九,口一萬

千乘令,漢舊縣。

臨濟令,前漢曰狄,安帝永初二年更名。

博昌令,漢舊名。

晉惠帝又分城陽立,〔晉〕城陽郡,前漢有,後漢無,魏復分北海立。 高密太守,漢文帝分齊爲膠西,宣帝本始元年,更名高密。 宋孝武倂北海。 光武建武十三年,併北海, 領縣六。戶二千

三百四,口一萬三千八百二。去州陸二百。 去京都陸一千六百。

黔陬令,前漢屬琅邪,後漢屬東萊,晉太康地志屬城陽。

淳于令,二漢屬北海,晉太康地志屬城陽。

高密令,前漢屬高密,後漢屬北海,晉太康地志屬城陽。

夷安令,前漢屬高密,後漢屬北海,晉太康地志屬城陽。

營陵令,二漢屬北海,晉太康地志屬城陽。

昌安令,漢安帝延光元年立,屬高密,後漢屬北海,晉太康地志屬城

十,口一萬五千五十。 平昌太守,故屬城陽,魏文帝分城陽立,後省, 去州陸二百。 去京都陸一千七百。 晉惠帝又立。 領縣五。戶二千二百七

安丘令,二漢屬北海,晉太康地志屬琅邪

令,前漢屬琅邪,後漢屬北海,晉太康地志屬城陽。

東武令,二漢屬琅邪,晉太康地志屬東莞。

琅邪令,二漢屬琅邪,晉太康地志無。

北海太守,漢景帝中二年立。 朱虛令,前漢屬琅邪,安帝永初元年屬北海,晉太康地志屬城陽。 **領縣六。戶三千九百六十八,口三萬五千九百九十五。** 

寄治 州下。

都昌令,漢舊縣。 寄治州下,餘依本治。

膠東令,本膠東國,後漢、晉太康地志屬北海。

劇令,二漢屬北海,晉太康地志屬琅邪。

即墨令,前漢屬膠東,後漢、晉太康地志屬北海。

下密令,前漢屬膠東,後漢、晉太康地志屬北海。

平壽令,漢舊縣。

東萊太守,漢高帝立。 領縣七。戶一萬一百三十一,口七萬五千一百四十九。 去州陸

五百。 去京都二千一百。 曲城令,漢舊縣。

掖令,漢舊縣。

**撒令,**[景]漢舊縣。

盧鄉令,漢舊縣。

牟平令,漢舊縣。

當利令,漢舊縣。

黃令,漢舊縣。

太原太守,秦立,屬幷州。 文帝元嘉十年,割濟南、泰山立。 領縣三。 戶二千七百五十

去州陸五百。去京都一千八百。

山在令,漢舊縣,屬泰山。孝武孝建元年,度濟北。

七,口二萬四千六百九十四。

太原令,晉安帝義熙中土斷立,屬泰山。

祝阿令。別見。

長廣太守,本長廣縣,前漢屬琅邪,後漢屬東萊,晉太康地志云故屬東萊。 起居注,咸

**領縣四。戶二千九百六十六,口二萬二十三。** 

去州五百。

去京都一千九百五十。

寧三年,以齊東部縣爲長廣郡。

不其令,前漢屬琅邪,後漢屬東萊,晉太康地志屬長廣。

志第二十六 州郡二

長廣令,前漢屬琅邪,後漢屬東萊,晉太康地志屬長廣。

昌陽令,晉惠帝元康八年,分長廣縣立。

挺令,前漢屬膠東,後漢屬北海,晉太康地志屬長廣。

州立,治歷城,「圍」割土置郡縣。領郡九,縣五十。戶三萬八千七十六,口一十八萬一千一。 冀州刺史,江左立南冀州,後省。 義熙中更立,治靑州,又省。 文帝元嘉九年,又分青

去京都陸二千四百。

復。明帝更名樂安,安帝延光中,改曰安平,晉武帝太康五年,又改爲長樂。 信都,後漢屬淸河,魏屬勃海,晉還淸河。 並漢舊縣。立廣川縣,非舊廣川縣也。屬廣川郡。 勃海。 百一十四。去州陸一百六十。 而無廣川。孝武大明元年,省廣川之棗强、前漢屬淸河,後漢、晉江左無。 廣川太守,本縣名,屬信都,地理志不言始立。 去京都陸一千九百八十。 何志,廣川江左所立。又有磷縣前漢屬信都,後漢、晉屬 領縣四。戶三千二百五十, 口二萬三千六 景帝二年,以爲廣川國,宣帝甘露三年 勃海之浮陽、高城 廣川縣,前漢屬

廣川令。已見前。

中水令,前漢屬涿,後漢、晉太康地志屬河間。 孝武大明七年,自河間割度。

武强令,何江左立。

索盧令,何江左立。

平原太守,漢高帝立。 舊屬靑州,魏、晉屬冀州。 領縣八。戶五千九百一十三,口二萬

九千二百六十七。

廣宗令,前漢無,後漢屬鉅鹿,晉太康地志屬安平,永初郡國、何無,孝武大明元年

復立。

平原令,漢舊縣。

鬲令,漢舊縣。

安德令,漢舊縣。

平昌令,漢舊縣。 

般縣令,漢舊縣。

在平令,前漢屬東郡,後漢屬濟北,晉太康地志屬平原。

高唐令,漢舊縣。

清 河太守,漢立,桓帝建和二年,改曰甘陵,魏復舊。 何有重合縣。 別見。 領縣七。

千七百九十四,口二萬九千二百七十四。 去州一百一十。 去京都陸一千八百。

志 第 \_ + 六 州 郡

耆 卷 三 十 六

清河令,二漢無,晉太康地志有。

武城令,漢舊縣,並曰東武城。

釋幕令,漢舊縣。

貝丘令,漢舊縣。

零令,漢舊縣作靈。

鄃今,漢舊縣。

樂陵太守,晉武帝分平原立。

安次令,前漢舊縣,屬勃海,後漢屬廣陽,晉太康地志屬燕國。

舊屬靑州,今來屬。

領縣五。戶三千一百三,口一萬六

千六百六十一。去州一百四十。去京都陸一千八百。

樂陵令,漢舊縣,故屬平原。

陽信令,二漢屬勃海,晉太康地志屬樂陵。

新樂令。 別見。

厭次令,前漢曰富平,明帝更名,屬平原,晉太康地志屬樂陵。

魏郡太守,漢高帝立。二漢屬冀州,魏、晉屬司隸,江左屢省置,宋孝武又僑立,何無。 溼沃令,前漢屬千乘,後漢無。何云魏立,當是魏復立也。晉太康地志屬樂陵。

**領縣八。戶六千四百五,口三萬三千六百八十二。** 

魏令,漢舊縣。

安陽令、晉太康地志有。

聊城令,漢屬東郡,晉屬平原。

博平令,漢屬東郡,晉屬平原。

肥鄉令,晉太康地志屬廣平。

<u>蠡</u>吾令,前漢屬涿,後漢屬中山,晉太康地志屬高陽。 孝武始立,屬高陽,大明七

年度此。

頓丘令,別見。 文帝元嘉二十八年,流民歸順,孝武孝建二年立。

臨邑令,漢屬東郡,晉屬濟北。 孝武孝建二年,與頓丘同立。

河間太守,漢文帝二年,分趙立。江左屢省置,宋孝武又僑立,何無。 領縣六。戶二千

七百八十一,口一萬七千七百七。

樂城令,漢舊縣。

城平令、「四之前漢屬勃海,後漢、晉太康地志屬河間。

武垣令,前漢屬涿,後漢、晉太康地志屬河間。

志第二十六 州郡二

1 0 1

武 令,二漢屬勃海,晉太康地志屬章武。 江左立,屬廣川,孝武大明七年度此。

南皮令,漢舊縣,屬勃海。 孝武始立、屬勃海、大明七年度此。

阜城令,前漢勃海有阜城縣,續漢安平有阜城縣,注云「故昌成」。漢信都有昌成,

未詳孰是。

頓 ·丘太守,別見。 江左屢省置,孝武又僑立,何無。領縣四。 戶一千二百三十八, 口三千

八百五十一。

頓丘令。別見。

衞國令,晉太康地志有。

肥陽令,何志以前無。

陰安令,二漢屬魏,魏屬陽平,晉屬頓丘。CHOJ

高陽太守,高陽,前漢縣名,屬涿,後漢屬河間。 晉武帝泰始元年,分涿為范陽,又屬

焉。 後又分范陽爲高陽。 江左屢省置,孝武又僑立,何無。 領縣五。戶二千二百九十七,

口一萬四千七百二十五。

安平令,前漢屬涿,後漢屬安平,晉太康地志屬博陵。

饒陽令,前漢屬涿,續漢安平有饒陽縣,注云「故名饒,屬涿」。按地理涿唯有饒陽

縣,無饒縣。

鄴 令,漢舊縣,屬 魏郡 江左避愍帝諱,改曰臨漳。 孝武始立,屬魏郡, 大明七年

度此。

高陽令。已見。

新城令,前漢屬中山,後漢屬涿,晉太康地志屬高陽,至三並曰北新城。

勃海 太守,漢高帝立,屬幽州,後漢、晉屬冀州。 江左省置,孝武又僑立,何無。 領縣

一。戶一千九百五,口萬二千一百六十六。

長樂令,晉之長樂郡也。疑是江左省爲縣,至是又立。

**蓨**令。 別見。何志屬廣川。徐志屬此。

重合令,漢舊縣。

安還復湮陷。牧司之任,示舉大綱而已。縣邑戶口,不可具知。 司 州 刺史,漢之司隸校尉也。 晉江左以來,淪沒戎寇,雖永和、太元王化暫及,太和、隆 武帝北平關、洛,河南底定,

置司州 郡。 河南領洛陽、河南、鞏、緱氏、新城、梁、並漢舊縣。河陰、晉太康地志有。陸渾 刺 史,治虎牢,領河南、漢舊郡。〔三〕滎陽、晉武帝泰始元年,分河南立。 弘農漢舊郡。 、漢舊縣,屬弘農,晉太 實

志第二十六 州郡

康地 }志 屬河南。 東垣 、二漢、晉太康地志河東有垣縣。〔三〕新安、二漢屬弘農、晉太康地志 屬河南。〔盖〕 西東 垣 新

立。凡 十一 縣 滎陽領京、密、滎陽、卷、陽武、苑陵、中牟、開封、成阜 並漢舊縣。屬河南。〔至〕 凡九

縣。 弘農領弘農、陝、宜陽、黽池、 盧氏、並漢舊縣。 曲陽前漢屬東海,後漢屬下邳,太康 無。 凡七

縣。至於三郡合二十七縣,一萬六千三百六戶。又有河內、漢舊郡。 二僑郡。 河內寄治河南,領溫、野王、軹、河陽、沁水、山陽、懷、平臯、並漢舊名。 東京兆 京兆別見雍州, 朝 歌 東京 二漢 兆 屬 新

阿內,晉太康地志屬汲郡。晉武太康元年始立。凡十縣。〔吾〕東京兆寄治滎陽,領長安、漢舊縣。萬年、 別見。

新豐 、別見。 藍田、別見。 **蒲阪**二漢晉太康地志屬河東。 凡六縣。〔長〕合十六縣,一千九百九十二戶。

少帝景平初,

司

州復沒北虜。

文帝元嘉末,

僑立於汝南,尋亦省廢。

明帝復於南豫州之義

郡 立司 州,漸成實土焉。領郡四,縣二十。去京都水二千七百,陸一千七百。

義 陽 太守,魏文帝立,後省,晉武帝又立。 太康地志、永初郡國、何志並屬荆州、徐則南

明帝泰始五年,度郢州,後廢帝元徽四年,屬司州。領縣七。戶八千三十一,口四萬

千五百九十七。

豫

也。

平陽侯相,前漢無,後漢屬江夏曰平春,晉太康地志屬義陽,晉孝武改。

**郿**令,二漢屬江夏,晉太康地志屬義陽,並作**郿**,音盲。 | 永初郡國、何並作圖。

鍾武令,前漢屬江夏,後漢、晉太康地志無,永初郡國屬義陽

寶城令,孝武孝建三年,分剛立。

義陽令,晉太 凍 地志有,後省。 孝武孝建三年,分平陽立。

平春令,孝武孝建三年,分平陽立。

環水長,永初郡國、何、徐並無,明帝泰始三年,度屬宋安郡,後省宋安,還此。 宋

安,本縣名,孝武大明八年,省義陽郡所統東隨二左郡立爲宋安縣,屬義陽。 明

帝立爲郡。

元 年度屬郢,前廢帝永光 隨陽 太守,晉武帝分南陽義陽立義陽國,太康年,又分義陽爲隨國,屬荆州。 元年度屬雍,明帝泰始五 年還屬郢,改爲隨陽,「丟」後廢帝 孝武孝建 元徽 四

隨 陽子相 漢隨縣屬南陽,晉太康地志屬義陽。 後隨國 與郡俱改。

永陽男相、「於口除志有。

年,度屬

司州。

徐志

又有革音縣,今無。

領縣四。

戶四千六百。

去京都三千四

百八十。

闕西令,任己別見荆州,作厥西。宋末新立。

西平林令,宋末新立。

縣,永初郡 安 陸 太守, 國、何 孝武 並 無 孝 當 建 是何志 元 年,分江夏立, 後所立。 尋爲郡,孝武 屬郢州,後廢帝元徽 大明八年,省爲縣, 四年度司州。 屬安陸 徐志 有安蠻 明帝 泰

始初,又立爲左郡,宋末又省。 領縣二。[於三月六千四十三,口二萬五千八十四。 去京都水

二千三百。

安陸公相,漢舊縣,屬江夏。江夏又有曲陵縣,「於三本名石陽,吳立。 晉起居注,太

康元年,改江夏石陽日曲陵,「岳」明帝泰始六年,併安陸。

南汝南太守。 汝南郡別見。

平輿令。

北新息令。

眞陽令。

安城令。

南新息令。

安陽令。並別見。

臨汝令,新立。

校勘記

[1] 簡文咸安元年刺史桓熙戍歷陽孝武寧康元年刺史桓沖戍姑孰 各本並脫「史桓熙戍歷陽孝武

寧康元年刺」十三字,據通鑑宋大明五年胡三省注引補。 按恒沖爲揚州刺史,督揚、豫、江三州

諸軍 事 鎭 (姑孰,在寧康元年七月,見晉書孝武帝紀。

- 綏定豫土 「豫」字上各本並有「南」字。 通鑑宋永初三年胡注無「南」字,今據删。 孫彪宋書考
- }論 亦云:「南字當衍。」
- = 臨江 永初三年 滸 南豫州 :``北接河、洛,民荒境曠,轉輸艱遠,撫莅之任,各有其便。惟西諸郡,可 「三年」各本並作「二年」,據武帝紀改。 武帝紀:「永初三年二月丁丑、詔曰:『豫州南 立為豫州 ,自淮以
- 24 淮西爲 豫 州 錢大昕廿二史考異云:「此下當有『治壽陽』三字。」
- **≖** 州治淮南于湖縣。 又合、孝武大明三年又分。』則首尾相應矣。」 文,以本紀及南平王鑅傳考之,文帝元嘉七年,罷南 豫 文帝元嘉七年合二豫州爲一十六年又分二十二年又合孝武 大 南豫州。 州 為一至孝武大明三年」凡二十三字,據錢氏考異說補。 錢大昕廿二史考異云:「此條 二十二年,復罷南豫州併壽陽。 于湖即姑孰也。 當云:『文帝元嘉七年,合豫州爲一,十六年又分,二十二年 孝武大明三年, 豫州 **幷豫州。** 分淮南北復置二豫州。 明 三年 十六年,復分 又分 各本並脫 豫州 五年,移南 之淮南 當 一「合二 有 豫 爲 脫
- 志 四年以揚州之淮南宣城爲南豫州治宣城 第 + 六 校 勘 記 錢大昕廿二史考異云:「案帝紀, 泰始五年,分豫州、

揚 州 立 南 豫州 蓋分豫州之歷陽, 揚州之淮南、 宣城也。 事見廬江王禕傳。 志失書歷陽郡,又

誤 以 爲 四 年 事。」

 $\overline{ }$ <del>1</del> 今領 郡 + 九 各本並脫「十」字。 據通鑑宋永初三年胡三省注補。

先屬 秦 郡 「秦郡」各本並作「泰 《山郡」。 孫彪宋書考論 云三 泰山二字係秦字之譌。 雍丘見南兗

州 秦 郡。 按 孫 說是,今改正

ታ. \\_\_\_ 後 舛 割 奪 不 地 成 可 實 通。 土 一太康 今 訂 正 地 志永 酇縣,晉太康 初 郡 國又有酇縣 屬 南譙 按各本並作「後割地志咸實土郡國又有酇縣」,文 文帝 元嘉 八年度屬 歷陽, 故太康地志、 永初 \*郡

}國 南 譙郡 並 有 酇 縣

漢文帝十 六年 各本 並脫「十」字,據漢書地理志 補

永初郡 國 叉 有 虞陽夏安豐三縣 孫彪宋書考論云: 「前南汝陰郡安陽 令下云 『永初郡國、 何並

南梁』 疑虞陽爲安陽之譌。 按 南梁郡 有虞,南 汝陰郡 有陽夏 本屬 南梁郡。 宋志 不 誤

屬

 $\subseteq$ 南 機煩. 令 各本 並 脱 煩」字,據南齊書州 那志補。 按漢志、續漢志雁 門 郡 並有 樓煩縣。 此 蓋 渡

江 後 僑 置 以 别 僑立樓煩縣,此又加 南 字。

屬 晉熙 各本 並脱二 屬」字,據王象之輿地記勝引宋書州郡志補

領縣六 按下祇五縣,疑有 譌 奪。

- 二吾 瞿陽令 「瞿陽」漢書地理志、續漢書郡國志、水經灈水注、晉書地理志並作「灈陽」。
- 陳郡太守 「陳郡」各本並作「東郡」。 洪頤煊諸史考異云:「東郡當依豫州下作陳郡。」 今改正。
- 項 城 令 各本並 脱「城」字。 楊守敬云:「頂城令脫城字。」今據補
- 谷陽令 陽,因以爲名。」按洪說是,今改正。 各本並作「父陽令」。 洪頤煊諸史考異云:「父陽是谷陽之譌。 谷陽本漢苦縣,東晉成帝更名谷陽。 寰宇記,谷陽,蓋谷水之 水經陰溝水注:「渦 水

又東北屈至賴鄉西、谷水注之。」又云:「谷水又東、逕賴鄉城南。」谷陽蓋以谷水之陽 名縣

- 郡志,南豫州有南頓郡及西南 南頓太守 「南頓」各本並作「南潁」。 頓 那 楊守敬云:「南頓誤南潁。」楊說是,今改正。 按南齊書州
- 即名爲縣屬陳左縣 作「卽名爲南陳左縣,屬南汝陰郡」。 按文字譌奪不可解。 南齊書州郡志豫州南汝陰郡下有南陳左縣。 疑此當
- 以豫部蠻民立茹由樂安光城雩婁史水開化邊城七縣 史考異云:「邊城字重出、雩婁下邊城兩字當删。」按錢說是,今據删 各本「雩婁」下並衍「邊城」二字。
- 全 三 徐志有邊城郡領雩婁史水開化邊城四縣 字之譌,下『兩』字疑『四』字之譌。」按錢說是,今改正。 计二史考異云:「上下『兩』字皆誤。詳其文義,謂立邊城郡,領雩婁等四縣也。上『兩』字疑『郡』 「郡」字各本並作「兩」字了「四」字各本並作 兩 字。

補

- 省光城左郡為縣屬弋陽 各本並脫「屬」字。 孫彪朱書考論云:「弋陽上脫屬字。」 按孫說是,今
- 初安領新懷懷德二縣 各本並脫一「懷」字。 孫彪宋書考論云:「魏書地形志, 豫州有初安郡,
- 領新懷 、安昌、懷德、昭越四縣,可證『新』下脫一『懷』字。」按孫說是,今補正。
- 平樂令漢舊縣 不得言漢舊縣也。 廿二史考異云:漢志山陽郡平樂侯國,武都郡平樂道,兩平樂並與此平樂別, 平樂疑是平輿之誤。」
- [宗] 旣入譙郡界 文選作「朝入譙郡界」。
- 蒙令漢舊縣屬沛 也。」是「沛」當作「梁」。 成孺 朱書州郡志校 数記云: 兩漢志, 蒙並屬梁國, 此作沛者,涉左方而誤
- 孝武 四四 年五月乙酉,以徐州之梁郡還屬豫州。」此疑 大明元年度徐州二年還豫 按本書孝武紀:「大明三年春正月丁亥, 有 誤 割豫州梁郡屬徐州。」
- 章帝元 和三年 更名 「元和三年」續漢書 1郡國志 作「章和二年」。
- 而 無谷 陽長平 「谷陽」各本並譌「父陽」,今改正,說 見同 卷校勘記第 一八條
- 晉太 康 地 志屬 陳 郡 孫 総宋書考論云:「晉太康 無陳郡、當 云屬 梁。
- 谷陽令 「谷陽」各本並作「父陽」,今改正,說見同卷校勘記第一八條。

- 前漢屬淮陽後漢屬 陳 各本並脫「屬淮陽後漢」五字,成孺宋書州郡志校勘記云:「苦縣, 前漢
- 屬 淮陽 後漢 屬陳。 今本 脱『屬 淮陽後漢』五字。」按成校是,今補 Ę
- 本 ·名許 名」各本 並作「昌」。 成孺朱書州郡志校勘記云:「疑昌字爲名字之誤。」按成校是, 今
- 宣吾 庾翼叉治豫章 「庾翼」各本並作「庾悅」,據南齊書州郡志改。 成孺宋書州郡志校勘記 |庾

改正。

- 字當謂柴桑,移入後行。」按孫說是,今訂 晉屬武 悦蓋庾翼之誤。」 昌郡旣立治此 「郡旣立治此」五字各本並在尋陽郡戶口數後。 正。 孫彪宋書考論云:「此五
- 彭澤子相 無廢省,南齊書陳顯達封彭澤縣子。 「彭澤子相」四字,各本並脫,據孫 當宋時。 **彪說補。** 是彭澤爲子相 孫虨宋書考論云:「宋、 當補『彭澤子相』四 齊以來, 字 <u></u>, 彭 澤 並
- 安豐縣名前漢無 張森楷校勘記云:「按前漢志六安國有安豐縣,此云前漢無,誤
- 吳更名 水經贛水注: 「牽水又東逕吳平縣,舊漢平也。 晉太康元年,改爲吳平矣。」 此作吳更
- 吳曰西安 太平寰宇記,武寧縣,古西安縣也。 「西安」各本並作「要安」,據錢氏考異說改。 後漢建安中,分海昏立西安縣。晉太康元年,改爲豫寧。 廿二史考異云:「要安當爲西安之譌。

志

第

+

六

校

勘

記

朱睿卷三十六

{國 志 潘璋傳 :『遷豫章西安長』,是吳時縣名西安之證。」按水經贛水注:「循水東北 逕豫寧縣, 故

要 安 也。 晉太康元年, 更從今名。」趙一清云:「要字誤, 當作西。 吳書太史慈傳, 數爲寇於艾、

西安是也。」

餘干 令 「餘干」漢書嚴助傳、南齊書州郡志同。 漢書地理志、續漢書郡國志、水經贛水注作「餘

汗。 楊守敬隋書地理志考證 云:「元和志 ,漢餘汗縣,隋開皇九年,去水存干,名曰餘干。 考宋、

齊志已均作餘干,當是後人追改。」

[四] 領縣七 按下實領八縣,此云七縣,疑誤。

頟 縣 七 按 )此云. 領縣七,而 下祇吳興、將樂、邵武、 建陽、綏成、 沙村六縣,蓋脫建安一縣。

{地 理 {志 、南齊書州郡志並有 建 安縣。 蓋本書傳寫時脫之。 建安縣, 漢獻帝 建安初 孫策立。

晉書

}宋

劉粹傳、宋世粹封建安縣侯 傳至 孫 無子 ,國除。 殷孝祖 傳 泰始四 年,封建安縣侯, 齊 受禪 國

書

除。 是宋 世 有 建 安縣 且 爲 侯 國 至 確。 疑吳興子 相 前 一行 當補 建安侯 相 漢 末 立, 晉太康

地志有」十三字。

歷 城 令 ----歷 城 各 本 並作「廣城」。 史考異云 :「當作歷城。」按二漢志濟南郡有歷城 錢說

是,今改正。

晉惠帝又分城陽立 各本並脱「立」字,據孫彪宋書考論 說補

- 娹令 「滋」漢書地理志、魏書地 形志作「帔」。 續漢書郡國志、 晉書地理志作「惤」。 按一一被 漢東
- 萊郡 屬 縣,出娹布,則字應從巾 作「惤」作「娹」者,並「帔」之或體
- [記] 治歷 城 各本 並脱「治」字、孫彪宋書考論云:「歷城上當 有治字。」按孫說是,今補
- 八四八 後 漢 無 各本 並脱「無」字。 成孺宋書州郡志校勘記云:「續漢志無西平昌, 後漢 下當是脫『無』

字。」按成校是,今補。

- 温む 城平令 「城平」漢書地 理志、續漢書郡國志、晉書地理志、魏書地形志並 作「成平」。
- 金 衎「令」字。 陰安令二漢屬 孫獻宋書考論云:「當云二漢屬魏,魏屬陽平,晉屬頓丘。 魏 魏屬 陽 平晉屬頓 丘 屬 魏」下,各本並脫「魏屬」二字,「陽平」下,毛 魏,魏郡也。」按孫說是,今 殿
- 윺 晉太康地志屬高陽 各本並脫「屬」 字。 孫彪宋書考論云: 「地志下脫『屬』字。」 按孫說是,

補「魏屬」二字〕删「令」字。

- 呈 漢舊郡 「郡」各本並作「縣」。 張森楷校勘記云:「縣當作郡。」按張說是,今改正
- 全 河東 二漢晉太康地志河東有垣縣 有垣縣。」按二漢、晉河東郡並有垣縣。 河河 .東有垣縣」各本並作「河有東垣縣」。 孫彪宋書考論云:「當作 孫說是,今改正
- 晉太康 地志屬 河南 「河南」各本並作「河東」。 成孺朱書州郡志校勘記云:「新安不得屬河東

志

第

郡,晉志新安屬河南郡,疑東爲南字之譌。」按成校是,今改正

至 並 漢舊縣 屬 泂 南 「並」各本譌「北」,據成孺宋書州郡志校勘記

是出 全台 弘農 領 溫 領弘 野 王 農陝 軹 泂 宜陽 陽 沁 水 黽 Щ 池盧氏 陽 懷平. 曲 皐 陽 朝 凡七 歌 凡十縣 縣 廿二史考異云:「今數之祇六縣。」 廿二史考異云:「今數之祇 九縣。」

金公 領 長 安萬 年 新豐 藍 田 蒲 阪 凡 六縣 廿二史考異云:「今數之祇 五. 縣

一年かり 改為 隨 陽 洪 頤 煊 諸史考異云 「順帝昇明二年十一月甲子) 改 封南陽一 王翽爲隨 郡王, 改隨陽

郡。志誤。」

永陽 男相 「永陽」各本並作「水陽」,據南齊書州郡志 改。 楊守敬 云:「永陽誤作 水陽

闕 西 令 闕 西」各本 並 作「關 西」,據南 齊書州 郡志 改。 成 孺 {宋 書州 郡 志校 勘 }記 云 關 爲 闕 字

之譌。」楊守敬云:「闕西譌作關西。」

会ご **(字)** 領 縣 並 云 分安陸 按 此 云 立。 頟 縣 本書 而 孔季恭傳 下 實 安陸 ·言「大明· 縣,疑 中安陸 脫 去 應 應城縣民張 城 縣。 南齊 江陵」 書州 深郡志有事 云云, 應城縣。 則宋世 安陸郡 元和志、 有 應 }寰

城縣至確,今宋志無之,蓋脫去。

江夏 不 知 何人遂以江夏爲縣而提行書之。」孫獻宋書考論云:「案江夏與安陸實一 叉 有 曲 陵 縣 楊守敬 云:「安陸、江夏二 縣 平列 誤 也。 江 夏 立 縣始於隋 故 條,後人誤分之以 齊志 無江 夏縣

記

陽而譌,據上文訂正。」按成校是,今改正。

改江夏石陽曰曲陵 「曲陵」各本並作「曲陽」。

成孺朱書州郡志校勘記云:「陽當作陵,蓋涉石

## 宋書卷三十七

## 志第二十七

## 州郡三

荆州 郢州 湘州 雍州 梁州 秦州

州,江夏、武陵屬郢州,回隨郡、義陽屬司州,北義陽省,凡餘十一郡。文帝世,又立宋安左 治江陵,庾亮治武昌,庾翼進襄陽,復還夏口,桓溫治江陵,桓沖治上明,王忱還江陵,口此 郡,領拓邊、綏慕、樂寧、慕化、仰澤、革音、歸德七縣,後省改。 後遂治江陵。宋初領郡三十一,後分南陽、順陽、襄陽、新野、 二,縣四十八。戶六萬五千六百四。去京都水三千三百八十。 荆州刺史,漢治武陵漢壽,魏、晉治江陵,王敦治武昌,陶侃前治沔陽,後治武昌,王廙 竟陵爲雍州, 汶陽郡又度屬。今領郡十 湘川十郡爲湘

|南郡太守,秦立。 漢高帝元年,爲臨江國,景帝中二年復故。[11] 晉武帝太康元年改日 志 + ti 州 郡 一 一 七

新郡, 無旌陽, |尋復 見晉太康地志 故 宋初領縣 , 疑是吳所立。 九,後州 陵 監利 凡餘六縣。 度屬巴陵,旌陽文帝元嘉十八年省併 戶 萬四千五百四十四,口 枝江 七萬五千八 二漢

十七。

江陵公相,漢舊縣。

華容公相,漢舊縣,晉武太康元年省,後復立

當陽男相,漢舊縣。

臨沮伯相,漢舊縣。晉太康、永寧地志屬襄陽,後度。

編縣男相,漢舊縣。

枝江侯相,漢舊縣。

南平 內史,吳南郡治江 南,領江陵、華容諸縣。 晉武帝太康元年, 分南郡江南為南 平

戶一萬二千三百九十二,口四萬五千四十九。

去州

水一

百五十。去京都水三千五百,無陸。

郡,

治作

唐,

後治江安。

領縣四。

江安侯相,晉武帝太康元年立。

孱陵侯相,二漢舊縣,屬武陵,晉太康地志屬南

平

作唐侯相,前漢無,後漢屬武陵,晉太康地志屬南平。

## 南安令,晉武帝分江安立。四

以努仰射不至,其上名「天門」,因此名郡。充縣後省。 年復舊。 天門太守,吳孫休永安六年,分武陵立。 領縣四。戶三千一百九十五。 去州水一千二百,陸六百。去京都水三千五百。 充縣有松梁山,山有石,石開處數十丈,其高 孝武孝建元年,度郢州,明帝泰始三

遭陽令,晉武帝太康四年立。

臨遭令,晉武帝太康四年立。

零陽令,漢舊縣,屬武陵。

**漊中令,二漢無,晉太康地志有,疑是吳立。** 

宜都太守,太康地志、王隱地道、 何志並云吳分南郡立, 張勃吳錄云劉備立。按吳志,

備,則是備分南郡立宜都,非吳立也。 呂蒙平南郡,據江陵,陸遜別取宜都,獲秭歸、枝江、夷道縣。 習鑿齒云,魏武平荆州, 初權與劉備 分南郡枝江 分荆州,而南郡屬 以西爲臨江郡,

建安十五年,劉備改爲宜都。 三百五十,無陸。 去京都水三千七百三十。 領縣四。戶一千八百四十三,口三萬四千二百二十。 去州水

夷道令,漢舊縣。

很 Щ 男相,前漢屬武陵,後漢屬南郡,晉武帝太康元年改爲興山,後復舊。

<del>-</del> 1 = 0

宜昌 一令,何志晉武帝立。 按太康、永寧地志並無、疑是此後所立。

夷陵令,漢舊縣,吳改曰西陵,晉武帝太康元年復舊。

永寧郡。 都尉,後爲涪陵郡。 巴東公相,譙周巴記 建安六年,劉璋改永寧爲巴東郡,「公以涪陵縣分立丹興、漢葭二縣,立巴東屬 晉太康地志, 云,初平元年,[吾]荆州帳下司馬趙韙建議分巴郡諸縣安漢以下爲 巴東屬梁州,惠帝太安二年度益州,穆帝永和初平蜀,度 國

百三十七。 去州水一千三百。 去京都水四千六百八十。 屬荆州

永初郡國志無巴渠、黽陽二縣。

領縣七。戶一萬三千七百九十五,口四萬五千二

魚復侯相,漢舊縣,屬巴郡,劉備章武二年,改爲永安,晉武帝太康元年復舊。

**胸腮令,漢舊縣,屬巴郡。** 

新浦令,何志新立。

南浦 令,劉 |禪建興八年十月,|益州牧閻宇表改羊渠立。[+]|羊渠不詳,何志吳立。

漢豐令,何志不注置立。 太康地志巴東有漢昌縣,疑是。

巴渠令,何志不注置立。

**黽陽令,何志不注置立。** 晉末平吳時,峽中立武陵郡,有黽陽、 黔陽縣, 咸寧元年

並省。

今領三縣。戶九百五十八,口四千九百一十四。 先屬梁州, 文帝元嘉十一年度。 去州水七百,陸四百。 宋初有四縣,後省汶陽縣。 去京都四千一百。

**鐘陽** 令,何志新立。

沮陽令,何志新立。

高安令,何志新立

併厥西。 南義陽太守,義陽郡別見。晉末以義陽流民僑立。 平陽本爲郡,江左僑立。 魏世分河東爲平陽郡 晉末省爲縣。[10]今領縣二。 宋初有四縣,孝武孝建二年,以平陽縣 戶

千六百七,口九千七百四十一。

厥西令,二漢無,晉太康地志屬義陽。

平氏令,漢舊名,屬南陽。

州。 晉江左僑立。 新興太守,魏志建安二十年,省雲中、定襄、五原、朔方四郡,郡立一縣,合爲 朱初六縣,後省雲中,漢舊名,屬雲中。 孝武孝建二年, 叉省 九 原 此郡,屬幷 縣 漢舊名,屬

五原。 併定襄,宕渠流寓立。併廣牧。 凡今領縣三。戶二千三百一,口九千五百八十

应

定襄令,漢舊名

廣牧男相,漢舊名,屬朔方。

志

新豐令,漢舊名,屬京兆。僑流立。

後併省爲縣。 縣,孝武孝建二年,以廣戚前漢屬沛、後漢、晉太康地志屬彭城。 南河東太守,河東郡,秦立。 臨汾併松滋,安邑併永安。臨汾、安邑漢舊名。 晉成帝咸康三年,征西將軍庾亮以司州僑戶立。 臨汾後屬平陽。[二] 今領縣四。戶二千四 江左流寓立。 併聞喜, 弘農、江左立僑郡, 宋初八

百二十三,口一萬四百八十七。去州水一百二十。去京都水三千五百。

聞喜令,故曲沃,秦改爲左邑,漢武帝元鼎六年,行幸至此,聞南越破,改名聞喜。

松滋令,前漢屬廬江,後漢無,晉屬安豐。疑是有流民寓荆土,故立。 永安令,前漢彘縣,順帝陽嘉二年更名,後屬平陽。

尉,領巫、北井、泰昌、建始四縣。晉武帝咸寧元年,改都尉爲郡,於是吳、晉各有建平郡 太康元年吳平,併合。五年,省建始縣,後復立。永初郡國有南陵、建始、信陵、興山、永新、 建平太守,吳孫休永安三年,分宜都立,領信陵、興山、秭歸、沙渠四縣。晉又有建平都 **譙縣令,別見。 譙流民寓立。** 

信陵、興山、沙渠,疑是吳立。建始,晉初所立也。領縣七。戶一千三百二十九,口二萬八 永寧、平樂七縣,今並無。按太康地志無南陵、永新、永寧、平樂、新鄉五縣,疑是江左所立。

百一十四。去州水陸一千。去京都水四千三百八十。

巫令,漢舊縣。

秭歸侯相,漢舊縣。

歸鄉公相,何志,故屬秭歸,吳分。 按太康地志云, 秭歸有歸鄉,故變子國 楚滅

之,而無歸鄉縣,何志所言非也。日日

北井令,晉太康地志有。 先屬巴東,晉武帝泰始五年度建平。

泰昌令,晉太康地志有。

沙渠令,晉起居注,太康元年立。 按沙渠是吳建平郡所領,吳平不應方立,不詳。

新鄉令。

級安。[1三]晉安帝立。 孝武孝建二年後,以僮陽晉安帝立。 永寧太守,晉安帝僑立爲長寧郡,宋明帝以名與文帝陵同,改爲永寧。 宋 初五 縣,後省

併長寧,綏寧晉安帝立。

併上黃。今領縣

二。戶一千一百五十七,口四千二百七十四。 去州陸六十。 去京都三千四百三十。

長寧侯相,晉安帝立。

上黃男相,宋初屬襄陽,後度。 二漢、晉並無此縣。

武 寧太守,晉安帝隆安五年,桓玄以沮、漳降蠻立。 領縣二。戶九百五十八,口四千九

百 十四。

志 第 \_ + Ł 州 郡 Ξ

樂鄉令,晉安帝立。

長林男相,晉安帝立。

郢州刺史,魏文帝黃初三年,以荆州江北諸郡爲郢州,其年罷幷荆,非今地。 吳又立郢

州。 西陽,又以南郡之州陵、監利二縣度屬巴陵,立郢州。 孝武孝建元年,分荆州之江夏、竟陵、隨、武陵、天門,湘州之巴陵,江州之武昌,豫州之 天門後還荆。 領郡六,縣三十九。 戶

二萬九千四百六十九,口十五萬八千五百八十七。去京都水二千一百。

江夏太守,漢高帝立,本屬荆州。 永初郡國及何志並治安陸,此後治夏口。 又有安陸、

曲陵,曲後別郡。曰回領縣七。 戶五千七十二,口二萬三千八百一十。

汝南侯相,本沙羡土,晉末汝南郡民流寓夏口,因立爲汝南縣。 沙羡令,漢舊縣,

吳省。 晉武 太康元年復立,治夏口。 孝武太元三年,省併沙陽,後以其地爲汝

南實土。

沌陽子相,江左立。

孝昌侯相 ,永初郡國、何志並無、徐志有、疑是孝武世所立。

惠懷子相,江左立。

沙陽男相,二漢舊縣,本名沙羡,屬武昌,晉武帝太康元年更名,又立沙羨,而沙陽

徙今所治。 文帝元嘉十六年度巴陵、孝武孝建元年度江夏。

羡陽子相,晉惠帝世,安陸人朱何爲陶侃將,求分安陸東界爲此縣。[1·吾]

蒲圻男相,晉武帝太康元年立。本屬長沙,文帝元嘉十六年度巴陵,孝武孝建元

年度江夏。

五百九十一,口四萬四千三百七十五。 竟陵太守,晉惠帝元康九年,分江夏西界立。何志又有宋縣,徐無。 去州水一千四百。 去京都水三千四百 **領縣六。戶八千** 

**莨壽令,明帝泰始六年立。** 

竟陵侯相,漢舊縣,屬江夏。

新市子相,漢舊縣,屬江夏。

霄城侯相,口心永初郡國有,何、徐不注置立。

新陽男相、永初郡國有,何、徐不注置立。

雲杜侯相,漢舊縣,屬江夏。

本屬荆州。 武 陵太守,前漢地理志,高帝立。 領縣十。 戶五千九十,口三萬七千五百五十五。 續漢郡國志云,秦昭王立,名黔中郡,高帝 去州水一千。 去京都水三千。 五年更名。

卷三十七

臨沅男相,漢舊縣。

龍陽侯相,晉太康地理志、何志吳立。

漢壽伯相,前漢立,江北後漢順帝陽嘉三年更名。 吳日吳壽,晉武帝復舊。

遷陵侯相,漢舊縣

沅南令, 漢光武建武二十六年立。

辰陽男相,漢舊縣。

舞陽令,前漢作無陽,後漢無,晉太康地志有

酉陽長,漢舊縣。

黜陽長,二漢無,晉太康地志有。

沅陵令,漢舊縣。

孝武孝建元年,割南郡之監利、州陵度江夏、日公屬郢州。 巴陵太守,文帝元嘉十六年,分長沙之巴陵、蒲圻、下雋,江夏之沙陽四縣立,屬湘州, 二年,又度長寧之綏安屬巴陵。

一萬五千三百一十六。去州水五百。去京都水二千五百。

何志訖元嘉二十年,巴陵郡以十六年立,應在何志而闕。

領縣四。戶五千一百八十七、口

巴陵男相,晉武帝太康元年立,屬長沙。本領度支校尉,立郡省。

下雋侯相,漢舊縣,屬長沙。

監利侯相,按晉起居注,太康四年,復立南郡之監利縣,尋復省之。 言由先有而被

省也,疑是吳所立,又是吳所省。孝武孝建元年度。

州陵侯相,漢舊縣,屬南郡,晉武帝太康元年復立,疑是吳所省也。 孝武孝建元年

度。 明帝泰始四年,以綏安縣併州陵。

武昌太守,晉起居注,太康元年,改江夏爲武昌郡。 領縣三。戶二千五百四十六,口一

萬 千四百一十一。去京都水一千一百。

武昌侯相、魏文帝黃初二年、孫權改鄂爲武昌。日立

陽新侯相,吳立

西陽 鄂令,漢舊縣,屬江夏。 晉惠帝又分弋陽爲西陽國,

吳改鄂爲武昌,晉武帝太康元年,復立鄂縣,而武昌如故。

豫州 宋孝武孝建元年,度郢州,明帝泰始五年,又度豫,後又還郢。 太守,本縣名,二漢屬江夏,魏立弋陽郡,又屬焉。 永初郡國、何、徐並有 屬

都水一千七百二十。

弋陽縣。

今領縣十。

戶二千九百八十三,口一萬六千一百二十。

去州水二百八十。去京

西陽 令,漢 舊縣,屬江夏,後屬弋陽。

第 + 七 州 郡  $\equiv$ 

志

西 陵 男相 ,漢舊縣,屬江夏,後屬弋陽。

孝武自此伐逆,即位改名。

蕲陽令,二漢江夏郡有蘄春縣,吳立爲郡,晉武帝太康元年,省蘄春郡,<br/>510〕而縣屬 孝寧侯相 ,本軑縣,漢舊縣。

弋陽,後屬新蔡,孝武大明八年,還西陽。

義安令,明帝泰始二年以來流民立。

|蘄水左縣長,文帝元嘉二十五年,以豫部蠻民立建昌 城 、彭波、遷溪、東丘、東安、西安、南安、房田、希水、高坡、直水、蘄水、淸石十八 「南川 、長風、赤亭、魯亭、 陽

縣,屬西陽。孝武大明八年,赤亭、彭波倂陽城,其餘不詳何時省。

東安左縣長,前廢帝永光元年,復以西陽蘄水、直水、希水三屯爲縣。

建寧左縣長,孝武大明八年省建寧左郡爲縣,屬西陽。徐志有建寧縣,當是此後

爲郡。

希水左縣長。

陽城左縣長,本屬建寧左郡,孝武大明八年,省西陽之赤亭、陽城、彭波三縣倂建

寧之陽城縣,而以縣屬西陽。

湘 州刺史,晉懷帝永嘉元年,分荆州之長沙、衡陽、湘東、邵陵、零陵、營陽、建昌,江州

之柱 三年又立,文帝元嘉八年省。 陽八郡立,治臨湘。成帝咸和三年省。安帝義熙八年復立,十二年又省。 十六年又立,至三二十九年又省。孝武孝建元年又立。 宋武帝永初 建昌

湘州 郡,晉惠帝元康九年,分長沙東北下雋諸縣立,成帝咸康元年省。 後度野。 領郡十,縣六十二。 戶四萬五千八十九, 口三十五萬七千五百七十二。 元嘉十六年立巴陵郡屬 去

京都水三千三百。

長沙內史,秦立。 宋初十縣,下雋、蒲圻、巴陵屬巴陵。 今領縣七。戶五千六百八十

四,日四萬六千二百一十三。

臨湘侯相,漢舊縣。

醴陵侯相,後漢立。

瀏陽侯相,吳立。

吳昌侯相,後漢立曰漢昌,吳更名。

羅縣侯相,漢舊縣。

攸縣子相,漢舊縣。

建寧子相,吳立。

志第二十七 州郡三

衡陽內史, 吳孫亮太平二年,分長沙西部都尉立。 領縣七。 戶五千七百四十六,口二

萬八千九百九十一。去州水二百二十。 去京都水三千七百。

湘西令,吳立。

湘南男相,漢舊縣,屬長沙。

益陽侯相,漢舊縣,屬長沙。

湘鄉男相,前漢無,後漢屬零陵。

新康男相,吳曰新陽,晉武帝太康元年更名。

重安侯相,前漢曰鍾武,後漢順帝永建三年更名,屬零陵。

衡山男相,吳立曰衡陽,晉惠帝更名。

二萬二千一百九十二。去州水一千四百。去京都水四千九百四十。

桂陽太守,漢高立,屬荆州,晉惠帝元康元年度江州。領縣六。戶二千二百一十九,口

郴縣伯相,漢舊縣。

耒陽子相,漢舊縣。

南平令,漢舊縣。 臨武令,漢舊縣。

汝城令,四三江左立。

晉寧令,漢順帝永和元年立,日漢寧,吳改曰陽安,晉武帝太康元年改曰晉寧。

去州一千四百。去京都水四千八百 零陵內史,漢武帝元鼎六年立。 領縣七。 戶三千八百二十八,口六萬四千八百二十

泉陵子相,漢舊縣。

洮陽侯相,漢舊縣。

零陵子相,漢舊縣。

祁陽子相,吳立。 明帝泰始初度湘東,五年復舊。

應陽男相,晉惠帝分觀陽立。

觀陽男相,吳立。

永昌令,吳立。

七百一。去京都水五千五百五十。 營陽太守,江左分零陵立。 領縣四。戶一千六百八,口二萬九百二十七。去州水一千

營浦侯相,漢舊縣,屬零陵。

營道侯相,漢舊縣,屬零陵。

志第二十七 州郡三

春陵令,前漢舊縣,春陵侯徙國南陽,省。 吳復立,屬零陵。

冷道令,漢舊縣,屬零陵。

漢舊縣。 湘東太守,吳孫亮太平二年,分長沙東部都尉立。 利陽、新平張勃吳錄有此二縣,利作梨,晉作利音。三縣。今領縣五。戶一千三百九十六,口 晉世七縣,孝武太元二十年,省酃、

萬七千四百五十。去州水陸七百。去京都水三千六百。

臨烝伯相,吳屬衡陽,晉太康地志屬湘東。

新寧令,吳立。

茶陵子相,漢舊縣,屬長沙。

湘陰男相,後廢帝元徽二年,分益陽、羅、湘西及巴、硤流民立。

陰山令,陰山乃是漢舊縣,而屬桂陽。 吳湘東郡有此陰山縣,疑是吳所立。

萬五 千五百六十五。 去州水七百, 陸一千三百。 邵 陵 太守,吳孫晧寶鼎元年,分零陵北部都尉立。 去京都水四千五百 領縣七。 戶一 千九百一十六,口一

邵陵子相,何志屬長沙。 按二漢無,吳錄屬邵陵。

建 武剛令,三三晉武分都梁立。 興男相,晉武帝分邵陵立。

高平男相,吳立。晉武帝太康元年,改曰南高平,後更曰高平。

都梁令,漢舊縣,屬零陵。

邵陽男相,吳立曰昭陽,晉武改。

扶縣令,漢舊縣,至晉曰夫夷。漢屬零陵,晉屬邵陵。 案今云扶者,疑是避桓溫諱

去「夷」、「夫」不可爲縣名,故爲「扶」云。

州,成帝度荆州,宋文帝元嘉二十九年,又度廣州,三十年,復度湘州。 廣興公相,吳孫皓甘露元年,分桂陽南部都尉,回立爲始興郡。 晉武帝平吳,以屬廣 明帝泰始六年,立 岡

縣,改始興日廣興。領縣七。戶一萬一千七百五十六,口七萬六千三百二十八。去州水一 **溪縣,割始興之封陽、陽山、含涯三縣,立宋安郡,**[三] 屬湘州。 泰豫元年復一,四次省岡溪

千三百九十。去京都水五千。

曲江侯相,漢舊縣,屬桂陽。

桂陽今,三三漢舊縣,屬桂陽。

貞陽侯相 陽山侯相,漢舊縣,後漢曰陰山,曰為屬桂陽。 漢舊縣,名湞陽,屬桂陽。 宋明帝泰始三年,改「湞」爲「貞」。 吳始興郡無此縣,當是晉後立。

含洭男相,漢舊縣,屬桂陽。

始興令,吳立。

臨慶內史,吳分蒼梧立爲臨賀郡,屬廣州,晉成帝度荆州,宋文帝元嘉二十九年,度廣 中宿令,漢舊縣,屬南海,吳度。

去州水陸二千八百。去京都水陸五千五百七十。

州,三十年,復度湘州。

明帝改名。

領縣九。戶三千七百一十五,口三萬一千五百八十七。

臨賀侯相,漢舊縣。 晉太康地志、王隱云屬南海,而二漢屬蒼梧,當是吳所度。

馮乘侯相,漢舊縣,屬蒼梧。

封陽侯相,漢舊縣。

富川令,漢舊縣,屬蒼梧。

興安侯相,吳立日建興,晉武帝太康元年更名。

謝沐長,漢舊縣,屬蒼梧。

開建令,文帝分封陽立宋昌、宋興、開建、武化、徃徃、徃音生。 寧新令,二漢無,當是吳所立,屬蒼梧,晉武帝太康元年更名。 永固、綏南七縣。後又

分開建、武化、宋昌三縣立宋建郡,屬廣州。 孝武大明元年悉省,唯餘開建縣。

撫寧令,宋末立。

帝元嘉二十九年,度廣州,三十年,復度湘州。 始 建 內史,吳孫皓甘露元年,分零陵南部都尉立始安郡,屬廣州,晉成帝度荆州, 明帝改名。 領縣七。戶三千八百三十,口二 宋文

始安子相,漢舊縣,屬零陵。

萬二千四百九十。

去州水二千八十,陸二千六百三十。

去京都水五千五百九十。

熙平令,吳立爲尚安,晉武改。

永豐男相,吳立。

荔浦令,漢舊縣,屬蒼梧。

平樂侯相,吳立。

建陵男相,吳立,屬蒼梧,宋末度。

樂化左令,宋末立。

京兆 幷立 郡縣 、義陽 僑 猶 雍 寄 郡 州刺史,晉江左立。 寓 縣。 三郡。 在諸郡界。 宋文帝元嘉二十六年,割荆州 北 上洛,晉孝武立,領上洛、北商、酆陽、 孝武大明中,又分實 胡亡氐亂,雍、秦流民多南出樊、沔,晉孝武始於襄陽僑立 之襄陽、南陽、新野 土郡縣 以爲僑郡縣 陽亭、 境。 、順陽、隨 北 拒 徐志雍州 陽 五. 五. 縣。 一郡爲 有北 北京兆領北 雍州 上洛、北 雍州 前 僑

志

第

+

七

州郡

 $\equiv$ 

藍田 亭、北拒陽,並云安帝立,餘縣不注置立。 霸城 山北三縣。並云景平中立。 今並無此三郡。今領郡十七,縣六十。 義陽,云晉安帝立,領平氏、襄鄉二縣。 酆陽、陽

千九百七十五,口十六萬七千四百六十七。 去京都水四千四百、陸二千一百。

襄陽公相,魏武帝平荆州, 分南郡編以北及南陽之山都立,屬荆州。 魚豢云, 魏文帝

十四,口 萬六千四百九十六。 立。

永初

郡國、何志並有宜城、漢舊縣,屬南郡。

都、

上黃縣,並別見。

徐志無。領縣三。戶

四千二

襄陽 令,漢舊縣,屬南郡。

中廬 令,漢舊縣,屬南郡

即縣 令,行之漢舊縣,屬南郡。

漢舊 縣。 南陽 何 志 太守,秦立,屬荆州。 無難、雉。 徐志無比陽 永初郡 魯陽 國有比陽、魯陽、赭陽 赭陽 西鄂 博望, 、西鄂 面 有葉 、雙、葉、雉、 餘並 同 博望 孝武 大 八縣。並 明 元

都 水四千 ·四百。 年,省葉縣

領縣

七。

戶四千七百二十七,口三萬八千一百三十二。

去州三百六十。去京

宛縣 令,漢舊 縣

涅陽

令,漢舊縣

雲陽男相,漢舊縣。 故名育陽,晉孝武改。

冠軍 令,漢 舊縣,武 帝分穰立

酈縣 令,漢 舊 縣

舞陰令,漢 舊 縣

許昌 男相,徐志 無,此後所立。 本屬

新野 太守,何志晉惠帝分南陽立。永初郡國 潁川。 、何志有棘陽 別見。 蔡陽 鄧縣。並

無。

孝武

大明元年,省蔡陽。

今領縣五。

戶四千二百三十五,口一萬四千七百九十三。

漢舊

縣。

徐

去

州 百八十。 新野侯相,漢舊縣,屬南陽。 去京都水四千 五百八十。

Щ .都男相,漢舊縣,屬南陽,晉太康地志屬襄陽,永初郡國及何、徐屬新野。[10] 文帝元嘉末省,孝武大明元年復立。

池陽令,漢舊名,屬馮翊,晉太康地志屬京兆。 僑立亦屬京兆。 孝武大明中土斷,

叉屬此。

|穰縣令,漢舊縣,屬南陽。

順陽 太守,魏分南陽立日南鄉,晉武帝更名。 成帝咸康四年,復立南鄉,後復舊。 泳初

志 第 十 七 州 郡 Ξ

凡 (郡 八 }國 縣。 及何 徐 志 志 有朝陽 唯 增 朝陽。 、武當 、酇、陰、汎陽 朝陽,孝武大明元年省。 筑 一並別 見。 析 領縣七。 前漢屬 弘農,後漢屬南陽。 戶四千一百六十三,口二萬三 脩陽 唯見永初郡國

千一百六十三。

南鄉令,前漢無,後漢有,屬南陽

槐 里男相、 漢舊 名,屬扶風 僑立 亦屬始平。 大明土斷

屬

此。

順陽侯相,前漢曰博山,後漢明帝更名,屬南陽

淸 水 令,前漢屬天水,後漢爲 天水漢陽、「三」無此縣。 晉太康地志屬略陽。 僑立 屬

始平。大明土斷屬此。

朝陽令,漢舊縣。

丹水令,前漢屬弘農,後漢屬南陽。何志魏立,非也。

鄭縣令,漢舊名,屬京兆。僑立亦屬京兆,後度此。

帝 建 元 京 六年,分爲右內 兆 太守,故秦內史,漢高 史,太初 帝 元 年,更爲京兆 元 年,屬塞 國 尹 一年,更爲渭南 ′,魏改爲京 兆郡。 郡, 九 初 年 僑 立 龍 寄 復 治 爲 襄陽。 內史。 朱 武

序 初 沒 元年屬 氏。 孝武 州。永初郡國有藍田、漢舊縣。 太元十一 年 ·復立。 大明  $\hat{\pm}$ 鄭、池陽 斷 割襄陽 、並別見。 西界為 南霸城、本霸陵 實 主。 雍州 漢舊縣。 僑 郡 先屬 太康地志 府 武帝永 日,霸城

城縣 何志魏□。 盧氏 新康五縣。 當是何志後所立,二漢屬弘農,晉太康地志屬 何志無新康而有新豐。 徐無。孝武大明元年,省京兆之盧氏、藍田 上洛。 新康疑是晉末所立。 領縣 霸

三。戶二千三百七,口九千二百二十三。

杜令,二漢曰杜陵,魏改。

鄧縣令,漢舊縣,屬南陽。

新豐令,漢舊縣。

始平太守,晉武帝泰始二年,分京兆、扶風立。 後分京兆、 扶風 僑立,治襄陽。 今治武

當。 縣,而清水、始平與永初郡國 永初郡國 唯有始平、平陽、淸水別見。 同。 領縣四。 三縣。 戶二千七百九十七,口五千五百十二。 何志有槐 里 、別見。 宋寧 宋嘉何 志新立。

武當侯相,漢舊縣,屬南陽,後屬順陽。

始平令,魏立。

武功令,漢舊名,故屬扶風,晉太康地志屬始平。

平陽子相,江左平陽郡民流寓,立此。

帝 建元六年,分爲右內史,太初元年更名爲右扶風。 扶 風 太守, 故秦內史。 高帝元年,屬雍國,二年,更爲中地郡,九年罷。 僑立,治襄陽,今治筑口 後爲內史。 永初郡國

何 志 唯有郿 魏昌縣,〔三〕魏昌,魏立,屬中山。 孝武大明元年省魏昌。 領縣三。戶二千一百五

十七,口七千二百九十。

筑陽令,漢舊縣,屬南陽,又屬順陽。 大明土斷屬此。

郿縣令,漢舊名,屬扶風,晉太康地志屬秦國

汎陽令,晉武帝太康五年立,屬南鄉,仍屬順陽。 大明土斷屬此。

洛蓋是何 南 上洛太守,永初郡國、何志雍州並有南上洛郡,寄治魏興,今梁州之上洛是也。 志以後僑立耳。今治曰。 何、徐志雍州南上洛,晉武帝立,北上洛云晉孝武立,非 此上

也。 徐 有 南北陽亭、陽安縣,不注置立。 今領縣二。戶一百四十四,口四百七十七。

上洛男相。別見。

商縣令。別見。

河南太守, 故秦三川郡,漢高帝更名。 光武都雒陽,建武十五年,改日河南尹。三三僑

縣五。 河南。 立,始治襄陽,孝武 徐無此二縣,而有僑洛陽。 戶三千五百四十一,口一萬三千四百七十。 大明 中,分沔北爲境。 漢舊名。 陽城縣,孝武 永初郡國 及何志並又有 去州陸三十五 大明元年省。 陽城、緱氏 洛陽,當是何志後立。領 縣,漢舊 名<sub>,</sub> 並屬

河南令,漢舊名。

新城令,漢舊名。

河陰子相,魏立

棘陽 令,漢縣,故屬南陽,晉太康地志屬義陽,後屬新野。 大明土斷屬此

襄鄉 令,前漢無,後漢有,屬南陽。 徐志屬義陽。 當是大明土斷屬此

**鄲**,並見在。 廣平太守,別見。江左僑立,治襄陽,今爲實土。 無酇、比陽。 徐無復邯鄲縣。 易陽、曲周,孝武大明元年省。 永初郡國及何志並又有易陽、曲周、即 邯鄲應是土斷省。

縣 四 戶二千六百二十七,口六千二百九十三。 廣平令,漢舊名。徐志,南度以朝陽縣境立。

領

**酇縣令,漢舊縣,屬南陽,後屬順陽。** 

比陽令,漢舊縣,屬南陽。

陰縣 令,漢舊縣,屬南陽。

義成太守,晉孝武立,治襄陽,今治均。永初郡國又有下蔡、平阿縣,二縣前漢屬沛,後漢屬九

江,晉太康地志屬淮南。 縣二。戶一千五百二十一,口五千一百一。 何同。 孝武大明元年省下蔡,始亦流寓立也。 平阿當是何志後省。

領

義成侯相,晉孝武立。

志 第 + 七 州 郡 Ξ

一 四 二

萬年令,漢舊名,屬馮翊。

武帝建元六年,分爲左內史,太初元年,更名。 馮翊 太守,故秦內史,高帝元年,屬塞國,二年,更名爲河上郡,〔三〕九年罷,復爲內史。 三輔流民出襄陽,文帝元嘉六年立,則何志

應 有而無。 治襄陽。 今治郡。[三]領縣三。疑[張]戶二千七十八,口五千三百二十一。

都縣令,漢舊縣,屬南郡,作「若」字。晉太康地志作「鄀」。 永初郡國及何志屬襄

陽,徐屬此。

高陸令,晉太康地志屬京兆。 永初郡國、何志並無,孝武大明元年復立。

南天水太守,天水郡別見。 徐志本西戎流寓。 。今治巖州。 永初郡國、何志並無,當是何志

後所立。 又有冀縣,漢舊名。孝武大明元年省。領縣四。戶六百八十七,口三千一百二十二。

華陰令,前漢屬京兆,後漢、魏、晉屬弘農。

西縣 令,前 漢屬隴西 ,後漢屬漢陽,即天水,魏、晉屬天水。

略陽侯相。別見。

河陽令。別見[言]。

國郡,並寄治襄陽。 建昌 太守,孝建 昌國後省。 元年,刺史朱脩之觅軍戶爲永興、安寧二縣,立建昌郡,又立永寧爲昌 徐志,建昌又有永寧縣,今無。 領縣二。戶七百三十二,口

四千二百六十四。

永興令。

安寧男相。

今治大隄。

領縣三。戶一千三百九十九,口

華山令,與郡俱立。

藍田令,漢舊名,本屬京兆。

上黃令,本屬襄陽,立郡割度。

北河南太守,晉孝武太元十年立北河南郡,後省。 永初郡國、何、徐志並無。 明帝泰始

新蔡令。別見。

末復立。

寄治宛中。

領縣八。

汝陰令。別見。

苞信令。別見。

上蔡令。别見。

固始令。別見。

志第二十七 州郡三

緱 氏 令 別

新 安 令。 別見。

洛陽 令。 別見。

弘農太守,漢武帝元鼎四年立。「三一宋明帝末立,寄治五壟。 領縣三。

邯鄲令,漢舊名,屬趙國。 晉太康地志無此 縣。

縣 令,前漢屬淮陽,後漢屬陳留。 晉太康地志無此縣。

別見。

渠郡。 帝元嘉十年,刺 舊。 有 復 立 北岩渠郡 譙縦 梁州 梁州 宋起居注, 刺史, 時,又沒漢中。〔三〕刺史治魏興。 治漢 唯領岩渠 史 、禹貢舊州、周以梁併雍, 中南鄭 **頸法** 元嘉 而 護於南城 十六年, 縣。 益州治成都。 何云,本巴西流民。 失守, 割梁州宕渠 刺史蕭思話還治南鄭。 漢以梁爲益, 李氏據 縱滅,刺史還治漢中之苞中縣, 郡度益州。 梁、益, 今無 治廣漢雒 江左 今益部岩渠郡 於襄陽 永初郡國 縣。 僑 魏元帝景元 立 日 梁州。 南岩渠。 又有宕渠郡、 所謂南城也。 李氏滅 四 年平蜀, 何、徐並 北宕 復

漢中太守,秦立。 漢獻帝建安二十年,魏武平張魯,復漢寧郡爲漢中,疑是此前改漢中

平後復立。 日漢寧也。[80]晉地記云,孝武太元十五年,梁州刺史周瓊表立。[81]又疑是李氏所省,李氏 永初郡國又有苞中、 懷安漢、晉、何、徐並無二縣。 一縣。[晉] 領縣四。 戶一千七百八

十六。口一萬三百三十四。

南鄭令,漢舊縣。

城固令,漢舊縣。

沔陽令,漢舊縣。

西鄉令,蜀立日南鄉,晉武帝太康二年更名。

魏興太守,魏文帝以漢中遺民在東垂者立,屬荆州。 江左還本。 領縣十三。疑旨。去州

一千二百。去京都水六千七百。

西城令,漢舊縣,屬漢中。

<u></u>鄖鄉令,本錫縣、[閏]二漢舊縣,屬漢中,後屬魏興,魏、晉世爲郡,後省。

武帝太康

五年,改爲鄖鄉。何志晉惠帝立,非也。

錫縣令,前漢長利縣,屬漢中,後漢省。晉武帝太康四年復立,屬魏興。 五年,改

長利爲錫。

廣城令,永初郡國、何、徐並有,不注置立。

志第二十七 州郡三

一四六

興晉令,魏立曰平陽,晉武帝太康元年更名。

旬陽 令,前漢有,後漢無,晉武帝太康四年復立。

上廉令、「留了晉太康地志、永初郡國、徐並屬上庸,何無。

長樂令,永初郡國、何、徐並屬晉昌。 本蜀郡流民。

廣昌子相,何志屬上庸,晉成帝立。 晉地記,武帝太康元年,改上庸之廣昌爲庸

昌,二年省。疑是魏所立。

安晉令,永初郡國 、何、徐屬晉昌。 本蜀郡流民。

延壽令,永初郡國、何、徐屬晉昌。 本蜀郡流民。

宣漢令,永初郡國、何、徐屬晉昌。 本建平流離民。

新興太守,永初郡國、何、徐云新興、吉陽、東關 三縣,屬晉昌郡。 何云晉元帝立,本巴、

漢 〉流民。 宋末省晉昌郡,立新興郡,以晉昌之長樂、安晉、延壽、安樂屬魏興郡,宣漢屬巴渠

領縣二。

郡,寧都屬安康郡。

永初郡國有永安縣,何、徐無。

今亦無復新興縣。

何云巴東夷人。今

吉陽令,本益州流民。

東關令,本建平流民。

新城太守,故屬漢中,魏文帝分立,屬荆州。江左還本。 **領縣六。戶一千六百六十八,** 

口 七千五百九十四。 去州陸一千五百。 去京都水五千三百。

房陵令,漢舊縣,屬漢中,太康地志、王隱無。

級陽令,魏立,後改爲秭歸,晉武帝太康二年,復爲綏陽。

昌魏令,魏立。

祁鄉令,何志魏立。 晉太康地志作「沅」。音祁。

**閬陽令,何志不注置立。** 

樂平令,何志不注置立。

上庸太守、魏明帝太和二年,分新城之上庸、武陵、北巫爲上庸郡。 景初元年,又分魏

初郡國 興之魏陽,錫郡之安富、上庸爲郡。疑是太和後省,景初 有上庸、廣昌。 何有廣昌。 領縣七。 戶四千五百五十四,口二萬六百五十三。 又立 也。 魏屬荆州,江左還本。 去州 {永

陸二千三百。去京都水六千七百。

上庸令,漢舊縣,屬漢中。

安富令,晉太康地志、永初郡國、何、徐並有。

北巫令,何志晉武帝立。 按魏所分新城之北巫,應即是此縣, [gk]然則非晉武立

明矣。

微陽令,魏立曰建始,晉武帝改。

武陵令,前漢屬漢中,後漢、晉太康地志、王隱並無。

新安令、永初郡國、何、徐有。何云本建平流民。

吉陽令,永初郡國云北吉陽,何、徐無。

州南晉壽郡悉有此諸縣。 晉壽太守,晉地記云,孝武太元十五年,梁州刺史周瓊表立。回即何志故屬梓潼。 永初郡國、徐又有南晉壽、南興、樂南、興安縣。 何無南興樂,云 而益

南晉壽,惠帝立,餘並不注置立。今領縣四。去州陸一千二百。去京都水一萬。

晉壽。漢壽之名,疑是蜀立,云惠帝立,非也。 何志晉惠帝立。按晉起居注,武帝太康元年,改梓潼之漢壽曰

晉壽令,屬梓潼。

白水令,漢舊縣,屬廣漢,晉太康地志屬梓潼

邵歡令,永初郡國、何、徐並有,不注置立,疑是蜀立曰昭歡,晉改也。

興安令,永初郡國、何、徐並有,不注置立。

華陽太守,徐志新立。 永初郡國、何並無、四、寄治州下。 領縣四。 戶二千五百六十

華陽令。

興宋令。

岩渠令。

嘉昌令,徐不注置立。

新巴太守,晉安帝分巴西立。 何、徐又有新歸縣,何云新立,今無。

**領縣三。戶三百九** 

十三,口二千七百四十九。

新巴令,四亞晉安帝立。 晉城令,晉安帝立。

晉安令,晉安帝立。

北巴西太守,何志不注置立。 宋起居注,文帝元嘉十二年,於劍南立北巴西郡,屬益

州。 梁州北巴西是晉末所立也。永初郡國領閬中、漢昌 今益州無此郡。又永初郡國、何、徐梁州並有北巴西而益州無,疑是益部僑立,尋省, 二縣。 何又有宋昌縣,云新立。 徐無宋

昌,有宋壽。 何、除並領縣四,今六。疑CMOJ去州一千四百。 去京都水九千九百。

閬中令。 別見。

安漢令。 別見。

志 第二十 七 州 郡 三

南國令。即南充國,別見。

西國令。即西充國,別見。

平周令,益州巴西有平州縣。

平、綿竹、平武、資中、冑旨五縣。 北陰平太守,晉太康地志故廣漢屬國都尉。 何、徐直曰陰平,領二縣與此同。 何志蜀分立。 永初郡國 戶五百六, 口二千一百 日北陰平,領陰

二十四。寄治州下。

陰平令,前漢、 後漢屬廣漢屬國,名宙底。CHID晉太康地志陰平郡陰平縣注云,宙

底。 當是故宙底爲陰平。 永初郡國胄旨縣, 即宙底也。 當是後又立此縣,而字誤也。

平武令,蜀立日廣武,晉武帝太康元年更名。

縣。 何無。 南陰平太守,永初郡國唯領陰平 今領縣二。 戶四百七。 縣。 徐志無南字,云陰平舊民流寓立, 唯領懷舊

陰平令。

懷舊令,徐志不注置立。

巴渠太守,何志新 立。 領縣七。 戶五百,口二千一百八十三。

宣漢令、別見。與郡新立。

始興令,何志新立。

巴渠令,何志新立。

東關令,何志新立。

始安令,何志新立。

下蕭令,何志無,徐志不注置立。

晉興令,何志晉安帝立。案永初郡國,梁部諸郡,唯巴西有此縣,不容是此晉興。

若是晉安帝時立,便應在永初郡國,疑何謬也。

懷安太守,何志新立。 領縣二。戶四百七,口二千三百六十六。 寄治州下。

懷安令,何志新立。

義存令,何志新立。

朱熙太守,何、徐志新立。 **領縣五。戶一千三百八十五,口三千一百二十八。** 去州七

去京都九千八百。

耳。

興樂令。「雪」

歸安令。

宋安令。

志 第二十七 州 郡 三

卷 三十 七

元壽令。

嘉昌令,何志五縣並新立。

白水太守,永初郡國 、何並無、徐志仇池氐流寓立。 有漢昌縣。 今領縣六。

戶六百五。

新巴令。

漢德令。

益昌令。 晉壽令。

興安令。

平周令,徐志作「平州」。 此五縣,徐並不注置立。

興,卽此郡也。徐志巴民新立。 南上洛太守,晉太康地志分京兆立上洛郡,屬司 徐志時已屬梁州矣。 隸。 永初郡國無豐陽而有陽亭,何、徐有, 永初郡國、何志並屬雍州、僑寄魏

何不注陽亭置立。領縣六。

上洛令,前漢屬弘農,後漢屬京兆。 何云魏立,非也

商縣令,上洛同。

流民令,何不注置立。

豐陽長、「雪」永初郡國無,何作酆陽,新立。徐作豐。

渠陽令、永初郡國、何、徐並作担陽。

義縣令、永初郡國、何、徐並無。

北上洛太守,徐志巴民新立。[吾] 領縣七。 戶二百五十四。

北上洛令。

豐陽令。〔至〕

|陽亭令。

拒陽令,「拒」字與南上洛不同。

商縣令,徐志無。

西豐陽今、「丟」徐志無。

安康太守,宋末分魏興之安康縣及晉昌之寧都縣立。

安康令,二漢安陽縣,屬漢中,漢末省。

魏復立,屬魏興。

晉武帝太康元年更名。

何云魏立、非也。

寧都令,蜀郡流民。

志

南宕渠太守,永初郡國有宕渠郡,領宕渠、漢興、宣漢三縣,屬梁州,元嘉十六年,度屬

盆州 ,非此南宕渠也。 何、徐梁並無此郡,疑是徐志後所立

岩渠令。

漢安令。

宣漢令。

宋康令。三縣並新置。

懷漢太守,孝武孝建二年立。「冊」領縣三。 戶四百十九。

永豐長。

終來長。[景]

預德長。

秦州刺史,晉武帝泰始五年,分隴右五郡及涼州金城、梁州陰平幷七郡爲秦州,治天水

南鄭。 冀縣。 領郡十四,縣四十二。戶八千七百三十二,口四萬八百八十八。 太康三年併雍州,惠帝元康七年復立。 何志晉孝武復立,寄治襄陽。 安帝世在漢中

武都太守, 漢武帝元鼎六年立。 永初郡國又有河池、故道縣。並漢舊縣。 今領縣三。戶

一千二百七十四,口六千一百四十。

下辨令,漢舊縣。

上祿令,漢舊縣,後省,晉武帝太康三年又立。

陳倉令,漢舊縣,屬扶風,晉太康地志屬秦國

(2) 國有淸水縣,別見。何、徐無。領縣三。戶一千三百五十九,口五千六百五十七。 略陽太守,晉太康地志屬天水。至河何志故曰漢陽,魏分立曰廣魏,武帝更名。

永初郡

略陽令,前漢屬天水,後漢漢陽即天水,晉太康地志屬略陽。 雍州南天水、益州安

固郡又有此縣。

臨漢令,何志新立。

上邽令,前漢屬隴西,後漢屬漢陽,晉太康地志屬天水。 何志流寓割配。

安固太守,永初郡國志有安固郡,又有南安固郡,元嘉十六年度益州。 今領縣二。 戶

千五百五,口二千四十四。

桓陵令。別見。

南桓陵令,永初郡國及何志安固郡唯領桓陵一縣,徐志又有此縣。

西京兆太守,晉末三輔流民出漢中僑立。 領縣三。 戶六百九十三,口四千五百五十

志第二十七 州郡三

\_\_\_

藍田令,別見。永初郡國志無。

杜令。別見。

鄠令,二漢屬扶風,晉太康地志屬始平。

南太原太守,太原別見。何志云,故屬幷州,流寓割配。永初郡國又有淸河、別見。高堂縣。

別見冀州平原郡、「KO」作高唐。領縣一。戶二百三十三,口一千一百五十六。

平陶令,漢舊名。

南安太守,何志云故屬天水,魏分立。 水初郡國無。 領縣二。戶六百二十,口三千八

十九。

桓道令,漢舊名,屬天水,後漢屬漢陽,作「獂」。

中陶令,何志魏立。晉太康地志有。

**馮翊太守,三輔流民出漢中,** 文帝元嘉二年僑立。 領縣五。戶一千四百九十,口六千

八百五十四。

蓮芍令。別見。

頻陽令,漢舊名。

下辨令,徐志故屬略陽,流寓割配。 何無此 縣。

高陸 令,二漢魏無,晉太康地志有,屬京兆。 何志流寓割配。

萬年令。 別見。

戶一 千五百六十一,口七千五百三十。 隴 西太守,秦立。文帝元嘉初,關中民三千二百三十六戶歸化,六年立。 今領縣六。

襄武令,漢舊名。

臨洮令,漢舊名。

河關令,前漢屬金城,後漢、晉太康地志屬隴西。

狄道令,漢舊名。

大夏令,漢舊名,晉太康地志無。

首陽令。「於」

<u>始平太守,別見。永初郡國無。領縣三。戶八百五十九,口五千四百四十一</u> 始平令,太康地志有,何志晉武帝立,而雍州始平郡之始平縣何云魏立。

٥

按此縣

末雖各立,本是一縣,何爲不同?

槐里 令。 別見。

志 第二十 七 州 郡  $\equiv$ 

三十七

宋熙令,何無,徐新立。

金城太守,漢昭帝始元六年立。 | 永初郡國無,何、徐領縣二。戶三百七十五,口一千。

金城令,漢舊名。

楡中令,漢舊名。

安定太守,漢武帝元鼎三年立。 永初郡國志無。 領縣二。 戶六百四十,口二千五百

十八。

朝那令,漢舊名。

宋興令,何志新立。

天水太守,漢武元鼎三年立,明帝改曰漢陽。 雍州已有此郡。云三 永初郡國無。

領縣

。戶八百九十三,口五千二百二十八。

阿陽令,漢舊名,晉太康地志無。

新陽令、「然三一晉太康地志有,何志魏立。

西扶風太守,扶風郡別見。 晉末三輔流民出漢中僑立。 領縣二。 戶百四十四。

郿令。別見。

武功令。別見。

北扶風太守,孝武孝建二年,以秦、雍流民立。 領縣三。時又有廣長郡,又立成階縣,

領氐民,尋省。

武功令。 別見。

華陰令。 別見。

始平縣。[台]別見。

## 校勘記

(一) 王忱還江陵 「王忱」各本並作「王說」,據南齊書州郡志改。 洪頤煊諸史考異云:「王說是王忱

晉書忱傳、太元中、出爲荆州刺史。」

江夏武 陵屬郢州 「武陵」各本並作「武陽」,孫彪宋書考論云:「武陽當是武陵。」 按孫說是,今

改正。

南郡太守秦立漢高帝元年爲臨江國景帝中二年復故 下云:「秦置,高帝元年,更爲臨江郡,五 「漢高帝」各本作「漢文帝」,「中二年」各

本作「中元年」、並據漢書地理志改。 年,復故。 景帝二年(當作七年),復爲臨江,中二年復故。」、宋志略去高帝五年省臨江國 漢書地理志南郡 復置

景帝七年復爲臨江國一節,「高帝」又譌「文帝」,「中二年」又譌「中元年」。 漢書高帝紀,

志

第

+

七

校 勘

記

南郡。

元年以懷王柱國共敖爲臨江王, 則宋志作臨江國是, 漢志作臨江郡者誤。景帝七年復爲臨江

國 二 以 廢太子榮爲臨江王,至中二年榮自殺,國除

南安令晉武帝分江安立 「南安」各本並作「安南」, 據成孺宋書州郡志校勘記說 乙正。 按水經

油水注:「晉太康元年,分孱陵立南安縣。」

珂. 平紀元僅四年,六年疑有誤。 初平元年 「元年」各本並作「六年」,據晉書地理志改。 晉志益州下云、獻帝初平元年、劉璋分巴郡立永寧郡。 成孺朱書州郡志校勘記云:「案獻帝初

知『六』爲

『元』字之誤,當據正。」

<del>√</del> 劉璋改永寧為巴東郡 廿二史考異云:據華陽國志, 建安六年,乃改固陵爲巴東。若永寧之

分,雖與固陵同時,其後改稱巴西,與巴東不相涉。」

南浦令劉禪建興八年十月益州牧閻宇表改羊渠立

華陽國志:「南浦縣,晉初置。」

レポン

ヘヘノ 漢豐令何志不注置立 華陽國志:「漢豐縣,建安二十一年置。」

へたし 汶陽太守何志新立 廿二史考異云:「據南齊書蠻傳,汶陽本臨沮西界二百里。桓溫時割以爲

郡。 然則汶陽郡晉時已有之,何承天以爲新立者,非也。」

魏世分河東爲平陽郡晉末省爲縣 諱乃改,與河東郡之平陽逈別,沈志合以爲一,非是。」 洪亮吉東晉疆域志云:「平陽本平春,晉太元中,避鄭太后

- 汾 臨汾後屬平陽 ,今據乙正。」按成校是,今訂正。 「平陽」各本並作「陽平」。 成孺宋書州郡志校勘記云:「按晉志, 司州平陽郡臨
- 縣矣。 丽 無歸鄉縣何志所言非也 何志所言不誣,沈非之,誤也。」 洪亮吉東晉疆域志云: 「考晉書劉弘傳有仇勃爲歸鄉令」 是晉有此
- 後省綏安 「綏安」各本並作「經安」。 巴陵郡下云、明帝泰始四年,以綏安縣併州陵,即此縣。今

改正

- 元年 又有安陸曲陵曲後別郡 ·, 別 爲安陸郡。「曲後爲郡」或是「後別爲郡」之誤。 「曲後別郡」四字費解。 按安陸、曲陵二縣, 曾屬江夏郡,孝武帝孝建
- 二吾 求分安陸 東界為 此縣 「安陸」各本並作「安陵」,據洪亮吉東晉疆域志改。 孫彪宋書考論亦云

「陵當作陸。」

- **法** 霄城侯相 梁書范雲傳、隋書地理志並作「霄城」。今改作「霄城 「霄城」各本並作「宵城」, 魯爽傳、水經沔水注亦作「宵城」。 趙倫之傳、南齊書州郡
- 二古 前漢 志 例推之、『立』字符、前漢下脫『曰索』二字。」 立 成孺宋書州郡志校勘記云:漢志、武陵郡索。 續志,武陵郡,故索,陽嘉三年更名。 據
- 孝武 志 第 孝 建 十 元年割 校 南郡之監 勘 記 利州陵度江夏 成孺宋書州郡志校勘記云: 「案監利、 州陵

歷

代未隸 江夏郡。 考本志郢州刺史下云, 孝武孝建元年,又以南郡之州陵、監利二縣度屬巴陵,

立郢州。 據此,則江夏二字當爲巴陵之譌。」

魏文帝黃初二年孫 權改鄂爲武昌 「黄初二年」各本並作「黄初三年」, 據三國志吳志吳主

權傳改

省蘄春郡 「省」字下各本並有「爲」字、據成校删。 成孺宋書州郡志校勘記云三晉太康省郡,而

縣改屬弋陽,故晉志弋陽郡有蘄春縣。 『爲』字當衍。」

「十六年」各本並作「十七年」,據文帝紀改。成孺宋書州郡志校勘記云:「文帝紀,

十六年又立

元嘉十六年正月,復分荆州爲湘州。二月,以始興王濬爲刺史。 七當作六。」

汝城令 「汝城」毛本及晉書地理志作「汝成」。 南齊書州郡志、水經耒水注作「汝城」。

武剛令 水經資水注作「武岡」。

分桂陽南部都尉 各本並脫「部」字,據三國志吳志孫皓傳補。 成孺朱書州郡志校勘記

國志孫 ·····傅,甘露元年十一月,以桂陽· 南部爲始興郡。 據此『南』下似脫『部』字。

至 割始興之封陽陽山含洭三縣立宋安郡 「三縣」各本並作 四縣 成孺 宋書州郡志校勘記云:

四當作三。」 按成校是,今改正

泰豫元年復 成孺宋書州郡志校勘記云:「復下所闕、當是『故』字。」

- 全艺 桂陽令 各本並脫「陽」字)據漢志、續漢志、晉書地理志、南齊書州郡志補。 水經深水注:「桂陽
- 縣,本隸 桂陽郡,後割隸始興。」成孺宋書州郡志校勘記云:「桂下誤脫『陽』字,當補
- 陽山侯相漢舊縣 從 縣,又有陰山 應說 而 誤 .縣。 後漢 應劭陽山下云:「今陰山也。」顏師古駁應云:「下自有陰山、應說非也。」沈志亦 日 陰 Ш 惠棟云:「前志亦有陰山縣, 沈說非也。」按前志桂陽郡有 陽山
- 二式 野縣令 其紀 忌。」師古曰:「音其已反。」舊本續漢志譌作「印」。集解引惠棟曰:「前志及本傳皆作邔。 巴國邑此,待考。 <u>黄三澨沱,在南郡即縣北。」南齊書州郡志、晉書地理志並作「即」。或謂「即」字不誤,古漢上之</u> 反。」錢大昕曰:「淄川王終子柱,封郎侯。」說文邑部:「郎,南郡縣也。從邑已聲。」水經:「禹 三朝本、北監本、毛本作「即」。殿本、局本作即。 按前漢志南郡有邔縣。 孟康 章懷音 曰:「音
- 永初郡國及何徐屬新野 是,今改正 「新野」各本並作「新陽」。孫彪宋書考論云:「新陽當作新野。」按孫說
- 後漢爲天水漢陽 孫彪宋書考論云:「當云後漢天水爲漢陽。」
- 永初郡國及何志唯有郿魏昌縣 「郿」各本並作「郡」,據孫虨說改。 孫彪宋書考論云:「『郡』疑

郿』字之譌。」

- 建武 一五年改日 河南尹 各本並脱「十」字,據續漢書郡國志補。續漢書郡國志:「建武十五年,
- 改曰河南尹。」
- 二年更名為河上郡 「二年」各本並作「三年」,據漢書地理志改。
- 呈 今治都 「都」各本並作「郡」,成孺宋書州郡志校勘記據下文正,是,今改正。
- 領縣三疑 成孺宋書州郡志校勘記云:「三下原注『疑』字。馮翊 祇統都、高陸二縣,而乃日領縣
- 寫者誤脫蓮勺歟。」楊守敬云:「按晉志、齊志、魏志馮翊並有蓮勺縣,是知此脫蓮勺一 三,故校者注云疑也。今按南齊志馮翊郡縣三,曰郡,曰蓮勺,曰高陸,疑此志本亦屬縣三,而傳 縣。」按
- 成、楊二家說是。 都縣下,高陸縣上似脫「蓮勺令,漢舊縣,屬馮翊」云云一 條。
- 河陽令別見 「河陽」後天水太守作「阿陽」,疑作阿陽者是。 漢志、續漢志、魏書地形志、水經漾
- 水注並作「阿陽」。 阿陽之作河陽,最早見於此志及南齊書州郡志。其後周書獨孤信傳、隋志、元和志、 顏師古漢書高帝紀注云:「阿陽、天水之縣也。今流俗本或作河陽者 寰宇記並 非。」按
- 作「河陽」。寰宇記且云:「河陽,漢置縣,在河之西北,故曰河陽。」
- 弘農太守漢武帝元鼎四年立 「四年」各本並作「六年」,據漢書地理志改。
- 郡志云:「後爲譙縱所沒。」作「沒」是,今據改。 **譙縱時又沒漢中** 「沒」各本並作「治」。孫虨宋書考論云:「或卽歿、沒字形譌也。」按南齊書州

- 魏武平張魯復漢寧郡爲漢中疑是此前改漢中曰漢寧也 各本並脫「曰漢寧也」之「寧」字,據上
- 補 梁州刺史周瓊表立 Ē 晉書周訪傳曾 孫瓊附傳,瓊代楊亮爲梁州刺史,在孝武世 各本並脫「瓊」字。 孫彪宋書考論云:「按時梁州刺史周瓊,脫『瓊』字。」今
- 永初郡國又有苞中懷安二縣 是;殿本、局 史還治漢中之苞中縣,所謂南城也。」是有苞中無苞縣之證。 本作三縣,誤。 「苞」字下各本並衍「縣作」二字,今删去。 又三朝本、 北監本、毛本作二縣 上梁州 刺史下云:「刺
- 領縣十三疑 郡本 校者注云疑 有安樂令 也。 成孺宋書州郡志校勘記云:「領縣十三下,原注疑字。 而傳寫者失之,故縣數不符。」 今案新興太守下云,宋末以晉昌之長樂、安晉、延壽、安樂屬魏興郡。 魏興所隸祇有十二縣,故 疑沈志此
- 鄖鄉 應劭 至于錫穴。 曰:「音陽。」 令本錫縣 經典釋文:「錫字本作錫。」則作錫作錫,魏、晉、南北朝、隋、唐之世,已無定論 「錫」續漢書郡國志、晉書地理志、南齊書州郡志同宋志。 師古曰:「卽春秋所謂錫穴。」 如應劭音,字本作「鍚」。 然左傳文公十一年, 漢書地理志作「錫」。
- 温吾 有上 上廉令 庸 縣屬上庸。」按楊說是,今改正。 「上廉」各本並 作「上庸」。 楊守敬云:「上廉誤作上庸。 晉志、南齊志並有上廉縣。

别

- 按魏所 據上庸太守序云、魏明帝太和二年、分新城之上庸、武陵、北巫爲上庸郡、 分新城之北巫應卽是此縣 各本並脫「北」字,據成校補。 成孺朱書州郡志校勘記云: 知此『巫』上脫『北』
- 〇七 孝武太元十五年梁州刺史周瓊表立 字。」 武世、代楊亮爲梁州刺史。 傳,西晉末爲鎭東將軍、都督揚州諸軍事,未嘗爲梁州刺史。 知周馥爲周瓊之誤,今改正。 「周瓊」各本並作「周馥」。按周馥見晉書周浚傳從弟馥附 周瓊見晉書周訪傳會孫瓊附傳,孝
- 永初郡國何並無 此不當更出「徐」字、孫說是、今删去。 「何」下各本並有「徐」字,孫彪宋書考論云:「徐字疑衍。」按上云徐志新立,
- 巴郡領縣三、新巴、晉城、晉安。疑宋志亦作新巴,寫者涉下晉安,遂譌爲新安耳。」 新巴令 「新巴」各本並作「新安」,據南齊書州郡志改。成孺朱書州郡志校勘記云:「南齊志新
- }論 何徐並領縣四今六疑 :「南齊志七縣,有漢昌、宋壽,此蓋闕漢昌。」 按「今六」下注疑字,本志北巴西祇有五縣,故校者注云疑。孫彪宋書考
- 名宙底 宙」「甸 」形似而譌。 「宙底」漢書地理志廣漢郡、續漢 然永初 ·森·郡國作「胄旨」,「胄」與「宙」音近,又似朱志作「宙底」者或有所本。 書郡國志廣漢屬國都尉、華陽國志陰平郡作 「甸底」。
- (至) 興樂令 「興樂」南齊書州郡志作「興平」。

呈 豐陽長 「豐陽」各本並作「農陽」。 成儒宋書州郡志校勘記云:「疑農卽豐字形近之譌。」按成校

是,此縣南齊書州郡志作北豐陽,可 證「農陽」是豐陽 之譌。 今改正

(語) 徐志巴民新立 各本並脫「民」字, 據成校補。 成孺宋書州郡志校勘記云:「南上洛引徐志云巴

民新立,則此新立上亦當有民字。」

「垂」 豐陽令 「豐陽」各本並作「農陽」,據南齊書州郡志改。 南齊志北上洛郡有豐陽 縣。

(異な) 西豐陽令 各本並脫「陽」字,據南齊書州郡志補。 成孺宋書州郡志校勘記 云:「北上洛、南上洛

已有豐陽,故此冠以西。疑宋志本亦作西豐陽。」

金艺 懷漢太守孝武孝建二年立 宋書孝武帝紀:「大明元年三月, 梁州獠求內屬,立懷漢郡。」此云

孝建二年立,未知孰是。

〔云〕 綏來長 「綏來」南齊書州郡志作「綏成」。

至立 略陽 太守晉太康地 志 屬 天 水 成孺 宋書州郡志校勘記 云 「略陽、天水各自爲郡,略陽太守何

得屬天水邪?疑太康地志下脫『故』字。」

別見冀 唐 漢屬 州 青州 平原 一晉、宋屬冀州。 郡 冀 州」各本 此當 並作「靑州」,據成校改。 是指 本志言之,青當作冀。 成孺宋書州郡志校勘記云: 青州無高唐也。 平原郡高

[KI] 首陽令 各本並脫「令」字,據志例補。

志

第

+

七

校

勘

記

一一六八

会 雍州已有此郡 「郡」各本並作「縣」。孫彪宋書考論云:「縣當作郡。」按孫說是,今改正。

完 新陽令 各本並脫「陽」字)據晉書地理志、南齊書州郡志補。 成孺朱書州郡志校勘記云:「晉

志、南齊志天水郡並有新陽、無新縣。疑『新』下脫『陽』字。」

一 始平縣 「縣」字據志例當作「令」字。

## 宋書卷三十八

## 志第二十八

## 州郡四

益州 寧州 廣州 交州 越州

益州刺史,漢武帝分梁州立,所治別見梁州,領郡二十九,縣一百二十八。戶五萬三千

百四十一,口二十四萬八千二百九十三。去京都水九千九百七十。

晉武帝太康中,改曰成都國,後復舊。領縣五。戶一萬一千九百二,

口六萬八百七十六。

蜀郡太守,秦立。

成都令,漢舊縣。

郭令,漢舊縣。

繁縣令,漢舊縣。

- - 七〇

**鞞縣令,二漢、晉太康地志並曰牛鞞,屬犍爲,何志晉穆帝度此。** 

永昌令,孝建二年,以僑戶立。

七千一百四十九。去州陸六百。 廣漢太守,漢高帝六年立。 晉太康地志屬梁州。 去京都水九千九百 領縣六。 戶四千五百八十六,口二萬

維縣令,漢舊縣。

妻縣令,漢舊縣。

新都令,漢舊縣,晉武帝爲王國,太康六年省爲縣,屬廣漢。

陽泉令,蜀分綿竹立。

巴西太守,譙周巴記,建安六年,劉璋分巴郡墊江以上爲巴西郡。 伍城令,晉武帝咸寧四年立,太康六年省,七年又立。 何志劉氏立。 徐志本南陽冠軍流

民,寓入蜀漢,晉武帝立。非也。本屬梁州,文帝元嘉十六年度。 **領縣九。戶四千九百五十四,口三萬三千三百四十六。** 何志梁、益二州無此郡。

閬中令,漢舊縣,屬巴郡。

西充國令,漢書地理志,巴郡有充國縣。 續漢郡國志,和帝永元二年,分閬中立充

國縣。 二志不同。 晉太康地志有西南二充國,屬巴西。

南充國令,譙周巴記,初平四年,日分充國爲南充國。

安漢令,舊縣,屬巴郡。三

漢昌令,和帝永元中立。

晉興令,徐志不注置立。

平州令,晉武帝太康元年,以野民歸化立。

懷歸令,徐志不注置立。

益昌令,徐志不注置立。

又有漢德、新興、徐同。徐云、新興、義熙九年立、漢德、舊縣。案二漢並無漢德縣、晉太 梓潼太守,晉太康地志劉氏分廣漢立。 本屬梁州,文帝元嘉十六年,度益州。 永初郡

康地志、汪隱並有,疑是劉氏所立。何益、梁二州無此郡。領縣四。戶三千三十四,口二萬 {國

一千九百七十六。

**涪令,漢舊縣,屬廣漢。** 

梓潼令,漢舊縣,屬廣漢。

西浦令、徐志義熙九年立。

萬安令,徐志舊縣。 二漢晉並無。

巴郡太守,秦立。領縣四。戶三千七百三十四,口一萬三千一百八十三。 去州內水一

千八百,陸五百, 三 外水二千二百。去京都水六千。

江州令,漢舊縣。

臨江令,漢舊縣。

墊江令,漢舊縣,獻帝建安六年度巴西,劉禪建興十五年復舊。

枳令,漢舊縣。

逐寧太守,永初郡國有,何無,徐云舊立。

領縣四。戶三千三百二十。

巴興令,徐志不注置立,疑是李氏所立。

德陽令,前漢無,後漢、晉太康地志屬廣漢。

晉興令,徐志不注置立。

廣漢令,漢舊縣,屬廣漢。

寧蜀郡復有此縣,未知孰是。

江陽太守,劉璋分犍爲立。 中失本土,寄治武陽。 領縣四。戶一千五百二十五,口八

千二十七。

江陽令,漢舊縣,屬犍爲。

縣水令。別見。

漢安令。別見。

常安令,晉孝武立。

千三百一十五,口五千九百五十。 懷寧太守,秦、雍流民,晉安帝立。本屬南秦,文帝元嘉十六年度益州。 寄治成都。

領縣三。戶一

始平令。四別見。

西平令,永初郡國直云西。何志故屬天水,名西縣。

萬年令,漢舊名,屬馮翊。

寧蜀太守, 永初郡國 有而何無,徐云舊立。 永初郡國及徐並有西墊江縣,今無。 領縣

四。戶一千六百四十三。

廣漢令,別見。遂寧郡復有此縣。

廣都令,漢舊縣,屬蜀郡。

升遷令,晉太康地志屬汶山。

西鄉令,本名南鄉,屬漢中,晉武太康三年更名。

越嶲太守,漢武帝元鼎六年立,故邛都國。 何志無。 領縣八。 戶一千三百四十九。

卷 Ξ

邛都令,漢舊縣。

新興令、永初郡國有。

臺登長,漢舊縣。

晉興長,永初郡國有。

會無長,漢舊縣。

卑水長,漢舊縣。

定作長,漢舊縣。

蘇利長,漢縣曰蘇示,□曰蘇利。

百七、口六千一百五。去州陸一百。去京都水一萬。

汶山太守,晉太康地志漢武帝立,孝宣地節三年合蜀郡,劉氏又立。領縣二。戶一千

都安侯相,蜀立。

晏官令,何志魏平蜀立。 晉太康地志無。

南陰平太守陰平郡別見。 永嘉流寓來屬,寄治萇陽。 領縣二。戶一千二百四十, 口七千

五百九十七。

陰平令。別見。

一七四

## 縣竹令,漢舊縣,屬廣漢。

犍爲 太守,漢武帝建元六年,開夜郎國立。 領縣五。戶一千三百九十,口四千五十七。

去州陸九十。去京都水一萬。

武陽令,漢舊縣。

南安令,漢舊縣。

資中令,漢舊縣。

僰道令,漢舊縣。

治官令,晉安帝義熙十年立。

始康太守,關隴流民,晉安帝立。 領縣四。 戶一千六十三,口四千二百二十六。 寄治

成都。

始康令,晉安帝立。

新城子相,晉安帝立。

談合,晉安帝立。

晉豐令,晉安帝立。

晉熙太守,秦州流民,晉安帝立。 領縣二。戶七百八十五,口三千九百二十五

晉熙令,晉安帝立。

**莨陽令,晉安帝立。** 

百六十。去州陸一百二十。去京都水一萬。一百六十。去州陸一百二十。去京都水一萬。

領縣五。

戶一千二百七十二,口四千九

江原男相,漢舊縣,屬蜀郡。

臨邛令,漢舊縣,屬蜀郡。

晉樂令,何志故屬沈黎。 晉太康地志無沈黎郡及晉樂縣。

徙陽令,前漢徙縣屬蜀郡,後漢屬蜀郡屬國都尉。晉太康地志有徙陽縣,屬漢嘉

漢嘉令,前漢青衣縣屬蜀郡,順帝陽嘉二年更名。 劉氏立爲漢嘉郡,晉江右猶爲

郡,江左省爲縣。

宋寧太守,文帝元嘉十年,免吳營僑立。 領縣三。戶一千三十六,口八千三百四十二。

寄治成都。

欣平令,與郡俱立。

宜昌令,與郡俱立。

永安令,與郡俱立。

年度益州。 安固太守,張氏於涼州立。 領縣六。戶一千一百二十,口六千五百五十七。去州 晉哀帝時,民流入蜀,僑立此郡。 一百三十。去京都水一 本屬南秦,文帝元嘉十六 一萬。

略陽令。別見。

桓陵令,張氏立。

臨渭令,晉太康地志屬略陽。

清水令。別見。

下邽令,何志漢舊縣。案二漢、晉並無此縣。

興固令,何志新立。

武 大明三年立。 南 漢中太守,晉地記,孝武太元十五年,梁州 起居注,本屬梁州,元嘉十六年度。 刺史周瓊表立。 永初郡國屬梁州,領 徐志, 北漢中民流 縣 與 此 同。 寓,孝 以{泳

初那 五。 戶一千八十四,口五千二百四十六。 或 及起居檢,則是太元所立,而何志無此郡,當是永初以後省,大明三年復立 也。 領縣

南長樂令,徐志與郡俱立。

南鄭令,徐志與郡俱立。

南苞中令,徐志與郡俱立。

南沔陽令,徐志與郡俱立。

南城固令,徐志與郡俱立。

領縣四。戶一千五十三,口六千七百六十四。

北陰平太守,徐志本屬秦州,文帝元嘉二十六年度。

| 永初郡國、何志,秦、梁、益並無。

陰平令。已見。

南陽令,徐志本南陽白民流寓立。

桓陵令,徐志本安固郡民流寓立。

順陽令,徐志本南陽民流寓立。

武都太守,別見。永初郡國、何志益州並無此郡。 徐志本屬秦州,流寓立。 領縣五。 戶

武都令,漢舊名。

九百八十二,口四千四百一。

下辯令。別見。

漢陽令,漢舊名。

略陽令,漢屬略陽郡,流寓配。

安定令,舊安定郡,流寓配。

新 城太守,何志新分廣漢立。 領縣二。 戶七百五十三, 口五千九百七十一。 去州闕。

去京都九千五百三十。

北五城令,何志新分五城立。

懷歸令,何志新立。

南新巴太守,新巴郡別見。 起居注新巴民流寓,文帝元嘉十二年,於劍南立。 何志新立,

新巴民先屬梁州,旣立割配。領縣六。戶一千七十,口二千六百八十三。

新巴令,何志晉安帝立。

晉城令,何志晉安帝立。

晉安令,何志晉安帝立。

漢昌令,何志晉安帝立。

桓陵令,何志晉哀帝立。 此郡,而云此諸縣晉哀帝、安帝立,不詳。 按起居注,南新巴,元嘉十二年立。 何云新立,則非先有

**綏歸令,何無此。除有,不注置立。** 

十七,口一千九百四十三。 南晉壽太守,梁州元有晉壽,文帝元嘉十二年,於劍南以僑流立。 去州 百二十。 去京都水一 萬。 領縣五。 戶一千五

畵 卷 Ξ + 八

晉壽 令。 別見。

興安令。 別見。

興樂令,二漢、魏無。 晉太康地記云:「元年更名。 本日白馬,屬汶山。」何志,漢舊

縣。 檢一 一漢盆部無白馬縣。

邵歡令。 別見。

白馬令。至別見。

宋興太守,文帝元嘉十年,免建平營立。 領南陵、建昌二縣。 何志無復南陵,有南漢、

建忠。 徐無建忠,有永川。 何云建忠新立。領縣三。 戶四百九十六,口一千九百四十三。

寄治成都。

南漢令,何志晉穆帝立。 故屬漢中,流寓來配。

建昌令,何志新立。云

永川令,徐志新立。

有宕渠郡,領縣三,與此同,而無「南」字。 南宕渠太守,徐志本南中民,蜀立。 起居注,本屬梁州,元嘉十六年度。 何同。 若此郡元嘉十六年度益,則何志應在益 永初郡國 梁州

部,不詳。 領縣三。 戶五百四,口三千一百二十七。

宕渠令,二漢、晉太康地志屬巴郡

漢興令,二漢、魏無,晉地志有,屬興古郡。

宣漢令,前漢無,後漢屬巴郡,晉太康地志 無。

|天水太守,別見。永初郡國、|何志|益州無此郡。 徐志與今同。 領縣三。

戶四百六十一

宋興令,徐志不注置立。

上邽令。 別見。

西縣長。 別見。

東江陽太守,何志晉安帝初,流寓入蜀,今新復舊土爲郡。 領縣二。戶一百四十二,口

七百四十。去州一千五百八十。去京都水八千九十。 漢安令,前漢無,後漢屬犍爲,晉太康地志屬江陽。

縣水令,何志晉孝武立。

六年,云十一年,非也。又二漢、晉並無此郡,永初郡國有,[刊]何無,徐云舊郡。領縣四。 沈黎太守,蜀記云:「漢武元鼎十一年,分蜀西部邛莋爲沈黎郡,十四年罷。」案元鼎至

戶六十五。

城陽令,徐不注置立。

蘭令,漢舊縣,屬越嶲,作「闌」。 晉太康地志無。

能牛令,前漢屬蜀郡,後漢屬蜀郡屬國都尉,晉太康地志屬漢嘉。

萬二百五十三。去京都一萬三千三百。 郎、朱提、越嶲四郡爲安州、尋罷幷寧州。 省,立南夷校尉。 寧州刺史,晉武帝泰始七年分益州南中之建寧、興古、雲南、永昌四郡立。 惠帝太安二年復立,增料柯、越嶲、朱提三郡。成帝咸康四年,分料柯、夜 越巂後還益州。〔八〕今領郡十五,縣八十一。戶一 太康三年

建寧太守,漢益州郡滇王國,劉氏更名。 領縣十三。戶二千五百六十二。

味縣令,漢舊縣。

同樂令,晉武帝立。

談稾令,漢舊縣,屬牂柯。 晉武帝立。

牧麻令,漢舊縣,作牧靡。〔五〕

漏江令,漢舊縣,屬鲜牱。 晉武帝立。

同 昆澤長,漢舊縣 瀬長,漢舊縣。 「同」作「銅」。

新定長,晉太康地志有。

存鰛□,晉太康地志有。

同並長,漢舊縣,前漢作同並,屬牂柯。 晉武帝咸寧五年省,哀帝復立。

萬安長,江左立。

毋單長,漢舊縣,屬洋柯,晉太康地志屬建寧。

新興長,江左立。

百三十七。去州七百三十。去京都水一萬三千七百。

晉寧太守,晉惠帝太安二年,分建寧西七縣爲益州郡,[10]晉懷帝更名。

領縣七。

戶六

連然令,漢舊縣,屬益州郡,晉太康地志屬建寧。建伶令,漢舊縣,屬益州郡,晉太康地志屬建寧。

<u>滇</u>池令,漢舊縣,屬<u>益州郡,晉太康地志屬建寧。</u>

製昌長,漢舊縣,屬益州郡,晉太康地志屬建寧。

秦臧長,漢舊縣,屬益州郡,晉太康地志屬建寧。

雙相長,漢舊縣,屬益州郡,晉太康地志屬建寧。

**鲜**轲太守, 漢武帝元鼎六年立。 領縣六。戶一千九百七十。去州一千五百。 去京都

水一 萬二千。

萬壽令,晉武帝立。

故且蘭令、自己漢舊縣云故且蘭、晉太康地志無。

毋斂令,漢舊縣。

晉樂令,江左立。

丹南長,江左立。

新寧長,何、徐不注置立。

改。 領縣二。戶二百四十五。去京都水一萬三千。 平蠻太守,晉懷帝永嘉五年,寧州刺史王遜分牂轲、朱提、建寧立平夷郡,後避桓溫諱

平蠻令,漢舊縣,屬牂牁。 故名平夷。

**鄨**令,漢舊縣,屬伴轲。

十八。去州一千。 夜郎太守,晉懷帝永嘉五年,寧州刺史王遜分牂轲、朱提、建寧立。 去京都水一萬四千。 領縣四。 戶二百八

夜郎令,漢舊縣,屬牂轲。

八四

廣談長,晉太康地志屬牂柯。

談樂長,江左立。

談栢令、三三漢舊縣、屬洋阿。

朱提太守, 劉氏分犍爲立。領縣五。 戶一千一十。 去州七百二十。去京都水一萬四

千六百。

朱提令,前漢屬犍為,後漢屬犍爲屬國都尉。

堂狼令,前漢屬犍爲,「狼」作「琅」。後漢、晉太康地志屬朱提。[18]

臨利長,江左立。

漢陽長,前漢屬犍爲,後漢無,曰吾者太康地志屬朱提。

南秦長,本名南昌,晉武帝太康元年更名。

南廣太守, 晉懷帝分朱提立。 領縣四。 戶四百四十。 去州水二千三百。 去京都水一

萬四百。

南廣令,漢舊縣,屬犍爲,晉太康地志屬朱提。

新興令,何志不注置立。

晉昌令,江左立。

志第二十八一州郡四

常遷長,江左立。

建都太守,晉成帝分建寧立。 領縣六。戶一百七。去州二千。 去京都水一萬五十。

新安令,晉成帝立。

經雲令、江西南成帝立。

永豐令,晉成帝立。

臨江令,晉成帝立。

麻應長、江門晉成帝立。

遂安長,晉成帝立。

初郡國、何志並有西寧縣,何云晉成帝立,今無。領縣五。戶一百七十六。去州二千三百。 西平太守,晉懷帝永嘉五年,寧州刺史王遜分興古之東立。何志晉成帝立,非也。永

去京都水一萬五千三百。

西平令,何志晉成帝立。

溫江令,何志晉成帝立。

都陽令,何志晉成帝立。 晉綏長,何志晉成帝立。 案晉起居注, 太康二年置興古之都唐縣。 疑是。

義成長,何志晉成帝立。案此五縣應與郡俱立。

西 河 陽太守、日日晉成帝分河陽立。 領縣三。戶三百六十九。 去州二千五百。 去京都

水一萬五千五百。

**芘蘇令,前漢屬益州郡,後漢、晉太康地志屬永昌。** 「芘」作「比」。

成昌令,晉成帝立。

建安長,晉成帝立。

東河陽太守,晉懷帝永嘉五年,寧州刺史王遜分永昌、雲南立。 永初郡國又有西阿,領

機檢、遂段、新豐三縣,□□ 何、徐無。遂段、新豐三縣,□漢、晉並無。 領縣 一。 戶一百五十一。

州二千。去京都水一萬五千。

東河陽令,何不注置立,疑與郡俱立。

機檢長,前漢屬益州郡,後漢屬永昌,晉太康地志屬雲南。 前漢「楪」作「葉」。

雲南太守,晉太康地志云,故屬永昌。何志劉氏分建寧、永昌立。領縣五。疑曰己戶三

百八十一。去州一千五百。去京都水一萬四千五百。

雲南令,前漢屬益州郡,後漢屬永昌,晉太康地志屬雲南。

雲平長,晉武帝咸寧五年立。

東古復長,漢屬越巂, 晉太康地志屬雲南, 並云姑復。 永初郡國 、何並云東古復。

何不注置立。

西古復長,永初郡國有。 何不注置立。

興寧太守, 晉成帝分雲南立。領縣二。戶七百五十三。 去州一千五百。 去京都水一

萬四千五百。

**梇棟令,**[三]漢舊縣,屬<u>益州,晉太康地志屬雲南</u>。

青蛉令,漢舊縣,屬越嶲,晉太康地志屬雲南。

領縣六。戶三百八十六。去州二千三百。 興古太守,漢舊郡,晉太康地志故牂轲。 去京都水一萬六千。

何志劉氏分建寧、祥牱立,則是後漢末省也。

漏臥令,漢舊縣,屬洋牱。

宛暖令,漢舊,三三屬洋柯。 本名宛溫,爲桓溫改。

律高令,漢舊縣,屬益州郡,後省。 流民復立律高縣。 脩雲、兪元二縣,二漢無 晉武帝咸寧元年,分建寧郡脩雲、兪元二縣間

西安令、气言江左立

句町令,漢舊縣,屬牂轲。

南興長,江左立。

梁水太守, 晉成帝分興古立。 領縣七。 戶四百三十一。去州水三千。 去京都水一萬

六千。

梁水令,與郡俱立。

騰休長,行國漢舊縣,屬益州郡,晉太康地志屬興古,何志故屬建寧,晉武帝徙興古

治之,遂以屬焉。

西隋令,漢舊縣,屬牂牁,晉太康地志屬興古。 並作「隨」。

毋棳令, CED 漢舊縣, 屬益州郡, 晉太康地志屬興古。 劉氏改曰西豐,晉武帝泰始

五年,復爲毋棳。

新豐長,何志不注置立。

建安長,何志不注置立。

鐔封長,漢舊縣,屬牂柯,晉太康地志屬興古。

百二十六,口二十萬六千六百九十四。去京都水五千二百。 廣州刺史,吳孫休永安七年,分交州立。 領郡十七,至以縣一百三十六。戶四萬九千七

南海 太守,秦立。 秦敗,尉他王此地,至漢武帝元鼎六年,開屬交州。 領縣十。 戶八千

五百七十四,口四萬九千一百五十七。

番禺男相,漢舊縣。

熙安子相,文帝立。

增城令,前漢無,後漢有。

博羅 男相,漢舊縣。 二漢皆作「傅」字、「計」晉太康地志作「博」。

酉平令,永初郡國有。

龍川令,舊縣。曰曰

懷化令,晉安帝立。

綏寧男相,文帝立。

高要子相,漢舊縣,屬蒼梧,文帝廢。

始昌令,文帝立。

縣。 蒼梧太守,漢武帝元鼎六年立。 建陵、寧新,吳立。都羅,晉武分建陵立。晉武帝太康元年,改新寧曰寧新。 永初郡國又有高要、建陵、寧新 都羅 端溪、 端溪、別見。 撫寧六

撫寧始見永初郡國。

高要何志無,餘與永初郡國同。

徐志無建陵、寧新、撫寧三縣。

何、徐

九〇

五百九十三,口萬一千七百五十三。 志 並 有懷熙一縣。 思安、封興、蕩康、僑寧四縣,疑是宋末度此也。 去州水八百。 去京都水五千五百九十。 今領縣十一。 戶六千

廣信令,漢舊縣。

猛陵令,漢舊縣。

懷熙令,文帝立。

思安令,永初郡國有,及何志並屬晉康,徐志度此。

封興令,永初郡國有,及何志並屬晉康,徐志度此。

蕩康令,永初郡國有,及何志並屬晉康,徐志度此。

遂成令, Clad 永初郡國有。 僑寧令, 永初郡國有, 及何志並屬晉康, 徐志度此

丁留令,晉武帝太康七年,以蒼梧蠻夷賓服立,□作「丁溜」。 溜音留

廣陵令、永初郡國有。

武化令、徐志以前無、疑是宋末所立。

縣,「同己當是晉末立,元嘉二十年前,以龍鄉併端溪也。 晉康 太守, 晉穆帝永和 七年分蒼梧立, 治元溪。 | 永初郡國又有封興、蕩康、 永初郡國治龍鄉。 何 志 無復龍鄉 思安、遼

志

第

十八八

州郡四

安、開平縣。 何志無遼安、開平二縣,餘與永初郡國同。封興、蕩康、思安、別見。 遼安、開平,

應是晉末立,元嘉二十年前省。今領縣十四。 戶四千五百四十七,口一萬七千七百一十。

去州水五百。去京都水五千八百。

端溪令,漢舊縣,何志屬蒼梧,徐志屬此。

晉化令,何志不注置立,疑是晉末所立。

都城令,何志晉初分建陵立,今無建陵縣。 按太康地志唯有都羅、武城縣。

樂城令,何志無,徐志有。

賓江令,何志無,徐志有。

說城令,何志無,徐志有。

元溪令,晉太康地志屬蒼梧。

夫阮令、永初郡國有。

僑寧令,何志云漢舊縣,檢二漢地理郡國,無。 蒼梧又有僑寧縣。

安遂令,文帝立。

永始令,文帝立。

武定令,文帝立。

文招令,何志無,徐志有二文招,一屬綏建,一屬晉康。

熙寧令,何志無,徐志有。

平興。 志又有熙寧縣,云新立,當是文帝所立。 新寧太守,晉穆帝永和七年,分蒼梧立。 此二縣當是晉末立。平興當是元嘉二十年以前省,永城當是大明八年以後省。 徐志無, 永初郡國有平興、永城縣,何、徐志有永城,無 當是元嘉二十年後省也。今領縣十四。 |何

戶二千六百五十三,口一萬五百一十四。去州水六百二十。去京都水五千六百。

南興令,何志漢舊縣。檢二漢地理郡國、晉太康地志並無。永初郡國有。

新興令,永初郡國有,何志不注置立。

臨允令,漢舊縣,屬合浦,晉太康地志屬蒼梧。

何志,吳度蒼梧。

博林令,永初郡國有,何志不注置立。

甘東令、「三」永初郡國有,何志不注置立。

單牒令,永初郡國有,何志不注置立。

龍潭令,文帝立。

威平令,永初郡國

有,何志不注置立。

平鄉令,文帝立。

城 陽令,文帝立。

威化令,文帝立。

初興令,文帝立。

撫納令,徐志有。

歸順令,徐志有。

永平太守,晉穆帝升平五年,分蒼梧立。永初郡國有雷鄉、盧平、員鄉、逋寧、開城五

鄉當是元嘉二十年以前省。盧平、逋寧、開城當是大明八年以後省。今領縣七。疑曰三月 縣,當是與郡俱立。何、徐志無雷鄉、員鄉,自己又有熙平,云新立,疑是文帝所立。 雷鄉、員

千六百九,口一萬七千二百二。去州水一千二百。去京都水五千四百。

安沂令,永初郡國有,何志不注置立。

蘇平令,永初郡國有,何志不注置立。徐曰藉平。

豐城令,吳立,屬蒼梧。、永初郡國倂安沂,當是宋初倂。何志有,當是元嘉中復立。

歌安令,永初郡國有,何志不注置立。

大寧令,永初郡國有,何志不注置立。

武林令,文帝立。

鬱林太守,秦桂林郡,屬尉他,武帝元鼎六年復,更名。 永初郡國有安遠、 程安、威定、

立。 三縣別見。 何志無中胄、歸化,餘三縣屬桂林,徐志同。 中冑、歸化 五縣。 中青疑卽桂林之中溜。 今領縣十七。戶一千一百二十一,口五千 歸化,二漢、晉太康地志無, 疑是江左所

七百二十七。去州水一千六百。去京都水七千九百。

布山令,漢舊縣。

領方令,漢舊縣,吳改曰臨浦,晉武復舊。

阿林令,漢舊縣。

鬱平令,吳立曰陰平,晉武太康元年更名。

新邑令,吳立。

建初令,永初郡國有,何志不注置立,徐同。

賓平令,永初郡國有,何志不注置立。

新林令,永初郡國有,何志不注置立。 威化令,永初郡國有,何志不注置立。

龍平令,永初郡國有,何志不注置立。

安始令,吳立曰建始,晉武帝太康元年更名。

懷安 令, 何志吳改, 未知先何名。 吳錄地理無懷安縣名, 太康地志無, 永初郡

晉平令,吳立曰長平,晉武帝太康元年更名。

綏寧令,永初郡國併領方,何無徐有。

歸代令、〔言〕徐志有。

中青令,徐志有。

建安令,永初郡國有,何無,徐有。

初郡 國 桂林 有 常安 太守,本縣名,屬鬱林。 、夾陽 二縣。 夾陽,晉武帝太康 吳孫晧鳳皇三年,分鬱林,至三治武熙縣,不知何時徙。 元年分龍岡立。 常安、太康 地志 有而 王隱 無。 永

去京都水六千八百。

何、

徐並無此二縣。

今領縣七。

戶五百五十八, 口二千二百五。

去州水一千五百七十

玉。

中溜令、「是亞漢舊縣,屬鬱林,晉太康地志無。

龍定令,晉武帝太康 元年立桂林之龍 岡、疑是。 永初郡國、何、徐並 云龍定。

武熙令,本日武安,應是吳立,晉武帝太康元年 -更名。 故屬 鬱林

陽平令, 永初郡國、何、徐並有。 何云新置。 按晉武帝太康元年, 立桂林之洋平

安遠令,晉武帝太康六年立,屬鬱林。 永初郡國猶屬鬱林,何、徐屬此。

程安令、永初郡國屬鬱林,何、徐屬此。疑是江左立。

威定令,永初郡國屬鬱林,何、徐屬此。疑是江左立。

時徙。 高涼太守,二漢有高涼縣,屬合浦,漢獻帝建安二十三年、三三吳分立,治思平縣,不知何 吳又立高熙郡,太康中省倂高涼,宋世又經立,尋省。永初郡國高涼又有石門、廣化

領縣七。戶一千四百二十九,口八千一百二十三。去州水一千一百,去京都水六千六百。 長度、宋康四縣。 何、徐並無宋康,當是宋初所立,元嘉二十年以前省,其餘當是江左所立。

思平令,晉太康地志有。

莫陽令,晉太康地志有,屬高興。

平定令,何志有,不注置立。

安寧令,吳立。

羅州令,何志新立。

西鞏令,何志新立。

禽鄉令,何志新立。

新會太守,晉恭帝元熙二年,分南海立。 廣州記云:「永初元年,分新寧立,治盈允。」未

詳孰是。 領縣十二,戶一千七百三十九,口萬五百九。 去州三百五十。

宋元令,永初郡國無,文帝元嘉九年,割南海、新會、新寧三郡界上新民立宋安、新

熙、永昌、始成、招集五縣。二十七年,改宋安爲宋元。

新熙令。

始成令。

招集令。

盆允令,永初郡國故屬南海,何、徐同。

新夷令,吳立曰平夷,晉武帝太康元年更名,故屬南海

封平令、永初郡國云故屬新寧,何云故屬南海,徐同

封樂令,文帝元嘉十二年,以盆允、新夷二縣界歸化民立。

初賓令,何志新立。

義寧令,何志新立。

始康令,何志新立。

領縣六。戶一千三百三十二,口一萬五千六百九十六。去州水三百七十。 東官太守,何志故司鹽都尉,至武晉成帝立爲郡。 廣州記,晉成帝咸和六年,分南海立。 去京都水五千

六百七十。

寶安男相,永初郡國、何、徐並不注置立。

安懷令、「图以永初郡國、何、徐並不注置立。

興寧令,江左立。

海豐男相、永初郡國、何、徐並不注置立。

海安男相,吳曰海寧,晉武改名。 太康地志屬高興。

|欣樂男相,本屬南海,宋末度。

義安太守,晉安帝義熙九年,分東官立。

領縣五。戶一千一百一十九,口五千五百二

十二。去州三千五百。去京都水八千九百。

海陽令,何志晉初立。晉太康地志無。晉地記故屬東官。

海寧令,何志與郡俱立。 一級安令,何志與郡俱立。晉地記故屬東官。 晉地記故屬東官。

潮陽令,何志與郡俱立。 晉地記故屬東官。

義招令,晉安帝義熙九年,以東官五營立。

宋康太守,本高涼西營,文帝元嘉九年立。領縣九。 戶一千五百一十三,口九千一百

三十一。 去州水九百五十。去京都水五千九百七十。

廣化令,晉太康地志有,屬高興,永初郡國屬高涼。

單城令,何志新立。

逐度令,四三何志新立。

化隆令,何志新立。 海隣令,何志新立。

開寧令,何志新立。

綏定令,何志新立。

石門長,何志故屬高涼。

威覃長,徐志有。

縣、三云本屬蒼梧,元嘉十九年改配。 縣,舊屬綏建,中割度臨賀,相去旣遠,疑還綏建。 一般建太守,文帝元嘉十三年立。 孝武孝建元年,有司奏化注、永固、綏南、宋昌、宋泰五 徐志晉康復有此縣,疑誤。今領縣七。疑圖三戶三千 今唯有綏南,餘並無。何、徐又有新招

七百六十四,口一萬四千四百九十一。去州闕

新招令,本四會之官細鄉,元嘉十三年分爲縣。

化蒙令,本四會古蒙鄉,元嘉十三年分爲縣

懷集令,本四會之銀屯鄉,元嘉十三年分爲縣。

四會男相,漢舊縣,屬南海。

化穆令,何志新立。

綏南令,永初郡國、徐並無。

四千七十四。去州水六百五十。 海昌太守,文帝元嘉十六年立。 去京都水五千四百九十四。 何有覃化縣,徐無。 領縣五。戶一千七百二十四,口

寧化令,徐志新立。

威寧令,徐志新立。

|招懷令,徐志新立。

興定令,文帝元嘉九年立,屬新會,後度此

宋熙太守,文帝元嘉十八年,以交州流寓立昌國、義懷、綏寧、新建四縣爲宋熙郡,今無

此 四縣。 二十七年,更名宋隆。 孝武孝建中,復改爲宋熙。 領縣七。戶二千八十四,口六

千四百五十。 去州水三百四十五,去京都水五千二百。

平興令,徐志新立。

初寧令,徐志新立。

建寧令,徐志新立。

招興令,徐志新立。

崇化令,徐志新立。

熙穆令,徐志新立。

崇德令,徐志新立。

寧浦太守,晉太康地志,武帝太康七年改合浦屬國都尉立。 廣州記,漢獻帝建安二十

興道、寧浦三縣。又云晉分平山爲始定,寧浦爲澗陽,未詳孰是。 三年,吳分鬱林立,治巫山縣。 吳錄,孫休永安三年,分合浦立為合浦北部尉,[魯]領平山、 泳初郡國有安廣縣,無始

定縣。何、徐並無此郡。領縣六。

澗陽令,晉武帝太康七年立。永初郡國作「簡陽」。

興道令,晉武帝太康元年,以合浦北部營之連道立。 吳錄有此縣,未詳。

吳安令,吳錄無。

平山令,晉太康地記有。

晉興太守,晉元帝太興元年,分鬱林立。 始定令,晉太康地記有,永初郡 國無。

晉興。

桂林。 熙注。

增郊。

鬱陽。

樂昌郡區

志 第二十八 樂昌令。

州 郡 四

始昌令。

宋元令。

樂山令。

義立令。

安樂令。

蒼梧廣信縣,十六年,「鼠」。徙治南海番禺縣。及分爲廣州, 交州刺史,漢武帝元鼎六年開百越,交趾刺史治龍編。 治番禺,交州還治龍編。領郡 漢獻帝建安八年,改曰交州,治

|交趾太守,漢武帝元鼎六年開。領縣十二。戶四千二百三十三。 龍編令,漢舊縣。

八,同即縣五十三。戶一萬四百五十三。去京都水一萬。

句漏令,漢舊縣。

朱戴令,漢舊縣。

西于令,漢舊縣。 吳興令,吳立。

定安令、區為漢舊縣。

望海令,漢光武建武十九年立。

海平令,吳立日軍平,晉武改名。

武寧令、吳立。

贏力知反婁令,[四]漢舊縣。

曲易音陽令,漢舊縣。

南定令,吳立曰武安,晉武改。何志無。

武平太守,吳孫晧建衡三年討扶嚴夷,以其地立。 領縣六。戶一千四百九十。 去州水

一百一十,陸下闕。〔吾〕

上闕吳錄無,晉太康地志有。

吳定長,吳立。

新道長,江左立。

晉化長,江左立。

九眞太守,漢武元鼎六年立。領縣十二。疑戶二千三百二十八。去州水八百。 去京都

水一萬一百八十。

志第二十八 州郡四

移風 令,漢舊縣。 故名居風,吳更名。

胥浦令,漢舊縣。

松原令,晉武帝分建初立。

高安令,何志晉武帝立。 太康地志無。 吳錄晉分常樂立。

建初令,吳立。

常樂令,吳立。

軍安長,何志晉武帝立。 太康地志無此縣,而交趾有軍平縣。

都龐音龍長,漢舊縣。 武寧令,吳立,何志武帝立。 吳錄有,晉太康地志無。 太康地志無此縣而交趾

有。

寧夷長,何志晉武帝立,太康地志無。

津梧長,晉武帝分移風立。

九德太守,故屬九眞,吳分立。 何志領縣七,今領縣十一 。〔三〕戶八百九。 去州水九百

去京都水一萬九百。

浦陽令,晉武帝分陽遠立。 陽遠,吳立曰陽成,太康二年更名,後省。

九德令,何志吳立。

咸驩令,漢舊縣。

都龐長、「三一何志晉武帝分九德立。

西安長,何志晉武帝立。 太康地志無、吳錄亦無。

南陵長,何志晉武帝立。 太康地志無,王隱有。

越常長,何志吳立,太康地志無。

宋泰令,宋末立。

宋昌令,宋末立。

希平令,宋末立。

去州水二千四百。去京都水一萬六百九十。

日南太守、秦象郡、漢武元鼎六年更名、吳省、晉武帝太康三年復立。

領縣七。

戶四百

西卷今、至漢舊縣作「捲」。

盧容令,漢舊縣。

象林令,漢舊縣。

壽冷令,晉武 太康十年,分西卷立。

朱吾令,漢舊縣。

\_ 十 八 州 郡 四

志

無勞長,晉武分北景立。

北景長、「吾」漢舊縣。

義昌郡,宋末立。

宋平郡,孝武世,分日南立宋平縣,後爲郡。

越州刺史,明帝泰始七年立。

百梁太守,新立。

**隴蘇太守,〔三〕新立。** 

永寧太守,新立。

富昌太守,新立。 安昌太守,新立。

南流太守,新立。

臨漳太守、「長」先屬廣州。

百三十八。去京都水一萬八百。 合浦太守,漢武帝立,孫權黃武七年,更名珠官,孫亮復舊。先屬交州。 領縣七。 戶 九

二三〇八

合浦令,漢舊縣。

徐聞令,故屬朱崖。晉平吳,省朱崖,屬合浦。

朱官長,吳立,「朱」作「珠」。

蕩昌長,晉武分合浦立。

朱盧長,吳立。

晉始長,晉武帝立。

朱壽太守,先屬交州。新安長,江左立。

## 校勘記

譙周巴記初平四年 「初平四年」各本並作「初平六年」,據續漢書郡國志劉昭注引巴記改。 按

初平有四年,無六年。

安漢令舊縣屬巴郡 成孺宋書州郡志校勘記云:「兩漢志巴郡有安漢縣,

字。」

陸五百 張森楷校勘記云「案今重慶至成都,即宋志巴郡至益州也。 實有一千零二十里。

志第二十八 校勘記

刨

『舊』

上當是脫『漢』

由 合州 小路,亦有八百餘里。此云陸五百,疑有誤。」

始平令 「始平」各本並作「治平」,據南齊書州郡志改。 成孺宋書州郡志校勘記云:「治平疑爲

始平之誤。 南齊志正作始平。」

白馬令 成孺宋書州郡志校勘記云:「白馬疑白水之譌。 南齊志梁州晉壽郡、益州南晉壽郡並

有白水。 今本作『白馬』者,涉上文兩白馬而致誤耳。」

**八六** 八六 八 何志新 立 各本並脫「志」字、據成校補。 成孺宋書州郡志校勘記云:「何下當有志字。」

トポン 又二漢晉並無此郡 永初郡國有 按晉書地理志:「李雄分漢嘉、蜀二郡立沈黎、漢原二郡。」是

沈黎郡 李雄所置。 又晉志云:「桓溫滅蜀,省沈黎。」今云永初郡國 有 一蓋宋初復 立。

一 一 尋罷幷 寧州越嶲後還益州 各本並 脫「罷幷寧州」四字,據晉書地理志補

ታጌ 牧麻令漢舊縣作牧靡 今本漢書地理志作收靡。 續漢書郡國志、 水經存水注作牧靡。 華陽國

、新唐書地理志作升麻。 晉書地理志、 南齊書州郡志作牧麻同宋志。 惠棟云:「麻靡古通用

{Щ [海經 有 壽麻之國,呂覽作壽靡是也。」 }志

晉惠帝太安二年分建寧西七縣爲益州郡 「太安二年」各本並作「永安二年」,據晉書地

改。

按惠帝永安

無二年。

愈元長漢舊縣屬益州郡晉太康地志屬建寧 各本並脫「兪元至晉太康地志」十五字。晉寧太守

領 縣七,而下實祇六縣,蓋脫去一縣。 成孺朱書州郡志校勘記云:南齊志晉寧郡有兪元, 疑此

志 所 闕 即愈元 也。 兩漢志 益州郡、晉志建寧郡 並有兪元, 據志例當補 云『兪元長, 漢舊縣, 屬

益 州 郡 一晉太康 ※地志屬 建寧』。」按成校是,今訂正。

故且關令 各本無「故」字、而下條「毋斂令」上有 「故」字。 按兩漢皆有故且蘭, 而無日故毋斂,

今移「毋斂」上「故」字於「且蘭」之上。

談栢 令 -談 栢」南齊書州 郡 志同。 (漢書 {地 理志、續漢書郡國志、華陽國志作「談指」。 晉書 }地 }理

}志 作 指 談」。

後漢晉太康地 志 屬朱提 成孺宋書州郡志校勘記云:「案續漢志無堂狼縣,亦無朱提郡。 疑『後

漢』下 脱『 無。字

二吾 後 漢 無 孫彪宋書考論 云「後漢屬犍爲 國、沈失檢。」

屬

二 經雲 令 經 |雲」南齊書州 {郡 }志 作「綏 雲

二七 麻 應 長 麻 應」 南齊書州郡志 作 麻 雅 ۵,

西 河 陽 太守 各本 並 脫「陽」字, 據 南 齊書州郡 }志 按 南齊書州 郡志, 西河 陽 郡 領 此 蘇 |建

安、成昌三縣。 與此 頟 縣 並 同

永 初 郡 國 叉 有 西 阿 領 楪楡 遂段新豊三縣 西西 阿」各本並作「西河陽」 據南齊書州 那志改。 按

志

南齊志 ,西阿郡領楪楡、新豐、遂段三縣,與此領縣並同。

領縣五 疑 按此 云 領縣五,而下祇四縣。 成孺宋書州郡志校勘記云:「南齊志雲南郡東古復 西

古復、雲平下有邪龍,卽晉志雲南郡之邪龍。疑朱志本有邪龍,而傳寫者失之。」邪龍,漢志屬益

州郡、續漢志屬永昌郡、晉志屬雲南郡。 疑「西姑復長」一行後奪:「邪龍□,漢舊縣,屬益州郡,

後漢屬永昌,晉太康地志屬雲南」二行。

梇棟令 「梇棟」續漢書郡國志、廣韻同。 漢書地理志、 華陽國志、 南齊書州郡志、水經若水注

漢舊 據 志例,疑「漢舊」下脫「縣」字。

作「弄棟」。

西安令 「西安」南齊書州郡志作「西中」。

騰休長 「騰休 : 」漢書地 理 志、續漢書郡國志、華陽國志、 南齊書州郡志、 水經溫水注作「勝休」。

晉書地 理志作「滕休」。

等 毋棳 令 「毋棳」各本並作「毋掇」,據漢書地 理志、水經溫水注改。 續漢書郡 國志、華陽國志、晉 其字從木。」錢大

漢書顏師古注

目:

「棳音之悅反。

町廿二史考異云:「說文 一人极,從木,此從手 誤。 {前 : : : : : 亦作棳。」

理志、舊本南齊書州郡志亦並作毋掇。

領郡十七 王鳴盛十七史商権云:「廣州刺史領郡十七,而今數之,實十八,多一郡。」

呈出 二漢皆作傅 字 洪頤煊諸史考異云: 「今本漢書地 理志 續漢書郡國志 皆作 博羅, 無 作傅字

龍川 令 舊 縣 成孺 宋書州 郡志校勘記 云:「疑舊上脫漢字。」 按漢書地 理志、續漢書郡國志 並

有

此 縣

二式 逐成令 「遂成」隋書地 |理志 同。 南齊書州郡志 、元和郡縣志 作「逐城

何志無復 龍鄉縣 各 本 並脱「無」字 ,據成校補。 成孺宋書州郡 志校勘記云: 「據下文元嘉二十

年 ,以龍鄉 併端溪,疑何志下 脱『無』字。」

甘東令 甘東」南齊書州郡志作「甘泉」。

何徐志無雷鄉員鄉 「何徐志」各本並作「何志徐」, 據孫彪說改。 孫彪宋書考論 云 當當 云何、

徐志。」

州郡志中之毗平。 今領縣七疑 按此云領縣七,而 此所闕 縣,或卽 下祇六縣, 故校者注云疑。 永平太守序中有熙平,疑即南齊書

歸代令

「歸代」南齊書州郡志作「歸化」。

宣吾

分鬱林

孫彪朱書考論

云:「

鬱林下脫『立』字。」

中溜令 中 溜 」續漢書郡 國 志同。 漢書地理志、南齊書州郡志、水經溫水注作「中留」。 顏師古

志 第 + 八 校 勘 記

按建安二十五年,即魏黃初

曰:「留音力救反。水名。」

漢獻帝建安二十三年 立桂林之洋平縣疑是 「二十三年」續漢書郡國志作「二十五年」。 各本並脱「平」字,據晉書地理志補。

元年。

何志故司鹽都尉 「司鹽都尉」各本並作「司監都尉」。 張森楷校勘記云:「司監都尉官不經見,

疑是司 鹽都尉之誤。」按張校是。 通典職官典晉官品有司鹽都尉。 今訂正。

[80] 安懷命 「安懷」南齊書州郡志作「懷安」。

[1] | 逐度令 「逐度」南齊書州郡志作「遂度」。

何徐又有新招縣 各本 並脫「有」字,據孫虨說補。 孫彪宋書考論云:「『又』下當有『有』字。」

今領縣七疑 按此 云領縣七,而下祗有六縣,故校者注 一云疑。 南齊書州郡志綏 建 郡 領縣尚 有化

注縣,疑宋志奪化注。

分合浦立為合浦北部尉 成孺宋書州郡志校勘記云:「尉上疑脫都 字。」

量 樂昌郡 王 鳴 盛十七史商権云:「凡各州所領之郡 ٠, 皆書某太守, 不言郡。 獨此樂昌郡不言太

守、未詳。」

十六年 劉昭續漢書郡國志注、晉書地理志並作「十五年」。

- 【中国】 領郡 八 王鳴盛十七史商権云:「交州刺史領郡八,而今數之祇七郡,少一郡。」按脫去新昌郡,
- 見校勘記第五〇條。
- 定安令 「定安」續漢書郡國志同。 漢書地理志、水經葉楡水注、晉書地理志作「安定」。
- 一四九 羸婁令 「羸婁」,漢書地理志、南齊書州郡志、 水經葉楡水注作「羸嘍」。 續漢書郡國志作「 嬴

孟康曰:「鸁音連。」按本字當作「鸁樓」,

此

借羸爲<u>嬴</u>,省**嘍作**婁。

慺

晉書地理志、元和郡縣志、廣韻作「嬴膢」。

金 去州水二百一十陸下闕 「陸」字下三朝本蓋脫去一葉。 孫彪宋書考論云:「據南齊志,

新道、晉化三縣,並屬新昌郡,而武平郡自領武定、封溪、平道、武興、根寧、南移六縣。

此上云交

州領郡八,今數之祇七郡,蓋即脫去新昌一郡。」按孫彪之說極是。 武寧、武興、進山、根寧、安吳、扶安、封溪。南齊書州郡志武平郡領武定、封溪、平道、武興、根 晉書地理志武平郡統縣七,

|寧 南移六縣。宋志武平太守領縣六,蓋卽南齊志之武平郡六縣。 通鑑梁武帝大同十一年胡

三省注云:「沈約志,吳孫晧建衡三年,分交趾立新興郡,並立嘉寧縣。晉武帝太康三年,更郡曰

新昌。」此即朱忠此葉脫去之佚文。又據晉書地理志,新昌郡統縣六、麋冷、嘉寧、吳定、封山、臨

西、西道。南齊書州郡志,新昌郡領范信、嘉寧、封山、西道、臨西、吳定、新道、晉化八縣。疑宋志

新昌郡領縣數當與南齊志相接近。

- 呈 今領縣 + 孫彪宋書考論云:「疑祇領十縣。」按此云 領縣十一, 而下祇有十縣, 故孫彪疑之。
- 呈 都龐 長 都 龐 」晉書地理志、南齊書州郡志作「吉龐
- 至言 西卷令
- 金買 北景長 「北景」漢書地理志、續漢書郡國志、晉書地理志、南齊書州郡志、 「西卷」續漢書郡國志、晉書地理志 同。 漢書地理志、南齊書州郡志作「西 水經溫水注、 捲

影名縣。』闞駰 選志並作「比景」。 曰:『比讀蔭庇之庇。 水經溫水注云:「比景縣,日中頭上,影當身下,與影爲比。 影在己下、言爲身所庇也。』」舊唐書地理志 如淳 作「北景」。 曰:『故以比 隋書地 吳仁

傑考古編云:「舊唐志景州北景縣,晉將灌邃破林邑,五月五日,卽其地立表,表在北,

日景在

宋書州郡 北景縣。 南,故郡名日南,縣名北景。」全祖望云:「斗南以『比景』爲『北景』,豈所見前後漢志有 後漢紀、梁冀更封北景都鄉侯。 一志亦作『北景』、後來傳習成譌、立爲異義耳。」熊會貞云:「按文選吳都賦注, 乃兩漢又作『北景』之據。」 漢武帝置 別本歟?

- 至 **艦蘇** 太守 「慵蘇」南齊書州郡志作「龍蘇」,越州序下又作「隴蘇」。
- 金公 宋白續通典作臨瘴,以臨界內瘴江爲名。 臨漳太守 「臨漳」南齊書州郡志、 通鑑同。 瘴江一名合浦江。」 通鑑宋泰始七年胡三省注云:「沈約宋志作臨障。

# 宋書卷三十九

# 志第二十九

#### 百官上

太師,卓誅又廢。 公代之。漢西京初不置,平帝始復置太師官,而孔光居焉。漢東京又廢。 也。殷紂之時,箕子爲太師。周武王時,太公爲太師。周成王時,周公爲太師。周公薨,畢 依周禮,備置三公。三公之職,太師居首,景帝名師,故置太宰以代之。太宰,蓋古之太師 太宰,一人。周武王時,周公旦始居之,掌邦治,爲六卿之首。秦、漢、魏不常置。晉初 魏世不置。 晉旣因太師而置太宰,以安平王字居焉。 獻帝初,董卓爲

太傅,一人。周成王時,畢公爲太傅。漢高后元年,初用王陵。

太保,一人。 後漢至魏不置,晉初復置焉。 殷太甲時,伊尹爲太保。 自太師至太保,是爲三公。 周武王時,召公爲太保。漢平帝元始元年,始用 論道經邦,燮理陰陽,無其

志

第

二 十

九

百官上

人 則闕,所以訓護人主,導以德義

齊王以晉景帝爲相國。 相 國,一人。漢高帝十一年始置,以蕭何居之,罷丞相;何薨,曹參代之,參薨,罷。 晉惠帝時趙王倫,愍帝時南陽王保,安帝時宋高祖,順帝時齊王,並 魏

爲相國。自魏、晉以來,非復人臣之位矣。

篡位,以梁王肜爲丞相。 司徒。漢東京不復置。至獻帝建安十三年,復置丞相,魏世及晉初又廢。惠帝世,趙王倫 爲 司徒一句組爲太尉,以司徒官屬幷丞相爲留府,敦不受。成帝世,以王導爲丞相,罷司徒府以 丞相,南陽王保爲右丞相;三年,以保爲相國,睿爲丞相。元帝永昌元年,以王敦爲丞相,轉 相,助也。悼武王子昭襄王始以樗里疾爲丞相,後又置左右丞相。 一年,更名相國。孝惠、高后置左右丞相,文帝二年,復置一丞相。 [丞相府, 導薨, 罷丞相, 復爲司徒府。宋世祖初, 以南郡王義宣爲丞相, 而司徒府如故。 丞相,一人。殷湯以伊尹爲右相,仲虺爲左相。秦悼武王二年,始置丞相官。 永興元年,以成都王穎爲丞相。 愍帝建興元年,以琅邪王睿爲左 漢高帝初,置一丞相,十 哀帝元壽二年,更名大 丞,奉。

官,漢因之。武帝建元二年省。 太尉,一人。自上安下曰尉。掌兵事,郊祀掌亞獻,大喪則告諡南郊。 光武建武二十七年,罷大司馬,置太尉以代之。靈帝末,以 堯时舜爲太尉

劉虞爲大司馬,而太尉如故。

地官,掌邦教。 堯時舜爲司徒。 司徒,一人。掌民事,郊祀掌省牲視濯,大喪安梓宮。 漢西京初不置。哀帝元壽二年,罷丞相,置大司徒。光武建武二十七年, 舜攝帝位,命契爲司徒。 契玄孫之孫曰微,亦爲夏司徒。 少昊氏以鳥名官,而祝鳩氏爲司 周時司徒爲

御史大夫都慮免,不復補。魏初又置司空。 西京 二年,復爲大司空,光武建武二十七年去大字。 初不置。成帝綏和元年,更名御史大夫爲大司空,哀帝建平二年,復爲御史大夫,元壽 製玄孫之子曰冥,己亦爲夏司空。殷湯以咎單爲司空。周時司空爲冬官,掌邦事。漢 司空,一人。掌水土事,郊祀掌掃除陳樂器,大喪掌將校復土。舜攝帝位,以禹爲司 獻帝建安十三年,又罷司空,置御史大夫。

馬。 叉加大。 年,省大司 始直云司 大司 掌邦政。 馬,一人。掌武事。司,主也。馬,武也。善時廉爲后稷,兼掌司馬。周時司馬爲 王莽居攝,以漢無小司徒,而定司馬、司徒、司空之號並加大。光武建武二十七 馬,以太尉代之。 、馬,議者以漢有軍候千人司馬官,故加大。 項籍以曹無咎、周殷並爲大司馬。四漢初不置。武帝元狩四年,初置大司 魏文帝黃初二年,復置大司馬,以曹仁居之,而太尉如故 及置司空,又以縣道官有獄 司空,

大將軍, 志 第 <u>-</u> + 一 人。 九 凡將軍皆掌征伐。周制,王立六軍。 百 官 上 晉獻公作二軍,公將上軍。 將軍

之名,起於此也。 楚懷王遣三將入關,宋義爲上將。 漢高帝以韓信爲大將軍。 漢西京以大

尉,然則大將軍在三司下矣。其後又在三司上。 司馬冠之。 漢東京大將軍自爲官,位在三司上。 魏明帝青龍三年,晉宣帝自大將軍爲太 晉景帝爲大將軍,而景帝叔父孚爲太尉,

奏改大將軍在太尉下,後還復舊。

徒,荀顗爲司空,石苞爲大司馬,曰陳騫爲大將軍,凡八公同時並置,唯無丞相焉。 晉武帝踐阼,安平王孚爲太宰,鄭沖爲太傅,王祥爲太保,義陽王望爲太尉,何曾爲司

有蒼 頭字宜祿。 至漢,丞相府每有所關白,到閤輒傳呼「宜祿」,以此爲常。

武 夫賜養牛,上尊酒。 不 爲丞 知皆何 丞 相 相 曹也。 以來,置左右二長史而已。 置三長史。 自太尉至大將軍、驃騎、車騎、衞將軍,皆有長史一人,將軍又各置司馬一 漢景帝三公病,遣中黃門問病。 丞相有疾,御史大夫率百僚三旦問起居,及瘳,詔遣尚書令若光祿大 漢東京太傅府置掾、屬十人,御屬一人,令史十二人, 魏、晉則黃門郎,尤重者或侍中也。魏

主盜賊事,決曹主罪法事,兵曹主兵事,金曹主貨幣鹽鐵事, 祠 紀祀農桑事,奏曹主奏議事,辭曹主辭訟事,法曹主郵驛科程事,尉曹主卒徒轉運事,賊 太尉府置掾、屬二十四人,西曹主府吏署用事,東曹主二千石長吏遷除事,戶曹主民戶 倉曹主倉穀事,黃閤主簿省錄 曹

人,太傅不置長史也。「图」

闕。 衆事。御屬一人,令史二十二人。御屬主爲公御,令史則有閤下、記室、門下令史,其餘史 案掾、屬二十四人,自東西曹凡十二曹,然則曹各置掾、屬一人,合二十四人也

史三十一人。司空別有道橋掾。其餘張減之號,史闕不可得知也。 司徒置掾、屬三十一人,御屬一人,令史三十五人。司空置掾二十九人,御屬一人,令

司馬、軍候以領兵焉。案大將軍以下掾屬與三府張減,史闕不可得知。置令史、御屬者,則 是同三府也。其云掾史者,則是有掾而無屬,又無令史、御屬,不同三府也。 有軍假司馬、軍假候,其別營者則爲別部司馬。其餘將軍置以征伐者,府無員職,亦有部曲 下有曲,曲有軍候一人,曲下有屯,屯有屯長一人。若不置校尉,則部但有軍司馬一人。又 史主稟假,又置外刺姦主罪法。其領兵外討,則營有五部,部有校尉一人,軍司馬一人,部 衞將軍從事中郞二人,掾、屬二十人,御屬一人,令史二十四人。兵曹掾史主兵事,稟假掾 漢東京大將軍、驃騎將軍從事中郎二人,掾、屬二十九人,御屬一人,令史三十人。騎、

曹、金曹、水曹、兵曹、騎兵各一人,則無屬矣。魏元帝咸熙中,晉文帝爲相國,相國府置中 參戰十一人,掾、屬三十三人。 東曹掾、屬各一人,西曹屬一人,戶曹掾一人,屬二人,賊曹 衞將軍、驍騎將軍、左右長史、司馬、從事中郞四人,主簿四人,舍人十九人,參軍二十二人, 魏初公府職僚,史不備書。及晉景帝爲大將軍,置掾十人,西曹、東曹、戶曹、倉曹、賊

百

官上

操一人,屬二人,金曹掾、屬各一人,兵曹掾、屬各一人,騎兵掾二人,屬一人,車曹掾、屬各 凡四十二人。 屬各一人,倉曹屬二人,戎曹屬一人,馬曹屬一人,媒曹屬一人,合爲三十三人。 散屬九人, 一人,鎧曹掾、屬各一人,水曹掾、屬各一人,集曹掾、屬各一人,法曹掾、屬各一人,奏曹掾、

也。 則四十人矣。凡諸曹皆置御屬、令史、學幹,御屬職錄事 車、馬十曹,皆置屬,則爲二十人。趙王倫爲相國,置左右長史、司馬、從事中郎四 二十人,主簿、記室督、祭酒各四人,掾、屬四十人。 東西曹又置屬, 🖅 其餘十八曹皆置掾, 人;加兵者又置司馬、從事中郎、主簿、記室督各一人,舍人四人,爲持節都督者,置參軍六 安平獻王字爲太宰,增掾、屬爲十人,兵、鎧、士、營軍、刺姦五曹皆置屬,幷前爲十人 楊駿爲太傅,增祭酒爲四人,掾、屬爲二十人,兵曹分爲左、右、法、金、田、集、水、戎、 晉初凡位從公以上,置長史、西閣、東閣祭酒、西曹、東曹掾、戶曹、倉曹、賊曹屬各一 也。

人,令史無定員。 江左以來,諸公置長史、倉曹掾、戶曹屬、東西閤祭酒各一人,主簿、舍人二人,御屬二 中郎四人,掾、屬四人,則倉曹增置屬,戶曹置掾,江左加崇,極於此也。 領兵者置司馬一人,從事中郎二人,參軍無定員,加崇者置左右長史、司

長史、司馬、舍人,秦官。從事中郎、掾、屬、主簿、令史,前漢官,陳湯爲大將軍王鳳從

主諷議事,晉江左初置,因軍諮祭酒也,宋高祖爲相,止置諮議參軍,日因無定員。今諸曹則 事中郎,無定員,分掌諸曹,有錄事中郎、度支中郎、三兵中郎。 其參軍則有諮議參軍二人, 西曹掾、屬各一人,餘則同矣。餘府有公則置,無則省。晉元帝爲鎭東大將軍及丞相,置從 酒,蓋因其名也。長史、從事中郎主吏,司馬主將,主簿、祭酒、舍人主閣內事,參軍、掾、 中兵、直兵置一參軍,曹則猶二也。今小府不置長流參軍者,置禁防參軍。蜀丞相諸葛亮 闕所餘十二曹也。其後又有直兵、長流、刑獄、城局、水曹、右戶、墨曹七曹。高祖爲相,合 曹、西曹、度支、金曹、理曹、典兵、兵曹、贼曹、運曹、禁防、典賓、騎士、車曹凡十三曹,〔5〕今 外兵、騎兵、典兵、兵曹、賊曹、運曹、禁防、典賓、鎧曹、田曹、士曹、騎士、車曹參軍。 其東 初,晉元帝鎭東丞相府有錄事、記室、東曹、西曹、度支、戶曹、法曹、金曹、倉曹、理曹、中兵、 水曹、鎧曹、車曹、士曹、集、右戶、墨曹,凡十八曹參軍。ft〕參軍不署曹者,無定員。江左 有錄事、記室、戶曹、倉曹、中直兵、外兵、騎兵、長流賊曹、刑獄賊曹、城局賊曹、法曹、田曹、 屬、令史主諸曹事。司徒若無公,唯省舍人,其府常置,其職僚異於餘府。有左右長史、左 爲本,長者主之,故以祭酒爲稱。漢之侍中、魏之散騎常侍高功者,並爲祭酒焉。公府祭 中郎是也。 (大司馬石苞參軍,輕慢苞,始制施敬。祭酒,晉官也,漢吳王濞爲劉氏祭酒。 御屬、參軍,後漢官,孫堅爲車騎參軍事是也。本於府主無敬,晉世太原孫楚 夫祭祀以酒

爲

事

板 府有行參軍,晉太傅司馬越府又有行參軍、兼行參軍,後漸加長兼字。 則爲行參軍。 晉末以來,參軍事、行參軍又各有除板。 板行參軍下則長兼行參軍。「こ」參 除拜則爲參軍事,府

軍督護,江左置,本皆領營,有部曲,今則無矣。公府長史、司馬,秩千石;從事中郞,六百

石;東西曹掾,四百石;他掾三百石;屬二百石。

特進,前漢世所置,前後二漢及魏、晉以爲加官,從本官車服,無吏卒。 晉惠帝元康中

定位令在諸公下,驃騎將軍上。

驃騎 將軍,一人。 漢武帝元符二年,始用霍去病爲驃騎將軍。 漢西京制,大將軍、驃騎

將軍位次丞相。

與 例,則位次三司。」晉、宋車騎、衞不復爲四征 、四征 車騎將軍, 同。 若不爲都督,雖持節屬四征者, 一 人。 漢文帝元年,始用薄昭爲車騎將軍。 與前後 所督也。 左右雜號將軍同。 魚緣曰:「魏世車騎爲都督,儀 其 或 散還從文官之

軍,並加大而儀同三司。 始 夫以上並得儀同三司,自此以下不得也。 使車騎將軍馬防班同三司。 衞將軍,一人。漢文帝元年,始用宋昌爲衞 江左以來,將軍則中、鎮、撫、四鎭以上或加大,餘官則左右光祿大 班同三司自 此 始 將軍。 也。 漢末奮威將軍, 晉江右伏波、 三號位亞三司。 漢章帝建初三年, 輔 國 將

持節都督,無定員。 建安中,魏武帝爲相,始遣大將軍督軍。二十一年,征孫權還,夏侯惇督二十六 前漢遣使,始有持節。 光武建武初,征伐四方,始權時置督軍 御

宋氏人臣則無也。江夏王義恭假黃鉞。 事得與使持節同,假節唯軍事得殺犯軍令者。 晉江左以來,都督中外尤重,唯王導居之。 爲下。 外諸軍事 正元二年,晉文帝都督中外諸軍,尋加大都督。 軍是也。 史,事竟罷。 使持節爲上,持節次之,假節爲下。使持節得殺二千石以下,持節殺無官位人,若軍 ,,假黃鉞,則總統外內諸軍矣。 魏文帝黃初二年,始置都督諸州軍事,或領刺史。三年,上軍大將軍 假黃鉞,則專戮節將,非人臣常器矣。 明帝太和四年,晉宣帝征蜀,加號大都督。 。晉世則都督諸軍爲上,監諸軍次之,督諸軍 ·曹眞都督中 高貴

帝置,秩二千石。[10]黃初中,位次三公。 漢舊諸征與偏裨雜號同。」 居之。征西將軍,一人。漢光武建武中,馮異居之。征北將軍,一人。 征 東將軍,一人。漢獻帝初平三年,馬騰居之。 征南將軍,一人。 漢光武建武中,岑彭 魚豢曰「四征、魏武

軍,一人。後漢初平三年,韓遂居之。鎭北將軍,一人。 鎭東將軍,一人。後漢末,魏武帝居之。鎭南將軍,一人。後漢末,劉表居之。鎭西將

撫 軍將軍,一人。 中軍 ·將軍,一人。漢武帝以公孫敖爲之,時爲雜號。 魏以司馬宣王爲之。中、鎭、撫三號比四鎭。 鎭軍將軍,一人。魏以陳羣爲之。

志 第 + 九 上

一 二 二 六

安東 將 軍 一 人。 後漢末,陶謙爲之。 安南將軍,一人。 安西將軍,一人。後漢末,段

煨爲之。 安北將軍,一人。 魚豢曰:「鎭北、四安,魏黃初、太和中置。」

平東將軍,一人。平南將軍,一人。平西將軍,一人。平北將軍,一人。四平,魏世置。

左將軍。 右將軍。 前將軍。 後將軍。 左將軍以下,周末官,秦、漢並因之,光武建武七

年省,魏以來復置。

之。 軍之名,自此始也。 居之。二二 宋太宗泰始四年,改爲輔師,後廢帝元徽二年復故。 征虜將軍,漢光武建武中,始以祭遵居之。 魏正始中,以文欽爲冠軍將軍、揚州刺史。 冠軍將軍,楚懷王以宋義爲卿子冠軍。 龍驤將軍,晉武帝始以王濬 輔國將軍,漢獻帝以伏完居 冠

郞 將。 東中郎將,漢靈帝以董卓居之。 北 中郎將,漢建安中,以隱陵侯曹彰居之。 南中郎將,漢獻帝建安中,以臨淄侯曹植居之。 凡四中郎將,何承天云,並後漢置 西

威將 將軍,前 軍 建威 ,前漢世,任千秋爲之。 漢末,王況 將 軍,漢光武建武 爲之。 奮武 中,以耿弇爲建威大將軍。自己振威將軍,後漢初,宋登爲之。 將軍,後漢末,呂布爲之。 揚威將軍, 魏置。 廣威將軍,魏置。 揚武將軍,光武建武中,以馬成爲 建武 將軍,魏置。 振 武

之。

廣武將軍,晉江左置。

將軍,漢武帝以公孫賀爲之。 將軍,漢武帝以李息爲之。伏波將軍,漢武帝征南越,始置此號,以路博德爲 鷹揚將軍,漢建安中,魏武以曹洪居之。折衝將軍,漢建安中,魏武以樂進居之。 揚烈將軍,建安中,以假公孫淵。 寧遠將軍,晉江左置。 之。 材官 輕車

同也。 來,皇子、皇弟雖非都督,亦置記室參軍。小號將軍爲大郡邊守置佐吏者,又置長史,餘則 功曹參軍一人,主佐□□記室下,戶曹上。監以下不置諮議、記室,餘則同矣。宋太宗已 功曹一人,主吏,在主簿上,漢末官也。漢東京司隸有功曹從事史,如諸州治中,因其名也。 以下爲刺史又都督及儀同三司者,置官如領兵,但云都督不儀同三司者,不置從事中郎,置 野,以耿純居之。蕩寇,漢建安中,滿寵居之。虎威,于禁居之。其餘或是後漢及魏所置,今 裨將軍,凡四十號。其威虜,漢光武以馮俊居之。[1三虎牙,以蓋延居之,爲虎牙大將軍。 寇、殄虜、殄難、掃夷、掃寇、掃虜、掃難、掃逆、厲武、厲鋒、虎威、虎牙、廣野、横野、偏將軍、 武、武烈、武毅、武奮、綏遠、綏邊、綏戎、討寇、討虜、討難、討夷、蕩寇、蕩虜、蕩難、蕩逆、殄武、武烈、武毅、武奮、綏遠、綏邊、綏戎、討寇、討難、討夷、蕩寇、蕩虜、蕩難、蕩逆、殄 則或置或不。自左右前後將軍以下至此四十號,唯四中郎將各一人,餘皆無定員。自車騎 凌江將軍,魏置。自凌江以下,則有宣威、明威、驤威、厲威、威厲、威寇、威虜、威戎、威 横

邦 禮。 秦改曰奉常,漢因之。 舜攝帝位,命伯夷作秩宗,掌三禮,卽其任也。 景帝中六年,更名曰太常。 應劭曰: 周時日宗伯,是爲春官,掌 「欲令國家盛大常存,故

稱 太常。」前漢常以列侯忠孝敬愼者居之,後漢不必列侯 也。

**(儀**禮 京氏 經博 威重者一人爲祭酒。 也。 士。 、春秋公羊博士各一人,合爲十一人。後又增爲十六人,不復分掌五經,而謂之太學博 "尚書,歐陽、大小夏侯,詩,齊、鲁、韓,禮,大小戴,春秋,嚴、顏·各一博士。 博士,班固云,秦官。史臣案,六國時往往有博士,掌通古今。漢武建元五年,初置五 秩六百石。 宣、成之世,五經家法稍增,經置博士一人。至東京凡十四人。 魏及晉西朝置十九人, 江左初減爲九人, 皆不知掌何經。 **湯,施、孟、梁丘、** 元帝末,增 而聰明有

秋左氏傳、公羊、穀梁各爲一經,論語、孝經爲 五 有 師氏之職,即今國子祭酒也。 人,江左以來,損其員。 或 子祭酒一人,國子博士二人,國子助敎十人。 自宋世若不置學,則助教唯置一 晉初復置國子學,以敎生徒,而隸屬太學焉。 一經,合十經。助敎分掌。 周易、尚書、毛詩、禮記、周官、儀禮、春 人,而祭酒 、博士常置也。 國子,周 晉初助教十 舊名,周

明堂令,一人。丞一人。丞,漢東京初置,令,宋世祖大明中置。 太廟令,一人。 丞一 並前漢置。 西京 日 長,東京 行令。 領齋郎二十四人。

太祝令,一人。丞一人。 掌祭祀讀祝迎送神。 太祝,周舊官也。 漢西京置太祝令、丞,

武帝太初元年,更名曰廟祀。漢東京改曰太祝。

掌 今之太史,則幷周之太史、馮相、保章三職也。 建邦之六典,正歲年,以序事頒朔于邦國。 太史令,一人。丞一人。 掌三辰時日祥瑞妖災,歲終則奏新曆。太史,三代舊官,周世 又有馮相氏, 掌天文次序, 保章氏, 掌天文。 漢西京日太史令。 漢東京有二丞,其一在

靈臺。

太樂令,一人。丞一人。 掌凡諸樂事。 周時爲大司樂。 漢西京日太樂令。 漢東京日

大予樂令。魏復爲太樂令。

陵令,每陵各一人。漢舊官也。

乘黃令,一人。 掌乘輿車及安車諸馬。 明也。 魏世置。 勳,功也。 自博士至乘黃令,並屬太常。 郞 中令,漢因之。

門外, 得 郎、唯外宮朝會、則以名到焉。曰曰二臺奏劾,則符光祿加禁止,解禁止 太初元 入殿省,光祿主殿門故也。 光祿 謂之光祿 年,更名光祿勳。 勳,一人。 外部。 丞一人。光, 光祿勳郊祀掌三獻。 掌三署郎, 宮殿門戶,至今猶屬。 郎執戟衞宮殿門戶。 祿,爵也。 魏、晉以來, 晉哀帝興寧二年,省光祿勳, 光祿 光祿 勳 勳居禁中 秦日 不復居禁中, 亦 加之。 如 御 史, 禁止, 又無復三署 有獄 幷司徒。 漢武 在

志

省,光祿勳猶依舊舉四行,衣冠子弟充之。三署者,五官署、左署、右署也,各置中郎將以司 郎中四等,無員,多至萬人。 之。郡舉孝廉以補三署郎,年五十以上,屬五官,其次分在左右署。凡有中郎、議郎、侍郎、 孝武寧康元年,復置。 漢東京三署郎有行應四科者,歲舉茂才二人,四行二人,及三署郎罷

者加金章紫綬,則謂之金紫光祿大夫。舊秩比二千石。 年,更名光祿大夫。晉初又置左右光祿大夫,而光祿大夫如故。光祿大夫銀章靑綬,其重 左光祿大夫,右光祿大夫。二大夫,晉初置。光祿大夫,秦時爲中大夫,漢武太初元

夫二十人,中散大夫三十人。。魏以來復無員。自左光祿大夫以下,養老疾,無職事。中散, 六百石。 中散大夫,王莽所置,後漢因之。 前漢大夫皆無員,掌論議。後漢光祿大夫三人,中大

塘二冶,皆屬揚州,不屬衞尉。衞尉,江左不置,宋世祖孝建元年復置。舊一丞,世祖增置 晉江右掌冶鑄,領冶令三十九,戶五千三百五十。冶皆在江北,而江南唯有梅根及冶 衞尉,一人。丞二人。掌宮門屯兵,秦官也。漢景初,改爲中大夫令。後元年,復爲衞

廷尉,一人。丞一人。掌刑辟。凡獄必質之朝廷,與衆共之之義。兵獄同制,故曰廷

一丞。

尉。 六年,更 舜攝 名 帝位, 大理 咎繇作士, 卽其任也。 武 帝 建元 匹 年, 復爲 延尉。 周時大司寇爲秋官,掌邦刑。 哀帝元壽二年,復爲大理。 秦爲廷尉。 漢 東京初, 漢景帝中 復

廷尉。 廷 尉正,一人。 廷尉監,一人。 正、監並秦官。 本有左右監, 漢光武省右, 猶云左監,

評。 魏 晉以 魏 晉 來, 以來,直云 直 云監。 評。 廷尉評,一人。 正、監、評並 以下官禮敬 漢宣帝 地節 廷尉卿。 三年,初置左右 正、監秩千石,評六百石。 評。 漢光武省右,猶云 廷 左

律博士,一人。魏武初建魏國置。

周 帝末,省幷都 則 爲 大司農,一人。 太府,秦治粟內史,漢景帝後元 水 ,孝武 丞一人。 世復 置。 掌九穀六畜之供膳羞者。 漢世 年, 丞二人,魏以 更名大農令, 來一 人。 武帝 舜攝帝位, 太初 元 命棄爲后稷,卽其任 年,更名 日 大司 也

太倉令, 一 人。 丞一人。 秦官也 晉江 左 以 來, 又有東倉 、石頭 倉丞各一人。

**蘽官令**, 人。 丞一人。 掌春御米。 漢 東京置。 蕖, 擇也。 擇米令精 也。 司 馬 相 如對

禪書云,纂一莖六穗於庖。

各一 人。 田 漢東京及魏並不置。 丞一人。 掌耕宗廟 晉武泰始十年復置。 社 稷 之田 一,於周 江左省。 爲 甸 師。 宋太祖 漢 文帝 元 嘉 初立 中 文置。 籍 田 置令、丞 自太倉

志第二十九 百官上

至籍田令,並屬司農。

少府,一人。丞一人。 掌中服御之物。 秦官也,漢因之。 掌禁錢以給私養,故曰少府。

晉哀帝末,省幷丹陽尹。孝武世復置。

玉府。 唯主作御刀綬劍諸玩好器物而已。 屬官有考工令,主兵器弓弩刀鎧之屬,成則傳執金吾入武庫,及主織綬諸雜工。口心尚方令 院之事,魏、晉猶置其職,江左乃省焉。 配臺,自己謂之左尙方,而本署謂之右尙方焉。 人,隸門下。 左尙方令、丞各一人。右尙方令、丞各一人。並掌造軍器。秦官也,漢因之。 晉江右有中尚方、左尚方、右尚方,江左以來,唯一尚方。宋高祖踐阼,以相府作部 世祖大明中,改曰御府,置令一人,丞一人。御府,二漢世典官婢作褻衣 然則考工令如今尙方,尙方令如今中署矣。 後廢帝初,省御府,置中署,隸右尙方。 又以相府細作配臺,卽其名置令一 漢東京 於周 人, 丞二 服補 則爲 太僕

衞 尉。 東冶令,一人。丞一人。南冶令,一人。丞一人。漢有鐵官,晉置令,掌工徒鼓鑄,隸 江左以來,省衞尉,度隸少府。 宋世雖置衞尉,冶隸少府如故。 江南諸郡縣有鐵者

或置冶令,或置丞,多是吳所置。

帝即位,避帝諱,改曰染署。 平准令,一人。丞一人。掌染。 秦官也,漢因之。 漢隸司農,不知何世隸少府。

名將作大匠。 將作大匠,一人。丞一人。掌土木之役。 光武建武中元二年省、江北以謁者領之。 秦世置將作少府,漢因之。 章帝建初元年復置。晉氏以來,有 景帝中六年,更

事則置,無則省。

大鴻臚,掌贊導拜授諸王。秦世爲典客,漢景帝中六年,更名大行令,武帝太初元年, 有事則權置,事畢卽省。

更名大鴻臚。 太僕,掌輿馬。周穆王所置,秦因之。周官則校人掌馬,巾車掌車,及置太僕,兼其任 鴻,大也。 臚,陳也。 晉江左初省。

也。 晉江左或置或省、宋以來不置。郊祀則權置太僕執轡、事畢即省。

太后三卿,各一人。應氏漢官曰:「衞尉、少府,秦官,太僕,漢成帝置。 皆隨太后宮爲

號,在正卿上,無太后乃闕。」魏改漢制,在九卿下。晉復舊,在同號卿上。

曹、主簿、五官。漢東京諸郡有五官掾,因其名也。漢制卿尹秩皆中二千石,丞一千石。 曜曰:「長秋者,以皇后陰官,秋者陰之始,取其終而長,欲其久也。」自太常至長秋,皆置功 大長秋,皇后卿也。有后則置,無則省。秦時爲將行,漢景帝中六年,更名大長秋。 韋

秦世少府遣吏四人在殿中主發書,故謂之尙書。尙猶主也。漢初有尙冠、尙衣、尙食、尙秦世少府遣吏四人在殿中主發書,故謂之尙書。尙猶主也。漢初有尙冠、尙衣、尙食、尙 尚書,古官也。<u>舜攝帝位,命</u>龍作納言,卽其任也。<u></u>周官司會,鄭玄云,若今尚書矣。

左右 丞。 僕役於射事 浴、尙席、尙書,謂之六尙。 每帝卽位,輒置太傅,錄尚書事,薨輒省。 [曹諸吏分平尚書奏事。[15]昭帝即位,霍光領尚書事 至漢 初 也。 並隸少府,漢東京猶文屬焉。 秦世有左右曹諸吏,官無職事,將軍大夫以下皆得加此官。 晉康帝世,何充讓錄表曰:「咸康中,分置三錄,王 古者重武官,以善射者掌事,故曰僕射。 ,成帝初,王鳳錄尙書事。 漢武帝世,使 僕射者, 漢東京

導又何 右張華、江左庾亮並經關尚書七條,則亦不知皆何事也。 導錄其一,荀崧、陸曄各錄六條事。」然則似有二十四條,若止有十二條,則荷、陸各錄六條, 六條事,又是止有十二條也。十二條者,不知悉何條。晉江右有四錄,則四人參錄也。 **!所司乎?若導總錄,荷、陸分掌,則不得復云導錄其一也。 其後每置二錄,輒云各掌** 後何充解錄, 又參關 尚書。 錄尙 江

重號 書職無不總,王肅注尚書「納于大麓」曰:「堯納舜於尊顯之官,使大錄萬機之政也。」曰己凡 將軍刺史,皆得命曹授用,唯不得施除及加節。 宋世祖孝建中,不欲威權外假,省錄。

大明末復置。 二僕射分置,自此始也。 此後或置或省。 漢成帝建始四年,初置尙書,員四人,增丞亦爲四人。 漢獻帝建安四年,以執金吾榮郃爲尚書左僕射,衞臻 曹尚書 爲右僕

其一 其四日客曹,主外國夷狄事。 曰常侍曹,主公卿事;其二曰二千石曹,主郡國二千石事;其三曰民曹,主吏民上書事 光武分二千石曹爲二,又分客曹爲南主客曹、北主客曹,改常

置五 帝咸寧二年,省駕部尚書,四年又置。 世祖大明二年, 民、度支、五兵,合爲五曹尚書。 作、鹽池、苑囿。 紀,無所不統。 侍曹爲吏曹,凡六尙書。減二丞,唯置左右二丞而已。應劭漢官云:「尙書令、左丞,總領綱 祠;二千石曹掌水、火、盜賊、詞訟、罪法;客曹掌,羌、胡朝會,法駕出,護駕, 民曹掌繕治 左民、客曹、五兵、度支五曹尚書。 一兵尙 惠帝世,又有右民尚書。 書。 僕射、右丞,掌稟假錢穀。 置二吏部尙書, 吏曹任要,多得超遷。」則漢末曹名及職司又與光武時異也。 尚書止於六曹,不知此時省何曹也。 宋高 而省五兵尚書、江辺後還置一吏部尚書。 晉初有東部、三公、客曹、駕部、屯田、度支六曹尚書。 祖初,又增都官尚書。 太康中,有吏部、殿中、五兵、田曹、度支、左民六尚 三公尚書二人,掌天下歲盡集課,東曹掌選舉、齋 若有右僕射,則 江左 則有祠部、吏部、左 順帝昇明元年,又 不置 魏世有吏部、 祠 部 尚書。 武

部、删定、三公、比部四曹,祠部尚書領祠部、儀曹二曹,度支尚書領度支、金部、倉部、起部 中兵、外兵二曹。 四曹;左民尚書領左民、駕部二曹;都官尙書領都官、水部、庫部、功論四曹;〔三〕五兵尙 若營宗廟宮室,則置起部尚書,事畢省。 尙書令,任總機衡,僕射、尚書, 分領諸曹。 昔有騎兵、別兵、都兵,故謂之五兵也。 左僕射領殿中、主客二曹,吏部尚書領 五尙書、二僕射、一令,謂之八 書領 吏

兵、都兵、騎兵、左士、右士、北主客、南主客爲三十四曹郎,後又置運曹,凡三十五曹。晉江 屯田、起部、水部、左主客、右主客、駕部、車部、庫部、左中兵、右中兵、左外兵、右外兵、別 事、殿中、祠部、儀曹、吏部、三公、比部、金部、倉部、度支、都官、二千石、左民、右民、虞曹、 部、農部、水部、儀曹、三公、倉部、民曹、二千石、中兵、外兵、別兵、都兵、考功、定科,凡二十 筆一雙,隃麋墨一丸。魏世有殿中、吏部、駕部、金部、虞曹、比部、南主客、祠部、度支、庫 侍郎對揖。黃門侍郎稱已聞,乃出。天子所服五時衣以賜尚書令僕,而丞、郎月賜赤管大 朱色地,謂之丹墀。尚書郞口含雞舌香,以其奏事答對,欲使氣息芬芳也。奏事則與黃門 侍二人,皆選端正妖麗,執香爐,護衣服,奏事明光殿。殿以胡粉塗壁,畫古賢烈士。以丹 |羌夷吏民,一人主戶口墾田,一人主財帛委輸。 |匈奴單于,宣帝之世,保塞內附,成帝世,單 之。給帷帳、氈褥、通中枕,太官供食物,湯官供餅餌及五孰果實之屬,給尚書伯使一人,女 爲郎中,滿歲則爲侍郎。尚書寺居建禮門內。尚書郞入直,官供靑縑白綾被,或以綿緤爲 云,置郞三十六人,不知是何帝增員。然則一尙書則領六郞也。主作文書,起立事草。 初 于還北庭矣。一郎主匈奴單于營部,自則置郎疑是光武時,所主匈奴,是南單于也。漢官 三郎。青龍二年有軍事,尚書令陳矯奏置都官、騎兵二曹郎,合爲二十五曹。晉西朝則直

置。 部、儀曹、三公、比部、金部、倉部、度支、都官、左民、起部、水部、主客、駕部、庫部、中兵、外 支,派也。度,景也。 官之下,在删定之上。太宗世,省騎兵。今凡二十曹郎。以三公、比部主法制。度支主算。 兵十八曹郎。後又省主客、起部、水部、餘十五曹。宋高祖初、加置騎兵、主客、起部、水部 左初,無直事、右民、屯田、車部、別兵、都兵、騎兵、左士、右士、運曹十曹郎,而主客、中外兵 四曹郎,合爲十九曹。 各置一郎而已,所餘十七曹也。曰三康、穆以來,又無虞曹、二千石二郎,猶有殿中、祠部、吏 十八年,增删定曹郎,次在左民曹上,蓋魏世之定科郎也。三十年,又置功論郎,次都 。都官主軍事刑獄。其餘曹所掌,各如其名。 太祖元嘉十年,又省儀曹、主客、比部、騎兵四曹郎。十一年,又並

尚書官上朝及下,禁斷行人,猶其制也。 漢制,公卿御史中丞以下,遇尙書令、僕、丞、郎,皆辟車豫相回避,臺官過,乃得去。 今 漢又制,丞、郎見尚書,呼曰明時。 郎見二丞,呼曰

官也。晉西朝有尚書都令史朱誕,則都令史其來久矣。分曹所掌如尚書也。 十人,書令史百三十人。自晉至今,或滅或益,難以定言。漢儀有丞相令史。 郎以下則有都令史、令史、書令史、書吏幹。漢東京尚書令史十八人,晉初正令史百二 令史蓋前漢

晉西朝八坐丞郎,朝晡詣都坐朝,江左唯旦朝而已。八坐丞郎初拜,並集都坐,交禮。

芯

漢舊制也。 今唯八坐解交,丞郎不復解交也。 尚書令千石,僕射尚書六百石,

丞郎四百石。

武庫令,一人。 掌軍器。 秦官。至二漢,屬執金吾。晉初罷執金吾,至今隸尚書庫部。

車府令,一人。丞一人。秦官也。二漢、魏、晉並隸太僕。 太僕旣省,隸尚書駕部

尉。〔三〕池監隸少府。 上林令,一人。丞一人。漢西京上林中有八丞、十二尉、十池 漢東京曰上林苑令及丞各一人,隸少府。 晉江左闕。 監 丞、尉屬 宋世祖大明三 水衡 都

年復置,隸尙書殿中曹及少府。

材官校尉,主天下材木事。晉江左改材官校尉曰材官將軍,又罷左校令。今材官隸尚書起 材官將軍,一人。司馬一人。主工匠土木之事。 漢左右校令,其任也。 魏右校又置

部及領軍。

來殿內東廂奏事,故謂之侍中。漢西京無員,多至數十人,入侍禁中,分掌乘輿服物, 褻器虎子之屬。武帝世,孔安國爲侍中,以其儒者,特聽掌御唾壺,朝廷榮之。 久次者爲僕 衆事皆掌之。周公戒成王立政之篇所云「常伯」,卽其任也。侍中本秦丞相史也,使五 侍中,四人。掌奏事,直侍左右,應對獻替。法駕出,則正直一人負璽陪乘。 殿內門下 下至

俱 傳國 射。 政,侍中復 、止禁中。 璽 漢東京又屬少府,猶無員。 ,操斬白蛇劍,參乘;餘皆騎,在乘輿車後。 入,與中官共止。 武帝時,侍中莽何羅挾刃謀逆,由是侍中出禁外,有事乃入,事畢卽出。 章帝元和中,侍中郭舉與後宮通,拔佩刀鱉御,舉伏誅,侍中由 掌侍左右,贊導衆事,顧問應答。 光武 世,改僕射爲祭酒焉。 法駕出,則多識者一人負 漢世,與中官 王莽

### 校勘記

是復出外。

魏、晉以來、置四人、別加官不主數。

秩比二千石。

- 契玄孫之子曰冥 各本並脱「玄孫」二字,據通典職官典補
- 項籍 以 曹 ·無咎周 殷並 一爲大司 馬 「曹無咎」各本並作「曹咎」,據史記項羽本紀
- 〔三〕石苞爲大司馬 各本並脫「大」字,據晉書武帝紀補。
- 29 置 太傅不置長史也 一左右長史、掾、屬、舍人各十人。 據藝文類聚四六引朱書、御覽二〇六引朱書有「晉宣帝爲魏太傅、誅曹爽後, 事旣非常,加又領兵,非准例 也。 疑是此下逸文。
- $\overline{\phantom{a}}$ 五 東西曹叉置屬 各本並脱「又置」二字,據元龜七一六補
- ベレ 宋高 祖 爲 相 止置 一諮議 参軍 各本並脱| 「相止置」三字,據元龜七一
- フセン 今諸 曹則 有 錄 事記 室戶曹至 車曹士曹集右戶墨曹凡十八曹參軍 「集」字下據職官分紀所載有

志

第

=

+

九

校

勘

記

曹」字,作「集曹」,則爲十九曹,與十八曹之數不合。 孫彪宋書考論云:「十八曹無集曹, 右戶

上集字行。」似是。

晉元帝鎭東丞相 府至 其東曹西曹度支金曹理曹典兵兵曹賊曹運曹禁防典賓騎士 車 曹凡 十三

曹 理曹」之「曹」字各本並脱、據志例補

八九し 板行參軍下則長兼行參軍 「下」各本並作「不」,據通典職官典改。

(0)秩二千石 各本並脱「石」字,據職官分紀補。

龍驤將軍晉武帝始以王濬居之 朔將軍,班在五威、五武之上,而前卷敍列將軍獨遺之,此傳寫偶脫 廿二史考異於宋書百官志下寧朔至五威、五武將軍條云:「寧 行耳。 南齊志,寧朔將軍

列於輔國之後。據此志官品先後次之,似寧朔當在龍驤之後矣。」

以耿弇爲建威大將軍 「建威」各本並作「建武」,據後漢書耿弇傳改正。

其威虜漢光武以馮俊居之 「馮俊」各本並作「馬俊」。 張森楷校勘記云:「當是馮俊之譌, · 見 }後

漢書岑彭傳。」按張校是,今改正。

則以名到焉 「到」通典職官典同宋書。 職官分紀作「列」。 疑作「列」是。

二吾 以相 及主織綬諸雜工 府作部配臺 各本並脱「主」字、據通典職官典補。 各本並脱「作」字,據通典職官典補。

- 二七 光武建武中元二年省 各本並脫「建武中元」四字,據續漢書郡國志補
- 使左右曹諸吏分平尚書奏事 各本並脫「奏」字,據藝文類聚四八引、初學記一二引、 晉書職官

志、通典職官典補。

- 二凸 使大錄萬機之政也 各本並脫「使」字、據藝文類聚四八引、御覽二一〇引補。
- 而省五兵尚書 各本 並脫「而省」二字、據通典職官典補。 通典云:「大明二年,分吏部尚書置

都官尚

二人而省五兵。」

 $\cong$ !書領都官水部庫部功論四曹 「功論」各本並作「功部」, 據南齊書百官志、 通典職官

}典 改。

- 呈 一郎主匈奴單于營部 「營部」上各本並衍「也」字、今删去。
- 所餘十七曹也 下 云 東晉康帝、 穆帝以後,又無虞曹、二千石二郎,猶有十八曹郎,而此云十七

曹郎 ,疑曹數有誤。

丞尉屬水衡都尉 各本並脫「尉」字、據通典職官典補。

# 宋書卷四十

### 志第三十

### 百官下

中人主之,故號曰黃門令。」然則黃門郎給事黃闥之內,故曰黃門郎也。魏、晉以來員四人, 與子歆書曰:「黃門郎、顯處也。」然則前漢世已爲黃門侍郎矣。」董巴漢書曰:「禁門曰黃闥, 關通中外,諸王朝見,則引王就坐。應劭曰:「每日莫向青瑣門拜,謂之夕郎。」史臣按劉向 秦曰給事黃門,無員,掌侍從左右,漢因之。漢東京曰給事黃門侍郎,亦無員,掌侍從左右, 給事黃門侍郎,四人。與侍中俱掌門下衆事。〔〕郊廟臨軒,則一人執麾。〔三漢]正表

章,四方貢獻,及徵詣公車者,皆掌之。 公車令,一人。 掌受章奏。 秦有公車司馬令,屬衞尉,漢因之,掌宮南闕門。 晉江左以來,直云公車令。 凡吏民上

秩六百石。

第三十 百官下

志

一二四四

丞一人。 周官爲醫師,秦爲太醫令,至二漢屬少府。

太官令,一人。丞一人。 周官爲膳夫,秦爲太官令,至漢屬 少府。

驊騮廐丞,一人。漢西京爲龍馬長,漢東京爲未央廐令,魏爲驊騮令。 自公車令至此,

隸侍中。

散騎常侍,四人。 掌侍左右。 秦置散騎,又置中常侍了散騎並乘輿車後。 中常侍得入

禁中。 皆無員,並爲加官。 漢東京初省散騎,而中常侍因用宦者。 魏文帝黃初初,置散騎,

合於中常侍,謂之散騎常侍,始以孟達補之。 久次者爲祭酒散騎常侍,秩比二千石

通直散騎常侍,四人。 魏末散騎常侍又有在員外者,晉武帝使二人與散騎常侍通直,

故謂之通直散騎常侍。晉江左置五人。

員外散騎常侍,魏末置,無員。

散騎侍郎,四人。 魏初與散騎常侍同置。 魏、晉散騎常侍、侍郎,與侍中、黃門侍郎共

平尚書奏事,江左乃罷。

通直散騎侍郎,四人。 初晉武帝置員外散騎侍郎四人,元帝使二人與散騎侍郎通直,

故謂之通直散騎侍郎,後增爲四人。

員外散騎侍郎,晉武帝置,無員。

中,無員。 漢西京置。 掌顧問應對,位次中常侍。漢東京省,魏世復置。

漢武帝置。孝建初,奉朝請省。 尉,唯留駙馬都尉、奉朝請。 以參軍爲奉車都尉,掾、屬爲駙馬都尉,行參軍、舍人爲騎都尉,皆奉朝請。 奉 朝會請召而已。晉武帝亦以宗室外戚爲奉車、駙馬、騎都尉,而奉朝請焉。 奉朝請,無員,亦不爲官。漢東京罷省三公、外戚、宗室、諸侯,多奉朝請。 永初已來,以奉朝請選雜,其尚主者唯拜駙馬都尉。三都尉並 駙馬都尉、三都尉秩比二千石。 後省奉車 元帝爲晉王, 奉朝請者, 一、騎都

官謁者令,非其職也。魏武帝爲王,置秘書令,典尚書奏事,又其任也。 後廷,四始使宦者典尚書事,謂之中書謁者,置令、僕射。元帝時,令弘恭,僕射石顯,秉勢 人一人,通事一人。江左初,合舍人通事謂之通事舍人,掌呈奏案章。後省通事,中書差侍 晉改曰中書侍郎,員四人。晉江左初,改中書侍郎曰通事郎,尋復爲中書侍郎。晉初置舍 爲中書令,又置監,及通事郎,次黃門郎。黃門郎已署事過,通事乃奉以入,爲帝省讀書可。 用事,權傾內外。成帝改中書謁者令曰中謁者令,罷僕射。至漢東京省中謁者令,而有中 中書令,一人。中書監,一人。「三」中書侍郎,四人。中書通事舍人,四人。 文帝黃初初,改 漢武帝游宴

志

三十

百

官下

郎 主事,本用武官,宋改用文吏。 一西省,一 又掌詔命。 宋初又置通事舍人,而侍郎之任輕矣。 舍人直閣內,隸中書。其

也。 圖籍。 郎謂 未有合撰者,此制遂替矣。 隸中書。 中書秘書丞。惠帝復置著作郎一人,佐郎八人,掌國史。周世左史記事,右史記言,卽其任 臺、石室、延閣、廣內之府是也。「引東京圖書在東觀。晉武帝以秘書幷中書,省監,謂丞爲 改令爲監。後欲以何楨爲祕書丞,而祕書先自有丞,乃以楨爲祕書右丞。「云後省。掌蓺 爲魏王,置祕書令、祕書丞。祕書典尚書奏事。 張奐書云「從兄祕書它何動靜」是也。 之大著作,專掌史任。晉制,著作佐郎始到職,必撰名臣傳一人。宋氏初,國朝始建, 漢東京圖籍在東觀,故使名儒碩學,著作東觀,撰述國史。著作之名,自此始也。 秘 周官外史掌四方之志、三皇五帝之書,卽其任也。漢西京圖籍所藏,有天祿、石渠、蘭 書監,一人。 晉武世,繆徵爲中書著作郎。元康中,改隸秘書,後別自爲省,而猶隸秘書。 秘書丞,一人。秘書郎,四人。 應劭漢官曰:「祕書監一人,六百石。」後省。 文帝黃初初,置中書令,典尚書奏事 漢桓帝延熹二年,置秘書監。 皇甫! 了而秘 魏武 規與 魏世

文

省中 位,魏始置領軍,主五校、中壘、武衞三營。 驍騎七軍營兵, 即領軍之任也。 ·壘校尉,置北軍中候,監五 領 軍 將軍,一人。掌內軍。 立校營。 漢有南北軍,衞京師。 魏武 晉武帝初省,使中軍將軍羊祜統二衞前後左右 為丞相,相府自置領軍 中候。 武帝置中壘校尉, 北軍中候置丞一人。 ,非漢官也。 掌北 軍營。 文帝即 懷帝永嘉 魏王 光武

中,改曰中領軍。

元帝永昌元年,復改曰北軍中候。

尋復爲領軍。

成帝世,復以爲中候,而

陶

回居之。

尋復爲領軍。

領軍今猶有南軍都督

別置 年,省 **(傳,**)廣 平 資 魏 則 中 輕 領 帝 武 復 者 爲 元 以都尉爲中尉矣。武帝元狩四年,以護軍都尉屬大司 軍 護 護 爲驍騎將軍,屬護軍將軍。 一置長 始 爲 相 軍將軍,一人。掌外軍。 軍 中 ,以韓浩爲護 元年,更名護軍都尉。 弁領 總統 領軍 史、司 軍。 二衞驍騎 中護軍。 馬。 明帝太寧二年,復置。 軍,史與爲領軍,非漢官也。 魏 初因 材官諸營,護軍 官屬有長史、司馬、功曹、主簿、五官。 置護軍,主武官選, 秦時護軍都尉,漢因之。 東京省,班固爲大將軍中 蓋護軍護諸將軍。 · 猶別 魏、晉江 有 營也。[五] 隸領軍,晉世 右領、護各領營兵,江左 建安十二年,改護軍爲中護軍, 哀帝元壽元年,更名護軍都尉曰司寇。 ·護軍,隸將軍莫府,非漢 陳平爲護軍中尉,盡護諸將。然 '馬,于時復爲都尉矣。 領、護資重 則不隸也。 受命 者為領 出征 一則置 以來,領軍 晉元 軍 護 多軍 帝永昌元 漢書李廣 朝列 軍將軍 領軍 ·不復 職。 · 爲

志

第

 $\equiv$ 

+

百

官

下

一二四八

相 國 一, 相 國府置 將軍,一人。 一中衞將軍。 右衞將軍,一人。二衞將軍掌宿衞營兵。 武帝初,分中衛置左右衞將軍,以羊琇爲左衞,趙序爲右衞。 二漢、魏不 置。 晉文帝 爲

衛江右有長史、司馬、功曹、主簿,江左無長史。

驍騎將軍,漢武帝元光六年,李廣爲驍騎將軍。 魏世置爲內軍,有營兵,高功者主之。

先有司馬、功曹、主簿,後省。

游擊將軍,漢武時,韓說爲游擊。是爲六軍。

左軍將軍。 右軍將軍。 前軍將軍。 後軍將軍。 魏明帝時,有左軍將軍,然則左軍魏官

也。 晉武帝初,置前軍、右軍,泰始八年,又置後軍。 是爲四軍。

左中郎將。 右中郎將。 秦官,漢因之。與五官中郎將領三署郎,魏無三署郎,猶置其

職。晉武帝省。宋世祖大明中又置。

故以 宣曲 步兵掌上林苑門屯兵;越騎掌越人來降,因以爲騎也;一說取其材力超越也。長水掌長水 胡騎。 爲名。 屯騎校尉。 長水、蓋關中小水名也。」射聲掌射聲士,聞聲則射之,故以爲名。 長水,胡部落名也。 步兵校尉。 越騎校尉。 胡騎屯宣曲觀下。 長水校尉。 章曜曰:「長水校尉,典胡騎,廐近長水, 射聲校尉。 五校並漢武帝置。 漢光武初改 屯騎、

屯騎爲驍騎,越騎爲青巾。

建武十五年,復舊。

漢東京五校, 典宿衞士。

自游擊至五校,

魏、晉逮于江左,初猶領營兵,並置司馬、功曹、主簿,後省。 二中郎將本不領營也。 五營校

尉,秩二千石。

舊作虎奔,言如虎之奔走也。 王莽輔政,以古有勇士孟賁,故以奔爲賁。 比二千石。 之諸門,故名期門。無員,多至千人。平帝元始元年,更名曰虎賁郎,置中郎將領之。 虎賁中郎將,周官有虎賁氏。漢武帝建元三年,始微行出遊,選材力之士執兵從送,期

**冗從僕射,漢東京有中黃門冗從僕射,非其職也。魏世因其名而置冗從僕射。** 

不改。 高祖 宣帝令中郎將騎都尉監羽林,謂之羽林中郎將。漢東京又置羽林左監、羽林右監,至魏世 永初初,復置。江右領營兵,江左無復營兵。羽林監六百石。 羽林監,漢武帝太初元年,初置建章營騎,亦掌從送次期門,後更名羽林騎,置令、丞。 晉罷羽林中郎將,又省一監,置一監而已。自虎賁至羽林,是爲三將。哀帝省。宋

壽 置 積 强弩將軍。 積射 、强弩將軍主之。 將軍。 强弩將軍至東漢爲雜號。 强弩將軍。 漢武帝以路博德為强弩校尉, 李沮為强弩將軍。 自驍騎至强弩將軍,先並各置一人,宋太宗泰始以來,多以軍功得 前漢至魏無積射。晉太康十年,立射營、弩營, 宣帝以許延

此官,今並無復員。

志

第三

十

百官下

殿 中將 軍。 殿 中司馬督。 晉武帝時,殿內宿衞,號曰三部司馬,置此二官,分隸左右二

孝武 衞。 江右初,員十人。 太元中,改選,以門閥居之。 朝會宴饗,則將軍戎服,直侍左右,夜開城諸門,則執白虎幡監之。晉 宋高祖永初初,增爲二十人。其後過員者,謂之殿中員外

將軍、員外司馬督。其後並無復員。

非其任也。晉氏不常置。 武衞將軍,無員。 初魏王始置武衞中郎將,文帝踐阼,改爲衞將軍,主禁旅,如今二衞, 宋世祖大明中,復置,代殿中將軍之任,比員外散騎侍郎。

武騎常侍,無員。漢西京官。車駕游獵,常從射猛獸。 後漢、魏、晉不置。 宋世祖大

明中,復置。比奉朝請。

史一人,不復領中丞也。漢東京御史中丞遇尙書丞郎,則中丞止車執版揖,而丞郎坐車舉 出外爲御史臺主,名御史長史。光武還曰中丞,又屬少府。獻帝時,更置御史大夫,自置 長史,而中丞官職如故。哀帝建平二年,復爲御史大夫。元壽二年,復爲大司空。而中丞 劾按章。時中丞亦受奏事,然則分有所掌也。<br />
成帝綏和元年,更名御史大夫爲大司空,置 史中丞。殿中蘭臺秘書圖籍在焉,而中丞居之。外督部刺史,內領侍御史,受公卿奏事,舉 手禮之而已。不知此制何時省。中丞每月二十五日,繞行宮垣白壁。 史臣按漢志執金吾 御史中丞,一人。[10]掌奏劾不法。秦時御史大夫有二丞,[11]其一曰御史丞,其二曰御 長

毎 ?月三繞行宮城,疑是省金吾,以此事倂中丞。 中丞秩千石。

御 史。 治 漢 書侍御史,掌舉劾官品第六已上。漢宣帝齋居決事,令御史二人治書,因謂之治書 東京使明法律者爲之,天下讞疑事,則以法律當其是非。魏、晉以來,則分掌侍御

史所掌諸曹,若尙書二丞也。

人。 史八 廢帝! 焉。 外左庫 直 員 曹,自己而置御史九人。 事 曰 並 臺,位次御史中 即 十五五 秦 景和元年又省。江三順帝初,省營軍倂水曹, 曹 人,有治書曹,掌度支運,課第曹,掌考課,不知其餘曹也。 侍 魏 曹、掌 漢 、印曹、中都督曹、外都督曹、媒曹、符節曹、水曹、中壘曹、營軍曹、算曹、法曹,凡十 御 、內左庫二曹。 又有殿中侍御史二人, 人。 .史,於周爲柱下史。 有 符節令,隸 刻印,三曰供曹,掌齋祠,四曰尉馬曹,掌官廐馬,五曰乘曹,掌護駕。 掌察舉非法,受公卿奏事,有違失者舉劾之。凡有五曹,一曰令曹,掌律令, ·丞,掌授節、銅虎符、竹使符。 宋太祖元嘉中,省外左庫,而內左庫直云 少府,領符璽郎、符節令史,蓋周禮典瑞 晉江左初,省課第曹,置庫曹,掌廐牧牛馬市租。 周官有御史,掌治令,亦其任也。 蓋是蘭臺遣二御史居殿內察非法 晉武帝泰始九年,省幷蘭臺,置符節御史掌 省算曹倂法曹, 秦置侍御史,漢因之。二漢 掌節 一左庫。 也。 晉西朝凡有吏曹、課第曹、 吏曹不置御史, 之任也。 晉西 世祖大明 朝 後復分庫曹,置 四人, 漢至 凡 中,復置。 江左 魏置御 魏 十御史 別 爲

志

第

Ξ

+

百官

下

其事焉。<a>[四]</a>

後漢百官志,謁者僕射掌奉引。 官也。謁,請也。應氏漢官曰,堯以試舜,賓于四門,是其職也。秦世謁者七十人,漢因之。 中,復置。 魏 然則又掌唱贊。「尽」有常侍謁者五人,謁者則置三十五人,半減西京也。二漢並隸光祿勳。 世置謁者十人。晉武帝省僕射,以謁者隸蘭臺。 謁者僕射,一人。 掌大拜授及百官班次。領謁者十人。謁者掌小拜授及報章。 秩比千石。 和帝世,陳郡何熙爲謁者僕射、三營舞殿中,音動左右。 江左復置僕射,後又省。 宋世祖大明 蓋秦

器械。 常。 爰濬先出督運得免。 無常員。 漢 都水使者,一人。掌舟航及運部。秦、漢有都水長、丞,主陂池灌溉,保守河渠,屬太 晉武帝省水衡,置都水使者,而河隄爲都水官屬。 東京省都水,置河隄謁者,魏因之。漢世水衡都尉主上林苑,魏世主天下水軍舟船 晉 西朝· 有參軍而無謁者,謁者則江左置也。懷帝永嘉六年,胡入洛陽,都水使者 然則武帝置職,便掌運矣。 江左省河隄。 有參軍二人,謁者一人,令史減置

太子太傅,一人。丞一人。太子少傅,一人。丞一人。傅,古官也。 文王世子曰:「凡

少傳,如弟子事師之禮;二傅不得上疏曲敬。二傅並有功曹、主簿、五官。太傅中二千石, 次太常。二漢並無丞。 三王教世子,太傅在前,少傅在後,並以輔導爲職。」漢高帝九年,以叔孫通爲太子太傅,位 魏世無東宮,然則晉氏置丞也。晉武帝泰始五年,詔太子拜太傅、

少傅二千石。

官屬悉屬少傅,而太傅不復領官屬。晉初太子官屬通屬二傅。咸寧元年,復置詹事,二傅 夫、庶子、洗馬、舍人屬二傅,率更令、家令、僕、衞率屬詹事。 皆秦官也。 後漢省詹事,太子 太子詹事,一人。丞一人。職比臺尚書令、領軍將軍。詹,省也。漢西京則太子門大

不復領官屬。詹事二千石。[1+]

家令,一人。丞一人。晉世置。漢世太子食湯沐邑十縣,家令主之。 又主刑獄飲食,

職比 ·廷尉、司農、少府。 漢東京主食官令。 食官令,晉世自爲官,不復屬家令。 率更令,一人。主宮殿門戶及賞罰事,職如光祿勳、衞尉。漢東京掌庶子、舍人,晉世 自漢至晉,家令在率更下,宋則居上。

則不也。

如 太僕、宗正。 漢世太子五日一朝,非入朝日,遣僕及中允旦入請問起居,主車馬、親族,職 自家令至僕,爲太子三卿。三卿秩千石。

門大夫,二人。 漢東京置,職如中郎將,分掌遠近表牋。 秩六百石。

志

第三

+

百

官下

一二五四

中庶子,四人。 職如侍中。 漢東京員五人,晉減爲四人。秩六百石。

中舍人,四人。 漢東京太子官屬有中允之職,在中庶子下,洗馬上,疑若今中書舍人

中舍人,晉初置,職如黃門侍郎。

食官令,一人。職如太官令。漢東京官也。今屬中庶子。

中郎。古者諸侯世〔禄,卿大夫之子卽爲副倅,謂之國子,天子諸侯〕子有庶子之官,〔以掌 庶子四人,職比散騎常侍、中書監令。晉制也。漢西京員五人,漢東京無員,職如三署

教之」「「公秦因其名也。秩四百石。

舍人,十六人。職如散騎、中書侍郎。晉制也。 二漢無員,掌宿衞如三署中郎。

洗馬,八人。 職如謁者、秘書郞也。 二漢員十六人。 太子出,則當直者前驅導威儀。 秩

比六百石。

晉初曰中衞率, 泰始分爲左右,各領一軍。 惠帝時, 愍懷太子在東宮, 加置前後二率。 太子左衞率,七人。太子右衞率,二人。二率職如二衞。秦時直云衞率,漢因之,主門

成都 王穎爲太弟,又置中衞,是爲五率。江左初,省前後二率。孝武太元中又置。

宋世止置左右二率。 秩舊四百石。

太子屯騎校尉。太子步兵校尉。太子翊軍校尉。 三校尉各七人,並宋初置。 屯騎、步

兵,因臺校尉;翊軍,晉武帝太康初置,始爲臺校尉,而以唐彬居之,江左省。

太子冗從僕射,七人。宋初置。

太子旅賁中郎將,十人。 職如虎賁中郎將。 宋初置。 周官有旅賁氏。 漢制,天子有虎

**賁**,王侯有旅賁。 旅,衆也。

積弩。

太子左積弩將軍,十人。太子右積弩將軍,二人。漢東京積弩將軍,雜號也,無左右之

魏世至晉江左,左右積弩爲臺職,領營兵。宋世度東宮,無復營矣。

殿中將軍,十人。殿中員外將軍,二十人。宋初置。

平越中郎將,晉武帝置,治廣州,主護南越。日立

南蠻校尉,晉武帝置,治襄陽。 江左初省。尋又置,治江陵。 宋世祖孝建中省。

西戎校尉,晉初置,治長安。安帝義熙中又置,治漢中。

寧蠻校尉,晉安帝置,曰曰治襄陽,以授魯宗之。

南夷校尉,晉武帝置,治寧州。江左改曰鎭蠻校尉。 四夷中郎校尉,皆有長史、司馬、

參軍。 魏、晉有雜號護軍,如將軍,今猶有鎭蠻、安遠等護軍。 鎭蠻以加廬江、晉熙、西陽太

守。安遠以加武陵內史。

志第三十

百

官下

暴寡 乘傳周 疾,山 不得 歲終 祀,律令師一人,平律,簿曹書佐一人,主簿書,典郡書佐每郡各一人,主一郡文書:漢制也。 亭長一人,主州 事 其 傳」是也 行 石子弟恃怙榮勢,請託所監;其六條曰,二千石違公下比,阿附豪强,通行貨賂,割損 三條曰,二千石不恤疑獄,風厲殺人,怒則加罰,喜則任賞,煩擾苛暴,剝戮黎元,爲百姓所 日 史 任漸 那 監 縣 則 ',其二條日,二千石不奉詔書,遵承典制,背公向私,旁詔守利,侵漁百姓,聚斂爲姦;其 刺 御 刺 :崩石裂,妖祥譌言,其四條曰,二千石選署不平,苟阿所愛,蔽賢寵頑,其五條曰,二千 人,主 史,而 行 乘 尙 韶,[三]棗據追遠詩曰:「先君爲鉅鹿太守,迄今三紀。 史,每州各一人。黃帝立四監以治萬國,唐、虞世十二牧,是其職也。 重 矣。 郡 傳詣京師奏事。 .書事是也。刺史班行六條詔書,其一條曰,强宗豪右,田宅踰制,以强陵弱,以衆 靈帝世,天下漸亂,豪桀各據有州郡,而劉焉、劉虞並自 國,無適所治。 兵事 更遣丞相史分刺諸州,謂之刺史。刺之爲言猶參覘也。寫書亦謂之刺。 官屬 正門; 功曹書佐一 r , 部 從 ?有別駕從事史一人,從刺史行 事 ,史每郡各一人,主察非法,主簿 成帝綏和元年,改爲牧。哀帝 後漢世,所治始有定處,止八月行部,不復奏事京師。 人,主選用;孝經師 部,治中從事 一 人, 建平二年,復爲刺史。前漢世 一人,錄閣 主試經, 月令師一 忝私 史一人,主財穀簿書 爲冀州刺史,班詔 九卿出爲益州、幽州牧, 下衆事,省署 人,主時節祠 周改曰典,秦 晉江 文書, 門 ,兵曹從 次于郡 一,刺史 正令。 漢制 左 猶

王越爲豫州牧,牧置長史、參軍,庾敳爲長史,自己謝鯤爲參軍,此爲牧者則無也。 州之曹史,漢舊名也。漢武元封四年,令諸州歲各舉秀才一人。後漢避光武諱,改茂才。魏 |州有從事史,在議曹從事史下,大較應是魏、晉以來置也。 漢之功曹書佐也。 上,而別駕從事史如故,今則無也。別駕、西曹主吏及選舉事,治中主衆曹文書事。西曹,卽 復曰秀才。晉江左揚州歲舉二人,諸州舉一人,或三歲一人,隨州大小,並對策問。 主簿以下,置人多少,各隨州,舊無定制也。 今有別駕從事史、治中從事史、主簿、西曹書佐、祭酒從事史、議曹從事史、<br/>
部郡從事史,自 、祭酒分掌諸曹兵、賊、倉、戶、水、鎧之屬。 晉成帝咸康中,江州又有別駕祭酒,居僚職之 。今廣州、徐州有月令從事,若諸 揚州無祭酒,而主簿治事。 牧二千 晉東海 荆

催督期會,漢制也,今略如之。 諸郡各有舊俗,諸曹名號,往往不同。 漢武帝納董仲舒之 戍者,丞爲長史。晉江左皆謂之丞。尉典兵,備盜賊。漢景帝中二年,更名守曰太守,尉爲 都尉。光武省都尉,後又往往置東部、西部都尉。有蠻夷者,又有屬國都尉。漢末及三國 公府,無東西曹,有功曹史,主選舉,五官掾,主諸曹事,部縣有都郵、門亭長,又有主記史, 多以諸部都尉爲郡。晉成帝咸康七年,又省諸郡丞。宋太祖元嘉四年,復置。郡官屬略如 郡守,秦官。 秦滅諸侯,隨以其地爲郡,置守、丞、尉各一人。守治民,丞佐之。郡當邊

石,刺史六百石。

志

漢制歲遣上計掾史各一人,條上郡內衆事,謂之階簿,至今行之。太守二千石,丞六百石。 口十萬以上,歲一人,有秀異,不拘戶口。江左以丹陽、吳、會稽、吳興並大郡,歲各舉二人。 疑,能案章覆問,文中御史,四曰剛毅多略,遭事不惑,明足決斷,材任三輔縣令。魏初,更制 人。限以四科,一曰德行高妙,志節清白,二曰學通行修,經中博士,三曰明習法令,足以決 三人,八十萬,四人,百萬,五人,百二十萬,六人,不滿二十萬,二歲一人,不滿十萬,三歲一 言,元光元年,始令郡國舉孝廉,制郡口二十萬以上,歲察一人;四十萬以上,二人;六十萬,

化,嗇夫主爭訟,游徼主姦非。其餘諸曹,略同郡職。以五官爲廷掾,後則無復丞,唯建康 主之、十亭爲鄉、鄉有鄉佐、三老、有秩、嗇夫、游徼各一人。鄉佐、有秩主賦稅,三老主敎 餘大縣置二人,次縣、小縣各一人。宋太祖元嘉十五年,縣小者又省之。 有獄丞,其餘衆職,或此縣有而彼縣無,各有舊俗,無定制也。晉江右洛陽縣置六部都尉, 縣一人。五家爲伍,伍長主之,二五爲什,什長主之,十什爲里,里魁主之,十里爲亭,亭長 縣令、長、秦官也。大者爲令,小者爲長,侯國爲相。漢制,置丞一人,尉大縣二人,小

道也。使之導引當道伯中以驅除也。周制五百爲旅,帥皆大夫,不得卑之如此說也。又周 古之諸侯,故立四五百以象師從旅從,依古義也。章曜日,五百字本爲伍伯。 諸官府至郡,各置五百者,舊說古君行師從,卿行旅從。旅,五百人也。今縣令以上, 伍,當也。伯,

近之矣,名之異爾。又漢院中有伯使,主爲諸官驅使辟路於道伯中,故言伯使,此其比也。 **;禮秋官有條狼氏,掌執鞭以趨辟,王出入則八人夾道,公則六人,侯伯則四人,子男則二人,** 

縣令千石至六百石,長五百石。

軍 帝諱師,改爲傅。宋世復改曰師。其文學,前漢已置也。友者因文王、仲尼四友之名也。改 守,省內史。其中尉如郡尉,太傅但曰傅。漢東京亦置傅一人,王師事之,相一人,主治民, 師。 太守爲內史,省相及僕。 中,無員。魏氏謁者官屬,史闕不知次第。晉武帝初置師、友、文學各一人。師即傅也,景 書;中大夫,無員,掌奉使京師及諸國;謁者及禮樂、衞士、醫工、永巷、祀禮長各一人,「三三郎 中尉一人,主盜賊,郎中令一人,掌郎中宿衞,僕一人,治書一人,治書本曰尚書,後更名治 金吾,郎中令爲光祿勳,而王國如故,又太僕爲僕,司農爲大農。成帝更令相治民如郡太 府、宗正、博士官,其大夫、謁者、諸官長丞,皆損其員數。後改漢內史爲京兆尹,中尉爲執 侍 前 至景帝懲七國之亂,更制諸王不得治國,漢爲置吏,改丞相曰相,省御史大夫、廷尉、少 漢 [初王國置太傅,掌輔導;內史主治民;丞相統衆官,中尉掌武職。 分官置職,略同京 典書、典祠、典衞、學官令、典書令丞各一人,治書四人,中尉、司馬、世子庶子陵 大國又置上軍、中軍、下軍三將軍,次國上軍將軍、下軍將軍各一人,小國上 有郎中令、中尉、大農爲三卿。 大國置左右常侍各三人,省郎中,

志 第

=

+

廟、牧長各一人,謁者四人,中大夫六人,舍人十人,典醫丞、典府丞各一人。宋氏以來, 晉江左諸國,並三分食一。元帝太興元年,始制九分食一。 以下,又無學官令矣。 吏職皆以次損省焉。 晉江右公侯以下置官屬,隨國小大,無定制也。 令居三軍下矣。 江左以來,公國則無中尉、常侍、三軍,侯國又無大農、侍郎,伯子男唯典書 用晉制,雖大小國,皆有三軍。晉制,典書令在常侍下,侍郎上;江左則侍郎次常侍,而典書

太傅。 太尉。 大司馬。 太保。 司徒。 大將軍。 太宰。 司空。

諸位從公。

右第一品

驃騎,車騎,衞將軍。

特進。

諸 大將軍。

諸持節都督。

才穿

侍中,散騎常侍。

中書監,令。 祕書監。

諸征、鎭至龍驤將軍。

諸卿,尹。光祿大夫。

太子二傅。

大長秋。

太子詹事。

領、護軍。

縣侯。

右第三品

二衞至五校尉。

寧朔至五威、五武將軍。

志第三十 百官下

書 卷 四 +

四中郎將。

戎蠻校尉。 刺史領兵者。

御史中丞。 都水使者。

鄉侯。

右第四品

給事中。黃門、散騎、中書侍郎。

謁者僕射。

三將,積射、强弩將軍。

太子中庶子,庶子,三卿,率。

鷹揚至陵江將軍。

刺史不領兵者。

郡國太守,內史,相。

亭侯。

右第五品

二六二

尚書丞,郞。

治書侍御史,侍御史。

三都尉。

博士。

撫軍以上及持節都督領護長史,司馬。

公府從事中郞將。

廷尉正,監,評。

秘書著作丞,郎。

王國公三卿,師,友,文學。

諸縣署令千石者。

太子門大夫。

殿中將軍,司馬督。

雜號護軍。

關內侯。

右第六品

百万官下

志第三十

謁者。

殿中監。

諸卿尹丞。

太子傅詹事率丞。

諸軍長史、司馬六百石者。

諸府參軍。

戎蠻府長史,司馬。

太子洗馬,舍人,食官令。公府掾,屬。

諸縣令六百石者。 太子洗馬,舍人,食官令。

右第七品

內臺正令史。

郡丞。

雜號宣威將軍以下。諸縣署長。

一二六四

右第

內臺書令史。

外臺正令史。

諸縣署丞,尉。

右第九品。 凡新置不見此諸條者,隨秩位所視,蓋□ □ 右所定也。[詞]

### 校勘記

與侍中俱掌門下衆事 各本並脫「門下」二字,據晉書職官志、通典職官典、藝文類聚四八引補。

郊廟臨軒則 人執麾 <u>{{}}强典職官典作「郊廟則一人執蓋,臨軒朝會則一人執麾」。疑此有脫文。</u>

中書監一 人 「中書監」各本並作「中書舍人」,據晉書職官志改。 李慈銘宋書礼記云:「中書舍

人一人,當據晉志改作中書監一人。今各本皆誤。六朝止有中書通事舍人,無單稱中書舍人

管機密。 者,晉宋兩志所敍皆甚明。 至晉彌重,權在尚書令上。 史有徑曰中書舍人者省文耳。 東渡以後,任專尚書,於是中書監、令或止設一人。至宋世 至中書有令有監,自魏文帝始置,並

而中書監或特以爲重臣之加官。」

껃띡 漢武帝游宴後 廷 各本並脫「宴」字,據晉書職官志、唐六典、通典職官典補

志第三十 校勘記

一二六六

五二 罷 僕射 「僕射」各本並作「謁者」,據晉書職官志改。 李慈銘宋書礼記云:「謁者當作僕射、各本

俱誤,當據晉志改。」

<u>ベ</u> 凵 後欲以何楨爲祕書丞而 一「禎」字各本作「禎」。 按三國志魏志管寧傳注引文士傳:「楨字元幹,廬江人,有文學器幹。」 秘書先自有丞乃以楨爲秘書右丞 何楨,前一 「楨」字各本作「禛」, 後

據楨字元餘、則字當作「楨」。今改正。

有天祿石渠蘭臺石室延閣廣內之府是也 「天祿」各本並作「天府」,據職官分紀改。 按麒麟、天

領軍不復別置營 各本並脫「置」字,據通典職官典補。

總統二衞驍騎材官諸營護軍猶別有營也 各本並脫「營護」二字,據晉書職官志、 通典職官

}典 補。

[10] 御史中丞一人《各本並脫「中」字,據远瞻四五七補。

秦時御史大夫有二丞 各本並脫「秦」字,據晉書職官志補。

晉西朝凡有吏曹至 中壘曹營軍曹算曹法曹凡十三曹 「中壘曹」各本並作「中堅曹」,據晉書職

官志、唐六典、通典職官典改。

廢帝景和元年又省 「省」各本並作「置」,據唐六典、元龜五一二改。

- 置符節 御史掌其事焉 「置」各本並作「署」,據晉書職官志、唐六典改。
- 二 吾 陳郡 何 熙 爲 謁 者僕射 「何熙」各本並作「向熙」,據後漢書梁瑾傳 何熙附傳改正。
- 然則 又掌 唱贊 各本並脫「掌唱贊」三字,據通典職官典
- 二七 詹事二千石 「二千石」各本並作 「一千石」。 據職官分紀改。 按應劭漢官儀、 唐六典並作二

千石。

古者諸侯世祿卿大夫之子卽爲副倅謂之國子天子諸侯子有庶子之官以掌敎之 各本並脫 「禄

諸侯」,及「以掌教之」共二十二字,今據藝文類聚四九引、

**羅斯** 

24

五引

二 主護 南 越 各本並脫「護」字,據晉書職官志、通典職官典補

卿大夫至 天子

- 晉安 帝 置 「安帝」各本並作「武帝」,據晉書職官志改。按魯宗之,東晉安帝時 人,作安帝置是。
- $\subseteq$ 晉江 左 郡 縣 詔 據 下棗據追遠詩敍「班詔次于郡傳 」語,疑「郡 縣」下脫「班」字。
- 庾敳 爲 長 史 庾敳 各本並作「庾凱」,據晉書庾峻傳子敳 附傳 改。
- 謁 者 及 禮 樂衞 士醫工 永 巷祀 禮 長各一人 各本並脱「謁 」字)據通典職官典
- 蓋口口右所定也 品,明指言晉江右所定。」則所闕似卽爲「晉江」二字。 「蓋」字下各本空闕二字,按 岳 河塊郯錄卷十人品明證條云: 「宋書志所載九

# 宋書卷四十

### 列傳第一

#### 后妃

所制。 相,貴人位比三司,以爲三夫人。又置昭儀、昭容、昭華,以代修華、修儀、修容。 美人,漢光武所制。 國所制。 千石以下。高祖受命,省二才人,其餘仍用晉制。 修華、修容、修儀、婕妤、容華、充華,是爲九嬪,位視九卿。 帝祖母號太皇太后,母號皇太后,妃號皇后,漢舊制也。 晉武帝採漢、魏之制,置貴嬪、夫人、貴人,是爲三夫人,位視三公。 修容,魏文帝所制。 貴人,漢光武所制。淑妃,魏明帝所制。 世祖孝建三年,省夫人、修華、修容,置貴妃,位比相國,進貴嬪,位比丞 修儀,魏明帝所制。 婕妤、容華,前漢舊號。 貴嬪,魏文帝所制。夫人,魏武帝初建 淑媛,魏文帝所制。 其餘有美人、才人、中才人,舒視 淑儀、修華,晉武帝 充華,晉武帝所制。 淑妃、淑媛、淑儀、 又置中才 魏

列傳

第

后

妃

ーニ七〇

武帝所制。 人、充衣,以爲散位。 充衣,前漢舊制。 昭儀,漢元帝所制。 太宗泰始元年,省淑妃、昭華、中才人、充衣,復置修華、修儀、 昭容,世祖所制。 昭華,魏明帝所制。 中才人,晉

修容、才人、良人。 三年,又省貴人,置貴姬,以備三夫人之數。 又置昭華,增淑容、承徽、列

徽、列榮凡五職,班亞九嬪。美人、中才人、才人三職爲散役。 榮。以淑媛、淑儀、淑容、昭華、昭儀、昭容、修華、修儀、修容爲 九嬪。 其後太宗留心後房,擬外百 婕妤、容華、充華、承

後宮通尹,準錄尚書。官,備位置內職。列其名品于後。

紫極戶主。

光興戶主。

官品第一各置一人,並銓六宮。

後宮列敍,準尚書令,銓六宮。

紫極中監尹,銓六宮。

光興中監尹、銓六宮。

宣融戶主,銓六宮。

紫極房帥,置一人。

## 光興房帥,置一人。

官品第一各置一人。

後宮司政、準右僕射、銓人士。後宮司儀、準左僕射、銓人士。

參議女林,準銀靑光祿,銓人士。

中臺侍御尹,銓六宮。

宋蓺房主,銓六宮。 宣融便殿中監尹,銓六宮。

南房主,銓六宮。

中藏女典,銓六宮。

典坊,銓六宮。

樂正,銓六宮。

內保,銓人士。

學林祭酒,銓人士。

列傳第一 后妃

昭陽房帥,置一人。

徽音房帥、置一人。

宣融房帥,置一人。

官品第三各置一人。

後宮都掌治職,置二人。 準左右丞,位比尚書,銓人士。

後宮殿中治職,置一人。 準左民尚書,銓人士。

後宮源典治職,置一人。

準祠部尚書,銓人士。

後宮穀帛治職,置一人。 準度支尚書。

中傅,置一人。銓人士。

後宮校事女史,置一人。 銓人士。

紫極中監女史,置一人。 銓人士。

光興中監女史,置一人。 銓人士。

宣融房參事,置人無定數。 紫極房參事,置人無定數。 銓人士。 有限外。

銓人士。

有限外。

**贊樂女史,置一人。** 

经人士。 中臺侍御奏案女史,置一人。 銓人士。

中訓女史,置一人。 銓人士。

女祝史,置一人。

紫極中監典,置一人。

光興中監典,置一人。

典樂帥,置人無定數。 有限外。

紫極房廉帥祭酒,置一 光興房廉帥祭酒,置一人。

宣融房廉帥祭酒,置一人。

官品第四

後宮通關參事,置一人。

景德房參事,置人無定數。 采蓺房參事,置人無定數。 銓人士。 銓人士。

南房參事,置人無定數。 內房參事,置一人。銓人士。 銓人士。 」

校學女史,置一人。 銓人士。

列 傳

第一

后 妃

二七三

後宮中房帥,置二人。

後宮源典帥,置二人。

後宮穀帛帥,置二人。

中臺帥,置一人。

中臺侍御詔誥帥、置二人。中臺侍御起居帥、置二人。

景德房帥,置一人。斯男房帥,置一人。

采蓺房帥,置一人。

內坊帥,置一人。中藏帥,置一人。

招慶房帥、置一人。南房帥、置一人。

一二七四

紫極諸房廉帥、置人無定數。有限外。

紫極中監省帥,置一人。

紫極殿帥,置六人。

光興殿帥,置四人。

徽章監帥、置一人。

清商帥,置人無定數。宣融便殿中監典,置一人。

總章帥,置人無定數。

左西章帥、置人無定數。

中廚帥,置一人。

官品第五

中臺侍御監閨帥,置二人。中臺侍御執衞,置人無定數。

第一 后妃

列

傅

中臺侍御監司帥、置二人。

宣融便殿帥,置一人。

永巷帥,置一人。

後宮都掌內史,置二人。

後宮源典內史,置一人。後宮殿中內史,置一人。

後宮穀帛內史,置二人。

後宮監臨內史,置二人。

中臺侍御典內史,置二人。中臺侍御執法內史,置一人。

中臺侍御節度內史,置二人。

中臺侍御應內史,置六人。

紫極房內史,置一人。

助教,置一人。 光興房內史,置一人。

綵製帥,置人無定數。

繡帥、置人無定數。
裝飾帥、置人無定數。

織帥,置人無定數。

宮閨帥,置一人。

學林館帥,置一人。

教堂帥,置人無定數。有限外。

累室帥,置人無定數。監解帥,置人無定數。

行病帥,置人無定數。

官品第六

御淸帥,置一人。

諸房禁防,置人無定數。監夜帥,置一人。

列傳第

后妃

1 二七七

中廚廉、置三人。 諸房廚帥,各置一人。 三廂禁防,置三人。

應閨,置六人。

宮閨史,置一人。 諸應閤,置人無定數。

官品第七

中藏掾,各置二人。 諸房中掾,各置一人。

紫極供殿直倀。

比五品敕吏

光興供殿直倀。

總章伎倀。

主衣。 侍御扶侍。

一二七八

準二衞五品,敕吏比六品。

供殿左右。紫極置二十人。光興置十人。

作倀。

比諸房禁防

比王官

供殿給使。紫極置二十人。光興置十人。

典殿、置人無定數。

比官人

全堂給使,置五人。紫極三廂給事,置十人。

宮閨給使,置六人。

**比房** []

一二七九

丹徒官舍,時年二十一。葬晉陵丹徒縣東鄉練壁里雩山。 孝穆趙皇后諱安宗,下邳僮人也。 后以晉穆帝升平四年嬪孝皇,晉哀帝興寧元年四月二日生高祖。 祖彪字世範,治書侍御史。父裔字彥胄,平原太守。 宋初追崇號諡,陵曰興寧。 其日,后以**產疾**殂于

侯,食邑五百戶。」於是追封裔臨賀縣侯。裔長子宣之,仕至江乘令。蚤卒,無子,以弟孫襲 后屬,爰自漢、魏,咸遵斯典。外祖趙光禄、蕭光祿,名器雖隆,茅土未建,並宜追封開國縣 |吳郡||壽昌縣君。| 孫氏,東莞人也。 其年,又詔曰:「推恩之禮,在情所同。 故內樹宗子,外崇 思,遠稽舊章,並可追贈光祿大夫,加金章紫綬。裔命婦孫可豫章郡建昌縣君,卓命婦趙 京,壽張顯於隆漢。故平原太守趙裔、故洮陽令蕭卓,並外屬尊戚,不逮休寵。 |永初二年,有司奏曰:「大孝之德,盛於榮親。一人有慶,光被萬國。是以靈文寵於西 臣等仰述聖 可

孝穆后殂,孝皇帝娉后爲繼室,生長沙景王道憐、臨川烈武王道規。 孝懿蕭皇后諱文壽,蘭陵蘭陵人也。 祖亮字保祚,侍御史。父卓字子略,洮陽令。 義熙七年,拜豫章

洪業。 者禮 公太夫人。 入朝,因受晉禪,在外凡五年,后常留 備。 雖 幽 故祗敬表於崇高,嘉號彰於盛典。 明 高祖爲宋王,又加太妃之號。 同 慶,而稱謂未窮。 稽之前代,禮有恒準,宜式遵舊章,允副羣望。 東府。 高祖以十二年北伐,仍停彭城、壽陽,至元熙二年 伏惟太妃母儀之德,化穆不言,保翼之訓,光被 高 祖 殿阼, 有司奏曰:「臣聞道積者慶流,德治 臣等請上

上 以恭孝 為行,奉太后素謹,及卽大位,春秋已高,每旦入朝太后,未嘗失時刻。

也。

宋王太后號皇太后。」 [三] 故有司奏猶稱太妃

世五 初,高 素門之禮,與王者制度奢 后遺旨施 少帝 十餘年,古 祖微時,貧約過甚,孝皇之殂,葬禮多闕,高祖遺旨,太后百歲後不須 行 卽 位 一,加崇 不 詂 葬。 目 太皇太后。 儉 且漢世帝后陵皆異處,今可 不 同,婦人禮有所從, 景平元年, 崩于顯陽殿, 可一遵往式。」乃開別擴, 於塋域 時年八 之內別 十 爲 壙。 0 、祔葬。 遺令曰:「孝皇背 與興寧陵合墳。 孝皇陵墳本用 至是故稱

卓初 與趙裔俱贈金紫光祿大夫,又追封封陽縣侯,妻下邳趙氏封吳郡壽昌縣君。

源之襲爵,源之見子思話傳。

武敬臧皇后諱愛親,東莞人也。 祖汪字山甫、尚書郎。 父儁字宣义,郡功曹。

后適高祖 一,生會稽宣長公主興弟。 高祖以儉正率下,后恭謹 不違。 及高 祖興復晉室,

居 上相之重,而后器服粗素,不爲親屬請謁。 義熙四年正月甲午, 殂於東城, 時年四十八,

追贈豫章公夫人,還葬丹徒。 高祖臨崩,遺詔留葬京師,於是備法駕,迎梓宮祔葬初寧陵。

宋 初追贈儁金紫光祿大夫,妻高密叔孫氏封遷陵永平鄉君。〔三儁子燾,燾弟熹,熹子

質,自有傳。

媛。 璽紱 春秋母以子貴之義,遵漢、晉推愛之典,謹上尊號爲皇太后,宮曰<u>永樂。」少帝</u>旣廢,太后還 中被外。 永初元年,拜爲夫人。 ,隨居吳縣。 武帝張夫人諱闕,不知何郡縣人也。義熙初,得幸高祖,生少帝,又生義興恭長公主惠 伏惟夫人德並坤元,徽音光劭,發祥兆慶,誕啓聖明。 太祖元嘉元年,拜營陽王太妃。 少帝卽位,有司奏曰:「臣聞嚴親敬始,所因者本,克孝之道,由 三年,薨。 宜崇極徽號,允備盛則。 從

宋初,拜皇太子妃。 少帝司馬皇后諱茂英,四河內溫人,晉恭帝女也。 少帝卽位,立爲皇后。 元嘉元年,降爲營陽王妃,又爲南豐王太妃。 初封海鹽公主,少帝以公子尚焉。

六年薨,時年四十七。[至]

武帝胡婕妤諱道安,「私」淮南人。 義熙初,爲高祖所納,生文帝。 五年,被譴賜死, 時 年

四十二。葬丹徒。高祖踐阼,追贈婕妤。

宅四海。 衞, 聿追來孝。 太祖 嚴親莫逮,天祿永違。 即位,有司奏曰:「臣聞德厚者禮尊,慶深者位極。 伏惟 :先婕妤柔明塞淵,光備六列,德昭坤 臣等遠準春秋,近稽漢、晉。 範, 故閟宫既構,咏歌先妣; 訓治 謹上尊號日章皇太后,陵日 母 儀。 用能 啓祚聖明 園陵崇 熙 奄

寧。」立廟於京師。

太后兄子元慶,位至奉朝請。

文帝袁皇后諱齊嬀,陳郡陽夏人,左光祿大夫敬公湛之庶女也。 母本卑賤, 后年五六

得。 **貧薄,后每就上求錢帛以贍與之,** 歲,方見舉。 言,「t」后視上良久,乃引被覆 濬諸庶子問訊,后未嘗視也。 愛傾後宮,咸言所求無不得,后聞之,欲知信否,乃因潘求三十萬錢與家,以觀 因此恚恨甚深,稱疾不復見上。上每入,必他處回避。 後適太祖,初拜宜都王妃。 面。 后遂憤恚成疾。 上性節儉,所得不過三五萬、三五十匹。 崩于顯陽殿,時年三十六。上甚相悼痛, 生子劭、東陽獻公主英娥。 元嘉十七年, 上數掩伺之,不能得。 疾篤, 上待后恩禮甚篤,袁氏 上執 手 後潘淑 詔前永嘉太守 流 上意,信宿 涕 妃有寵 問 始興王 所 欲 便

於組 旒, 龍 | 輁繩綍,容翟結驂。 想徂音乎珩 珮。 悲黼筵之移御,痛暈褕之重晦。 皇塗昭列,神路幽嚴。 皇帝親臨祖饋, 降輿客位,撤奠殯階。 躬瞻宵載。 飾遺 乃命 儀

顏延之爲哀策,文甚麗。

其辭曰:

光玉 繩。 倫昭儷昇,有物有憑。 昌輝在陰,柔明將進。 圓精初鑠,方祇始凝。 率禮蹈和,稱詩納順。 昭哉世族,祥發慶膺。 爰自待年, 金聲夙振。 秘儀景胄, 亦旣有 圖

謠南國。 象服是加,言觀惟則。 伊昔不造,洪化中微。用集寶命,仰陟天機。 俾我王風,始基嬪德。 蕙問 釋位公宮,登耀紫闈。欽若皇 川流,芳猷淵塞。 方江泳漢,再

行,素章增絢

史臣,誄德述懷。

其辭曰

政穆宣,房樂昭理。 [<] 坤則順成,星軒潤飾。 姑,允迪前徽。 孝達寧親,敬行宗祀。 進思才淑,傍綜圖史。 德之所屆,惟深必測。 發音在咏,動容成紀。 下節震騰,上淸朓

側。有來斯雍,無思不極。謂道輔仁,司化莫咐。

象物方臻,眡祲告沴。 太和旣融,收華委世。 蘭殿長陰,椒塗弛衞。 嗚呼哀哉

戒凉在肂,[凸杪秋卽穸。霜夜流唱,曉月升魄。八神警引, 五輅遷迹。 噭噭儲

嗣, 哀哀列辟。 灑零玉墀,雨泗丹掖,撫存悼亡,感今懷昔。嗚呼哀哉!

南背國門,北首山園。 僕人案節,服馬顧轅。 遙酸紫蓋,眇泣素軒。 滅綵淸都,夷

壽 原。 邑野淪藹,戎夏悲嚾。 來芳可述,往駕弗援。 嗚呼哀 哉!

策旣奏, 上自益「撫存悼亡,處今懷昔」八字,以致其意焉。 有司奏諡宣皇后, 上特詔曰

狼狽至后殿戶外,手撥幔禁之,乃止。 初,后生砌,自詳視之,馳白太祖:「此兒形貌異常,必破國亡家,不可舉。」便欲殺之。

死, 所 住 先后若 微 后亡後,常有 音 殿 有靈, 前 度。 當知之」殿諸窗戶應聲豁然開。 小小靈應。 此殿 有五 間, 沈美人者,太祖所幸也。[10]嘗以非罪見責,應賜 自后 崩 後常閉。 美人至殿前, 職掌遽白太祖, 流涕 太祖驚往 大言曰:「 視之, 今日 死。 美人乃 無罪 從后昔 就

得釋。

沿誥。 嗣衰陵。 所生母也。 里。 永言感遠,思追榮秩,宜式傍鴻則, 大 亡外祖親王夫人柔 明五年,世祖詔曰:「昔漢道旣靈,博平煇絕,魏國方安,嘉憲啓策,皆因 外戚尊屬,不宜使墳塋蕪穢。 又詔:「趙、蕭、臧光祿、袁敬公、平樂鄉君墓、二三先未給塋戶。 德淑範,光啓坤載。 可各給蠻戶三,以供灑掃。」 敬登徽序。」乃追贈豫章郡新淦縣平樂鄉君。 屬內位闕 正,攝饋閨庭, 儀被芳闈, 加世數已遠,胤 心所弘,酌典 聞宣 后之 戚

后父湛,自有傳。三三

引訓 盛烈乎中興。 以闡洪基,膺淑慶以載聖哲者也。伏惟淑媛柔明內昭,徽儀外範,合靈初迪,則庶姬仰燿, 「臣聞曆集周邦,徽音克嗣,自己氣淳漢國,沙麓發祥。昔在上代,業隆祚遠,未有不敷陰敎 無寵,常隨世祖出蕃。世祖入討元凶,淑媛留尋陽。 蕃閩,則 文帝路淑媛諱惠男,丹陽建康人也。以色貌選入後宮,生孝武帝,拜爲淑媛。 家邦被德。 載厚化深,聲詠允緝,宜式諧舊典,恭享極號。 民應惟和,神屬惟祉,故能誕鍾叡躬,用集大命,固靈根於旣殞,融 上卽位,遺建平王宏奉迎。 謹奉尊號日皇太后,CIBD宮日 有司奏曰: 年旣長,

崇憲。」太后居顯陽殿。

上 一於閨 房之內,禮敬甚寡,有所御幸,或留止太后房內,故民間誼然,咸有醜聲。 宮掖

事秘,莫能辨也。

特乞雲 弟子撫軍參軍瓊之上表曰:「先臣故懷安令道慶賦命乖辰,自違 太后頗豫 孝 建 **「雨,微垂灑潤。」 詔付門下。** )政事 二年,追贈太后父興之散騎常侍,興之妻徐氏餘杭縣廣昌鄉君。 ,賜與瓊之等財物,家累千金,居處服器,與帝子相 有司承旨奏贈給事中。 瓊之及弟休之、茂之並超顯職。 逆明世。 侔。 敢缘 大明四年, 太后 衞戍請名之典,

后 宜 大怒,告上曰:「我尚在,而人皆陵我家,死後乞食矣。」欲罪僧達。 輕造詣。 瓊之宅與太常王僧達並門。 王僧達貴公子,豈可以此事加罪。」 嘗盛車服衛從造僧達,僧達不爲之禮。 上曰:「瓊之年少,自不 瓊之以訴太后,太

大 明 五 年,太后隨上巡南豫州,妃主以下並從。 廢帝即位,號太皇太后。

外,徽 改,皇太后宜即 撫 愛 亦篤。 太宗踐 號宜 宣。 作,號崇憲太后。 及 上卽位, 前 伏惟皇太后懿聖自天,母儀允著,義明 號,別居外宮。」詔曰:「朕備丁艱罰, 供奉 ·禮儀,不異舊日。 初太宗少失所生,爲太后所攝養,太宗盡 有司 奏曰:「夫德 八遠, 蚤嬰孤苦, 道變 敷於內, 九圍。 特蒙崇憲太后聖訓撫育 心祗 聖明 典章 中必遠; 事,二三而 登御, 景胙攸 化覃于 太后

列

衰三月,以申追仰之心。」諡曰昭皇太后,葬世祖陵東南,號曰修寧陵。 蓼,夙憑德訓,龕虣定業,實資仁範,恩著屯夷,有兼常慕。 禁。不得如所奏。」尋崩,時年五十五。遷殯東宮,門題曰崇憲宮。上又詔曰:「朕幼集荼 昔在蕃閩 了常奉藥膳,中迫凶威,抱懷莫遂。 今泰運初啓,情典獲申,方欲親奉晨昏,盡歡**閨** 夫禮沿情施,義循事立,可特齊

戎役是務,禮之詳略,各沿時宜。臣等參議,修寧陵玄宮補治毀壞,權施油殿,暫出梓宮,事 義,載彰幽顯。史官可就巖山左右,更宅吉地。明審龜筮,須選令辰,式遵舊典,以禮創制。 忌,慮將來致災。。泰始四年夏,詔有司曰:「崇憲昭太后修寧陵地,大明之世,久所考卜。 畢卽窆,於事爲允。」詔可。 今中宇雖寧,邊虜未息,營就之功,務在從簡。舉言尋悲,情如切割。」有司奏:「北疆未緝, 滋甚,恒費修整,終無永固。且詳考地形,殊乖相勢。 朕蚤蒙慈遇,情禮兼常,思使終始之 歲遭諸蕃之難,禮從權宜。奉營倉卒,未暇營改。而塋隧之所,山原卑陋。頃年頹壞,日有 先是晉安王子勛未平, 巫者謂宜開昭太后陵以爲厭勝。修復倉卒,不得如禮。上性 前

儀同三司,諡曰敬侯。 縣侯,邑千戶。又追贈興之侍中、金紫光祿大夫,諡曰孝侯,道慶散騎常侍、光祿 瓊之爲衡陽內史,先后卒。廢帝景和中,以休之爲黃門侍郎,茂之左軍將軍,並封開國 立道慶女爲皇后,以休之爲侍中,茂之黃門郎。太宗廢幼主,欲說太 大夫、開府

鎭北諮議參軍。 尉,茂之可中書侍郎。」太宗未卽位,故稱令書。 前丹陽丞路茂之,崇憲密戚,蚤延榮貫,並懷所勳,宜殊恒飾。 后之心,乃下令書曰:「太皇太后蚤垂愛遇,沿情卽事,同於天屬。 太宗殺世祖諸子,因此陷休之等,宥其諸子。 茂之又遷司徒從事中郎,休之桂陽王休範 休之可黃門侍郎, 前車騎諮議參軍路休之、 領步兵校

上入伐凶逆,后留尋陽,與太后同還京都,立爲皇后。 尚、山陰公主楚玉、臨淮康哀 孝武文穆王皇后諱憲嫄,琅邪臨沂人。元嘉二十年,拜武陵王妃。 公主楚佩、皇女楚琇、 康樂公主脩明。 世 祖在 生廢帝、豫章王子 蕃, 后甚 有寵

中。 韶六宮,親蠶 縣妃主以下, 大明四年,后率六宮躬桑于西郊,皇太后 川室。 可量 皇太后降鑾從御,佇蹕觀 加班 錫 禮 觀禮。 綠蘧旣具,玄紞方修, 上下詔曰:「朕卜祥大昕,測 庶儀 發椒 辰 拂羽,爱 闡化

動

后父偃,字子游,晉丞相導玄孫,尙書嘏之子也。[15]母晉孝武帝女鄱陽公主,[17]宋受 即位,尊 曰皇太后,宮曰永訓。 其年,崩于含章殿,時年三十八。 祔葬景寧陵。

禪,封永成君。 偃尚 高祖第二女吳興長公主諱榮男,少歷顯官, 黄門侍郎, 秘書監,侍中。

元 嘉· 末,爲散 騎常侍、右衞將軍。 世祖 即位,以后父,授金紫光祿大夫,領義陽王師,常侍如

故。 遷右 光祿大夫,常侍、王師 如故。 偃謙虛恭謹,不以世事關懷。孝建二年卒,時年五十

四。追贈開府儀同三司,本官如故,諡曰恭公。

人吳崇祖,前廢帝景和中,主讒之於廢帝,藻坐下獄死,主與汪氏離婚。 長子藻,位至東陽太守。尚太祖第六女臨川長公主諱英媛。公主性妒,而藻別愛左右 泰始初,以主適豫

章太守庾沖遠,未及成禮而沖遠卒。

宋世諸主,莫不嚴妒,太宗每疾之。 湖熟令袁慆妻以妒忌賜死,使近臣虞通之撰妒婦

?記。 左光祿大夫江湛孫\劉當尚世祖女,上乃使人爲\劉作表讓婚,曰:

室,荆釵布裙,足得成禮。 屬降公主,天恩所覃,容及 臣寒門顇族,人凡質陋,閭閻有對,本隔天姻。如臣素流,室貧業寡,年近將冠,皆已有 伏承詔旨,當以臨汝公主降嬪, 自己樂出望表, 恩加典外。 随末。 每不自解,無偶迄茲,媒訪莫尋,自己素族弗問。 懷憂抱惕,慮不獲免,徵命所當,果膺茲舉。 顧審輶蔽,伏用憂惶。 自惟門慶, 雖門泰

佯愚以求免,子敬灸足以違詔,王偃無<u></u>仲都之質,而倮露於北階,何瑀闕龍工之姿,而 自 晉氏以來,配尚王姬者,雖累經美胄,亟有名才,至如王敦懾氣,桓溫斂威,眞長 宗榮,於臣非幸,仰緣聖貸,冒陳愚實。

投軀 知 辭 愚 節其言笑。 之 勢 魚 老 疑 王 相 ,務檢 憲 輒言 理。 入, 屈 豎,議舉 醜 弄 有 頭 扇 本 領 叢 於深 琴 別 於崇貴, 誘 發 無嫚嫡之嫌 人理之常,當賓待客,朋從之義。 一、畫拱 本 意 非唯交友離異,乃亦兄弟疏闊。 輕易 來。 口舌。 口 一、召必 井,謝 叉出 止 所 其 我。 左右 姆 袂 則 言,恒 事隔於聞覽,吞悲茹氣,無所 恆 嬭 入之宜,繁省難 其間 而 以三哺 未閑是非,聽言語則謬於虛 莊殆自同於朦叟、「同己殷沖幾不免於强鈕。 意,不可 整刷 爭媚,相勸以嚴;妮媼競前,相諂 叉 豊 披卷,一 竊 同 又有 ?科律。 ,以疑 聞 有 爲期,遺必 貸借 諸主 輕婦 應答問 生之內,與此 寵見嫌; 之誚。 固 集聚,唯論 王藻雖復强很,頗經學涉, 衷,或進不獲前 實 訊,卜筮 以 〈常辭。 況 日 賓客未冠,以 出 今義絕 夫族。 長 第令受酒 而 師母 爲限,夕不 令掃轍 或言 逃訴。 乖。 實。 ૅ, 或或 傍私,虔恭 乃至 緩 又聲 野 姆 敗 以急。 息駕 入不 制 不 肉之賜,制 嬭敢恃耆舊,唯贊妒忌 少容致斥。 足 見 殘 勒 影裁聞, 去 ·聽出。 晚 餘 爲 ,無闚門之期,廢筵抽席,絕接對 甚於僕隸,防閑過於婢妾。 或言 戲笑之事, 魄,朝 急者 飲食、詰辯與誰、衣被故敝, 第令必凡庸 正 彼數人者,「三」非無才意,而 匹, 以 人笑 則 法, 不入則嫌於 動靜;監子荷錢帛之私, 不 少婢奔进; 而 禮 識曙 入我,雖 急 毎 則 遂爲寃魂。 事 有 則 下才 星。 可 必 列 家 言 媵, 爲 一、尼媼 裾袂 ,監子皆葭萌 欲 日 至於夜 緩 無 **、疏,求** 私 象則有 儀 者 (向席 理 褚曖憂 自倡 師 適 往 少步月 有 出 設 更 甚 貫 則 則 必 多 來

責

而

出

憤,用致夭絕。 傷理害義,難以具聞。

典,處親以公,臣之鄙懷,可得自盡。 海。 官顯官, 衆,然皆患彰遐邇,事隔天朝,故吞言咽理,無敢論訴。 得保叢蔚, 己,規全身願; 通離釁咎。 夫螽斯之德,實致克昌;專妒之行,有妨繁衍。 或由才升,一叨婚戚,咸成恩假。[三]是以仰冒非宜,披露丹實。 蠢物含生, 以臣凡弱,何以克堪。 實乃廣申諸門憂患之切。 自己彌篤。 若恩詔難降, 如臣門分,世荷殊榮, 必將毀族淪門,豈伊身眚。 伏願天慈照察, 披請不申, 是以尚主之門,往往絕嗣,駙馬之 臣幸屬聖明,矜照由 足守前基,便預提拂 特賜蠲停, 便當刊膚剪髮, 前後嬰此,其 使燕雀微羣, 道、弘物 非 唯 投山竄 止陳 人 清清 難 以

爲命。 太宗 徹 分異。 歸 王族,守養弱嗣。 以此 第定省 實願 今孤 表編示諸主。 疾幾然,假息朝夕 申 仰揆天旨,或有可尋。 ·其門釁,還爲母子。 雖死之日,實甘於生。」 於是臨川長公主上表曰「妾遭隨奇薄,絕於王氏,私庭囂戾, ′,情寄所鍾,唯在一 推遷僶俛, 今事 迫誠 許 之。 切,不 未及自聞。 子。 顧 典憲, 契闊荼炭,持兼憐愍,否泰 先朝慈愛, 敢緣思燾, 鑑 觸冒 妾丹衷。 披聞 枯榮,緊以 若賜 特乞還 致此 使息

藻弟懋,昇明末貴達。 |懋弟||攸,太宰從事中郎。 蚤卒,追贈黃門侍郎。 弟臻, 昇明末

光殿 長史太山羊瞻女爲良娣,宜都太守袁僧惠女爲保林。 ,時年十七。 前廢帝何皇后諱令婉,廬江灊人也。 葬 ] 諡曰獻妃。 上更爲太子置內職二等,曰保林,曰良娣。 孝建三年,納爲皇太子妃,大明五年,薨于東宮徽 廢帝即位,追崇獻妃日獻皇后。 納南 中郎

踐作,遷后與廢帝合葬龍山

北。

紀。 主諱欣男。 孟 騎常侍。 靈休、東海何勗等,並以輿馬驕奢相尙。 |瑪歷位清顯,至衞將軍。[lē]|大明八年,公主薨,|瑪墓開,|世祖追贈金紫光祿大夫,加散 后父瑀,字雕玉,晉尚書左僕射澄曾孫 公主先適徐喬,美容色,聰敏有智數,太祖世,禮待特隆。 公主與瑪情愛隆密,何氏外姻疏戚,莫不沾被 也。 祖融, 大司農。 | 瑀尚||高祖少女豫章康長 瑪豪競於時, 與平昌 恩

王子尚撫軍諮議 有墅在 子邁,尚太祖第十女新蔡公主諱英娟。 江 乘縣界,去京 参軍 ·,加寧朔將軍、南濟陰太守。 師三十里。 邁每游履 邁少以貴戚居顯宦,好犬馬馳逐, ,輒結駟連騎,武士成羣。 廢帝納公主於後宮,偽言薨殞,殺 大明 多聚才力之 末,爲豫章 一婢送

出 邁第 殯葬 太宗卽位,追封建寧縣侯,食邑五百戶。子曼倩嗣,齊受禪,國除。 行 喪禮 常疑邁有異圖,邁亦招聚同志,欲因行幸廢立。事覺,廢帝自出討邁

得司馬,復求太子右率。 坐國哀朞晦不到,冤官。 廣州刺史宗慰,亮收斬之。[日]官至新安內史。亮弟恢,廢帝元徽初,爲廣州刺史,未之鎮, 詈賜 死。 性躁動。 **踽兄子亮,孝建初,爲桂陽太守。** 太宗初,爲建安王休仁司徒從事中郎,仍除黃門郎。 復起爲都官尚書,未拜,卒。恢弟誕,司徒右長史。 拜右率一二日,復求侍中。 丞相南郡王義宣爲逆,遣參軍王師壽斷桂陽道,以防 旬日之間,求進無已。 未拜竟,求轉司 不得侍中,以怨 誕弟行,最知 徒 司馬。

流 「昔豳都追遠,正邑纏哀,緬慕德義,敬奉園陵。 三十年卒,時四十。 國闡,鞠聖誕靈,蚤捐鴻祚。 文帝沈婕妤諱容姬,自己不知何許人也。 葬建康之莫府山。 臣等遠模漢册,近儀晉典,謹上尊號爲皇太后。」下禮官議 世祖卽位,追贈湘東國 納於後宮、爲美人。生明帝、拜爲婕妤。 先太妃德履端 【太妃。 華,徽景明峻, 太宗即 位,有司 風 光宸 掖,訓 奏曰:

諡,諡曰宣太后,陵號曰崇寧。

以 太后弟道慶爲給事中。 泰始三年卒,追贈通直散騎常侍,賜爵縣侯。 又追贈太后父

散騎常侍,母王氏成樂鄉君。

明恭王皇后諱貞風,琅邪臨沂人也。 元嘉二十五年, 拜淮陽王妃。 太宗改封,又爲湘

東王妃。「云」生晉陵長公主伯姒、建安長公主伯媛。太宗卽位,立爲皇后。

體。 寒乞,今共爲笑樂,何獨不視。」后曰:「爲樂之事,其方自多。 以此爲樂,外舍之爲歡適,實與此不同。」帝大怒,遣后令起。后兄楊州刺史景文以此 上嘗宮內大集,而嬴婦人觀之,以爲歡笑。后以扇障面,獨無所言。 豈有姑姊妹集聚,而嬴婦人形 帝怒曰:「外舍家

事語從舅陳郡謝緯曰:「后在家爲儜弱婦人,不知今段遂能剛正如 此。

廢帝即位

· 算爲皇太后,宮曰<u>弘</u>訓。

廢帝失德,太后每加勗譬,始者猶見順從,後狂慝

轉甚,漸不悅。 已令太醫煑藥,左右 元徽 五. 人止之曰:「若行此事,官便應作孝子,豈復得出入狡獪。」帝曰:「汝語 年五月五 一日,太后賜帝玉柄毛扇,帝嫌其毛柄不華,因 此欲 加 耽害,

大 有理。」 乃止。

順帝 卽 位 ·齊王秉權,宗室劉晃、劉綽、<br/>
卜伯興等有異志,太后頗與相關。 順帝禪位,太

列

傅

薨于第,時年四十四。 后與帝遜于東邸,因遷居丹陽宮,拜汝陰王太妃。順帝殂於丹陽,更立第京邑。 追加號諡,葬以宋后禮。父僧朗,事別見景文傳 建元元年,

爲李氏子。 於上,以賜太宗。始有寵,一年許衰歇,以乞李道兒。 容質甚美,卽以白世祖,於是迎入宮。在路太后房內,經二三年,再呼,不見幸。太后因言 **貧。」賜錢三萬,令起瓦屋。 尉自送錢與之,家人並不在,唯太妃在家,時年十二三。 尉見其** 太妃家在建康縣界,家貧,有草屋兩三間。上出行,問尉曰:「御道邊那得此草屋,當由家 明帝陳貴妃諱妙登,丹陽建康人,屠家女也。 廢帝後每自稱李將軍,或自謂李統。 世祖常使尉司採訪民間子女有姿色者。 尋又迎還,<u>生廢</u>帝,故民中皆呼<u>廢</u>帝

章,未煥彝策。遠酌前王,允陟鴻典。臣等參議,謹上尊號曰皇太妃。 騎常侍,金寶妻王氏永世縣成樂鄉君。昇明初,降爲蒼梧王太妃。 太后故事。 晷,表淑星樞,徽音峻古,柔光照世,聲華帝掖,軌秀天嬪,景發皇明,祚昌睿命。 神,郊電基皇,慶爍天地。 故資敬之道,粹古銘風;沿貴之誼,眇代疑則。 伏惟貴妃含和日 太宗卽位,拜貴妃,禮秩同皇太子妃。廢帝踐阼,有司奏曰:「臣聞河龍啓聖,理浹民 置家令一人。改諸國太妃曰太妃。 妃音怡。「三宮曰弘化。」追贈太妃父金寶散 輿服一如晉孝武帝 而備物之

伯父照宗,中書通事舍人。 叔佛念,步兵校尉。 兄敬元,通直郎,南魯郡太守。 佛念大

通貨賄,侵亂朝政。昇明初,賜死。

州郡令獻物,多者將直百金。 妃,而雅信小數,名家女多不合。后弱小,門無强廕,以卜筮最吉,故爲太子納之。 旣而原之。 後廢帝江皇后諱簡珪,濟陽考城人,北中郎長史智淵孫女。 太子卽帝位,立爲皇后。 始興太守孫奉伯止獻琴書,其外無餘物。 帝旣廢,降爲蒼梧王妃。 智淵自有傳。 泰始五年,太宗訪求太子 上大怒,封藥賜死, 諷朝士

母焉。 取 以入宮,及生男,皆殺其母,而以與六宮所愛者養之。 明帝陳昭華諱法容,丹陽建康人也。 明帝崩,昭華拜安成王太妃。 順帝即位,進爲皇太妃。 太宗晚年,痿疾不能內御,諸弟姬人有懷孕者,輒 順帝,桂陽王休範子也, 順帝禪位,去皇太妃之號。 以昭華爲

一二九八

禪位 ,降爲汝陰王妃。 順帝 謝皇后諱梵境,陳郡陽夏人,右光祿大夫莊孫女也。 莊自有傳。 昇明二年, 立為皇后。 順帝

娉納 夕,配 溺 降班在四,簪珥成行;同列者三,環珮係響,乃可以燮理陰敎,輔佐君德。 皆司 徒 門萬戶 權 車之塵,永隔青蒲 殷姬 無外 以以所 事設防,典文曲立。 有 史臣曰:飲食男女,人之大欲存焉。如以故聖人順民情而爲之度,王宮六列,士室二等, 以德升,姬嬙並御,進非色幸。欲使情有覃被,愛罔偏流,專貞內表,妖蠱外息。 /,而 ,並后匹嫡,至使多難起於肌膚,幷命行於同產,又況進於此者乎。 ·授,戚屬餼賚,歲時不 選止於軍署之內,徵引極乎厮卓之間,非若晉氏採擇濫及冠冕也。[H3]且 章,俔天作儷,必四岳之後。雖正位天閨,禮亢尊極,而衰厭易兆,恩宴難留, 淫粧怪飾,變炫無窮。 之地。 若夫義篤閩闈,化形邦國,古先哲王有以之致治者矣。 是故元后憤終,良有以也。 過肴漿,斯爲 自漢氏昭陽 美矣。 之輪奐,魏室 及太祖之傾惑潘嫗,謀及婦 自元嘉 九華之照曜, 以降,內職稍繁,椒庭綺觀, 曾不 宋氏藉晉世 以斯言之,三代、 能 人,大明之淪 概 愛止帷房, 夫后妃專 其萬一。 一謝屬 一令典, 至於

|漢之亡於淫嬖,非不幸也。

比房 「房」下疑有奪字。

臣等請上宋王太后號皇太后 各本並作「臣等參受宋王太后號」,據元龜一八九訂正。

妻高密叔孫氏封遷陵永平鄉君 各本並作「封永陵平鄕君」,據南史改。 州郡志郢州武陵太守

領遷陵侯相。 永平蓋即遷陵縣之鄉名。

少帝司馬皇后諱茂英 「皇后」各本並作「皇太妃」,據南史、御覽一四九引改。

五 時年四十七 張森楷校勘記云:「按少帝死年十九,則妃于時亦當二十左右。 後十六七年至元

嘉十六年卒,應年三十六七,不應四十七,疑有誤。」

ハベン

武帝胡婕妤諱道安

上執手流涕問所欲言 「言」字上,各本並有「不」字,據南史删。

「道安」各本並作「道女」,據南史、御覽一四二引改。

房樂昭理 「昭」文選作「韶」。李善注引禮記注曰:「韶、繼也。」

八九山 戒涼在肂 「肂」各本並作「律」,據文選改。 李善注引儀禮注曰:「死三日而肂,三月而葬。」說

肂"瘞也。」

沈美 入 者太祖所幸也 「太祖」各本並作「太宗」。 按太宗卽明帝,沈美人爲明帝生母沈婕好,

此太宗當作太祖,今改正。

趙蕭 臧光祿袁敬公平樂鄉君墓 「鄕君」各本並作 「郡君」。 據南史改正。 按上云追贈豫章郡

新淦縣平樂鄉君,則此不當稱平樂郡君,疑誤。

后父湛自有傳 「湛」各本並作「湛之」,據本傳删「之」字。

〇一〇 徽音克嗣 「克」各本並作「充」、據元龜一八九改。

**謹奉尊號** 日皇太后 各本並脫「謹」字,據元龜一八九補。

二吾 太宗盡 一心祗事 「太宗」各本並作「世祖 ت ہ 孫彪宋書考論云:「案文義,當云『太宗盡心祗事』,

世祖』誤。」按孫說是一个改正。

口公 尚書嘏之子也 各本並脫「書」字。孫彪朱書考論云:「當作尚書嘏之子。」按孫說是, 今補

(F) 母晉孝 武帝女都 陽公主 張森楷校勘記云:「據晉書王導傳, 公主是簡文帝女, 孝武 帝 妹。 此

女字疑是妹字之誤。」

當以 臨 汝 公 主降 嬪 「臨汝公主」 各本並作「臨海公主」, 據南齊書江斅傳改正。 洪頤煊諸史

云 : 「按何尚之傳」 題之尚太祖 第四女臨海 惠公主, 封號不應同名。 南齊書江斅傳, 尙 孝武

無尙主事,疑以目疾辭,遂停尙主也。」

[三] 彼數人者 各本並脫「彼」字,據南史補。

咸成恩假 「成」各本並作「有」,據南史、初學記一〇引、藝文類聚一六引、御覽一五三引改。

[III] 至衞將軍「衞將軍」南史作「右衞將軍」。

亮收斬之 各本並作「收亮斬之」,孫彪宋書考論云: 「案文義當爲『亮收斬之』。」按孫說是,今

〔三〕文帝沈婕妤諱容姬 各本並脫「姬」字,據南史補。

改正。

太宗改封又爲湘東王妃 各本並脫「又爲」二字、據南史補。 按太宗即明帝,初封淮陽王,元嘉

二十九年,改封湘東王,故其妃亦改稱湘東王妃。

是。」 改諸國太妃曰太妃如晉怡 「太妃」 南史、 御覽一四二引作「太姬」。 孫彪朱書考論云: 「姬字

会 飲食男女人之大欲存焉 「人」各本並作「民」,據禮記禮運原文改正。

非若晉氏採擇濫及冠冕也 各本並脱「若」字、據南史補。

